



1917-1967

ВОЙВЫВ
КОДЗУВ

11

1967

Сыктывкарын В. И. Ленинлы памятник.


Фото В. Вежевлон.



ВОЙВЫВ КОДЗУВ

ЛИТЕРАТУРНО-
ХУДОЖЕСТВЕННОЙ
ДА ОБЩЕСТВЕННО-
ПОЛИТИЧЕСКОЙ
ЖУРНАЛ

Коми АССР-са писательяс союзлн орган



11

НОЯБРЬ

1967

СЫКТЫВКАР

ТАЙӦ НОМЕРЫН:

Е. КАТАЕВ. Ветымын югыд во	3
Ф. ЩЕРБАКОВ. Шуд йылысь баллада	8
Петис шонді	9

Октябрлн воськовьяс

НЁБДИНСА ВИТТОР. Мый керны? (кывбур), ИЛЛЯ ВАСЬ. Мунӧны (поэмаысь юкӧн), М. ЛЕБЕДЕВ. Морт олӧм (кывбур), В. ЛАТ- КИН. No pasaran! (кывбур), В. ЕЛКИН. Ставӧ фронтлы (кывбур)	13
М. ИГНАТОВ. Меным быть колӧ мунны (по- весть)	17
И. ВАВИЛИН. Ленин Комиын (поэма)	35

Октябрлн быдтасьяс

М. ШУРГАНОВ. Век походын, В. АМОСОВ. Уджын быдмӧ морт. А. ЮРОВ. Артистлн подвиг, Н. ТИМУШЕВ. Нэмсӧ челядькӧд	37
В. ПОПОВ. Выль кывбурьяс	43
Г. ЮШКОВ. Шудыс усълӧма на меным (кыв- бур)	45
И. ТОРОПОВ. Батькӧд сёрни (кывбур)	46
А. МАЛЬЦЕВ. Лэбӧны юсьяс, Май, 1945 во (кывбурьяс)	48
А. ФИЛИППОВ. Ленин (кывбур)	49
В. НАПАЛКОВ. Медводдза учительницаы (кывбур)	49

Публицистика

Г. ФЕДОРОВ. «Войвыв кыя» вӧчысьяс	50
---	----

Челядьлы

Е. ПОТАПОВ. Аркаша (поэмаысь юкӧн)	58
А. МИШАРИН. Тшӧтш тӧдла уджлысь кӧр, Ванюк вӧчӧ чом (кывбурьяс)	60

Сатира да юмор

А. МАТВЕЕВ. Тӧлка мӧвп, Жӧник чӧв олӧ (висьтьяс)	61
В. МАСТЕНИЦА, А. ВАНЕЕВ. Шондіа Октябрь (ссыланкыв)	64

СЕВЕРНАЯ ЗВЕЗДА

★

ЕЖЕМЕСЯЧНЫЙ
ЛИТЕРАТУРНО-ХУДОЖЕСТВЕННЫЙ
И
ОБЩЕСТВЕННО-ПОЛИТИЧЕСКИЙ
ЖУРНАЛ

●

ОРГАН
СОЮЗА ПИСАТЕЛЕЙ
КОМИ АССР

Редактор *Я. РОЧЕВ*

РЕДАКЦИОННАЯ КОЛЛЕГИЯ:

*А. Ванев, И. Изъюров, С. Попов (зам. редактора),
С. Раевский, А. Сажин, Г. Юшков (отв. секретарь).*

* * *

Обложка художника *М. П. Безносова*

ЮБИЛЕЙ ВОСЯ НЯНЬ.

Фото *В. Вежевлён.*



Е. Ф. КАТАЕВ,

Коми АССР Верховный Совет
Президиумса Председатель

Ветымын югыд во

1967 вося ноябрь сизимод лунö тыри 50 во миян странаын Великой Октябрьской социалистической революциясынь. Тайö знаменательной датасö ыджыд радлунон пасйö став мирса прогрессивной человечество. Кыдзи шулоны, му пуксьомсяньыс миян планетавывса йозлон некор на эз вöвлы сэтшöм югыд да гажа праздникис, кызди СССР-ын Советской властылы ветымын во тыран лун.

СССР-ын Великой Октябрьской социалистической революция лоис человечество развивайтчан историяын сийö паснас, кодi индiс став мирса народьяслы свободаö, равенствоö, братствоö, прогрессö да шудö уджалысь йозлы туй. Кольöм 50 во чöжнас миян страна, став бөрö кольöмсö венöмön, шедöдiс хозяйственной да культурной строительствойн вöвлытöм гырысь успехяс.

Тайö жö вояс чöжнас братской народьяслон дружной семьяын вöвлытöм успехяс шедöдiс и миян Коми республика, сылön экономикаыс да культураыс модiсны тырвийö дзоридзавны.

Великой Октябрьской социалистической революцияöдз Коми край вöли Российской империялön бөрö кольöм, пемыд пельöсön, политика боксянь царизмлы неблагонадёжной йозöс ссылкаö ыстанiнön. Промышленностьын, туйяс вылын да видз-му овмöсын вöдитчисны медся примитивной техникаön.

А став промышленностьыс революцияöдзса Коми крайын вöвлi Нювчимса, Кажимса да Нючпасса чугуна сывдан заводяс, кöньясын сывдывлiсны онас 1,5—2,5 тысяча тонна чугуна. Печораын (Усть-Вояын) перйивлiсны тöчила из, вöчлiсны тöчилаяс да зудьяс. Изываын кустарникьяслон няркеккаясын вöчлiсны няр (замша). Сереговоын пулiсны сов. Медся ыджыд местасö босьтлiс вөр лэдзöм. 1913 воын Коми край территория вылын кыскылiсны вöрсö 726 тысяча кубометр. Вöрсö лэдзлiсны иностранной лесопромышленной кампанияяслы, став сьöкыд уджыс нуöдсьывлiс ки помысь коми крестьянаön. Эз бурджык вöv делöйс транспорт да видз-му овмös развивайтöм кузя.

Советской власть вояс чöжөн Коми АССР-са уджалысь йöз Советской Союза Коммунистической партия веськөдлöм улын, Советской Союза братской народьяслон, и медводз великой роч народлön отсöгön, шедöдiсны вывтi гырысь успехяс промышленность, транспорт, связь, видз-му овмös да форма серти национальной, содержание серти социалистической культура развивайтöмын.

Öндз промышленной продукция лэдзöмыс содiс 1913 во серти 165 пöv. Öнi республикаса промышленной предприятиеяс быд кык да

джын лунён лэдзёны продукциясё сы мында жё, мыйта лэдзлісны 1913 во чёжён. Коми АССР лоис крупнóй социалистическóй индустрия странаён. Республикалён помтём природнóй озырлуньясыс, кодьяс вёрзёдылтыг куйлісны царизм дырйи, век паськóдджыка воссьёны да сувтёны советскóй народлы служба вылө.

Республика войвылын быдмис зэв ыджыд Печорскóй угольнóй бассейн, коді сетө страналы онас 20 миллион гөгөр тонна бур качества из шом, сы лыдын тóдчымён мында коксуйтчысь из шом. Странаса зэв ыджыд Череповецкóй металлургическóй комбинат, коді сывдө первокласснóй сталь, тырвыйө обеспечивайтсьө Печорскóй угольнóй бассейна вылын качества коксөн. Оні мунёны тайө бассейнын шахтаяс тырвыйө реконструируйтём кузя уджьяс да стрóйтсьёны Воргашорскóй месторождениеын уникальнóй шахтаяс, кодьяс кутасны сетны онас 4,5 миллион тонна из шом.

Сы йылысь, мый Коми крайын эм нефть, тóдса вóлі Октябрьскóй революцияөдз ёна войдөр на, но тайө озырлуныс, уна мукөд сикас озырлуньяс моз жё, куйліс пармаын, му пытшкын. И сөмын уджалысь йөзөн государственнóй власть ас киө босьтём бёрын да великóй Ленинлөн индөд серти заводитчис тайө озырлунсö збыльысь тóдмалөм да перйём. Оні мян нефтяникьяс пыр ёнджыка паськóдчёны. Миян республикаын нефть перйёмыс 1940 вося серти содіс 53 пөв. Нефть перйёмыс ещё ёна содіс перспективнóй Тэбукскóй месторождение восьтём бёрын.

Выль Джьерскóй, Пашнинскóй, Мичаюсскóй да нефтьлысь мукөд перспективнóй месторождениеяс восьтём бёрын Коми АССР-са нефникьяслөн будущойыс ещё ёнджыка паськалө да мичаммө. Специалистьяс шуёны, мый Коми АССР матыса кадө лоө ыджыд нефтя республикаён. Тайө пятилеткаын нин индөма содтыны нефть перйёмсö 3-ысь унджык пөв.

Миян республикаын заводитчө өдйө развивайтчыны овмөслөн выль прогрессивнóй отрасль — газөвöй промышленность. Талы зэв ёна отсаліс Вуктыльскóй газоконденсатнóй ыджыд месторождение восьтём. Оні гырысь өдьясөн стрóитсьө странаын зэв ыджыд газопровод Вуктыль — Ухта — Череповец — Торжок — Ленинград. Природнóй да попутнóй газсö перйёмыс да переработайтёмыс мянлысь республиканымс ещё ёнджыка йоткыштас водзө вынйөра социалистическóй индустрия развивайтан туй кузя.

Коми АССР-ын промышленностьлөн медся важ отрасльыс — леснóй. Но и сійө зэв ёна вежсис советскóй власть вояс чёжён. Кыдзи индылім нин, 1913 воө Коми крайын вóлі лэдзёма да кыскёма вёрсö сөмын 726 тысяча кубометр. Край территория вылын эз вөв вөр переработайтём кузя ни өти предприятие.

Коми АССР — СССР-лөн Европейскóй юкёнын вөрөн медся озыр район. Вөр запасыс сылөн артавсьө 2,5 миллиард гөгөр кубометр. Оні став лесозаготовительнóй организацияс заготовляйтёны онас 20 миллион гөгөр кубометр древесина. Деревообрабатывающóй промышленностьса предприятиеяс оні сетёны 2 миллион сайө кубометр пиломатериал, 70 тысяча кубометр фанера, 6,2 миллион шайт дон мебель, а сідз жө уна древесно-стружечнóй плита да мукөд продукция.

Оні ыджыд өдөн стрóитсьө Сыктывкарскóй лесопромышленнóй комплекс. Тайө лоас Европаын медся ыджыд лесохимическóй предприятие. Первой өчередь стрóитём бёрын нин кутас сетны онас: целлюлоза — 345 тысяча тонна, картон — 144 тысяча тонна, меловöй бумага — 100 тысяча тонна, кормөвöй дрожжи — 25 тысяча тонна, фанера — 100 тысяча кубометр да уна мукөд продукция. Тайө комплекслысь первой өчередь помалөм бёрын кутас стрóитсьёны мөд өчередь, коді кутас лэдзны газетнóй бумага 400 тысяча кубометр онас. Локтан

пятилеткао индѡма стрѡитны татшѡм жѡ лесопромышленнѡй комплекс Троицко-Печорск дорын. Тайѡ пятилеткаын лоѡ стрѡитѡма выль лесозаготовительнѡй предприятиеяс вѡнас 9,4 миллион кубометр произвѡдственной мѡщностьѡн. Войнаѡбѡрса вѡясѡ республикаын стрѡитѡма да успешнѡя уджалѡны механической, судостроительнѡй да судоремонтнѡй заводъяс, домостроительнѡй комбинатъяс, железобетоннѡй изделияс вѡчан заводъяс, стройиндустрия предприятиеяс, электростанцияяс, выль шахтаяс, обогатительнѡй фабрикаяс да уна мукѡд предприятиеяс.

Октябрьскѡй революцияѡдз Коми крайын эз вѡвны некутшѡм туйяс. Ѳти сиктсаян мѡдѡдз позьлис мунны подѡн, пыжѡн да гожѡмын и тѡлын кызкѡ-мыйкѡ вѡлѡн. Сѡветскѡй власть вѡясѡ республикаын ыджыд вермѡмъяс шедѡдѡма и транспорт развивайтѡм кузя. Рытывлунвыдс границаясн дзик Воркутаѡдз республикаѡс вундис Северо-Печорскѡй кѡрт туй, дзлѡн кузьятис тысяча километрыс унджык. Стрѡитѡма Микунь — Сыктывкар кѡрт туй, успешнѡя стрѡитсьѡ Микунь — Кослан — Ертом кѡрт туй. Стрѡитсьѡны Сосногорск — Троицко-Печорск.

Сыктывкарскѡй аэропортыс быд лун мѡдѡдѡны пассажиръясѡс сѡ местаа воздушнѡй лайнер АН-10-ясѡн Москваѡ, Ленинградѡ, Свердловскѡ, Киевѡ, Миниральные Водыѡ, Адлерѡ, Симферопольѡ. Республикалѡн столица Сыктывкар воздушнѡй линияясѡн йитчѡма республикаса пѡшти став каръяскѡд да районнѡй центръяскѡд, а найѡ — гырыс-джык населѡннѡй пунктъяскѡд. Республикаын сѡдз жѡ развивайтчѡ автомобильнѡй да речнѡй транспорт.

Ѳнѡ стрѡитсьѡны автомобильнѡй туйяс: Летка — Мураши, Визинга — Койгородок, Сыктывкар — Кѡрткерѡс. Пассажиръясѡс обслуживайтѡм мѡгыс пыр ылѡдзджык нюжалѡны автобусьяслѡн ветлан линияяс да содѡны линияяс вылын автобусъяс.

Сѡветскѡй власть вѡяс чѡжѡн ыджыд вежсьѡмъяс лоисны миян республикаса видз-му овмѡсын. Став страна пасьята моз жѡ комынѡд вѡясын на посни единоличнѡй крестьянскѡй овмѡсьяс вѡли ѡтвѡтѡма колхозьясѡ да лѡсьѡдѡма гырыс механизированнѡй коллективнѡй овмѡсьяс. Ѳнѡ миян республикаын видз-му овмѡсса прѡдуктаяс вѡчѡмѡн занимайтчѡны 46 совхоз, 45 колхоз, 2 птицефабрика да некымын дас подсобнѡй сельскохозяйственной предприятие разнѡй ведомствояслѡн. Республикаса видз-му уджалыс предприятиеяслѡн ѡнѡ эм 4 тысяча сайѡ трактор, 180 зернѡвѡй комбайн, 1300-ыс унджык грузѡвѡй автомашина да уна мукѡд сѡкас техника. Бѡръя вѡяс чѡжѡн мыйтакѡ бурмис почвалыс плодородие да скѡтлыс продуктивность кыпѡдѡм кузя уджыс. Та вѡсна содѡсны валѡвѡй сборъяс видз-му овмѡсса прѡдуктаяслѡн, ѡнмис колхозьяслѡн да совхозьяслѡн экономикаыс, бурмис видз-му овмѡсса уджалысъяслѡн материальнѡй благосостояниеыс.

Сѡветскѡй власть вѡяс чѡжѡн миян республикаын 1913 во серти содѡс валѡвѡй сборыс картофелълѡн — 13 пѡв, овощилѡн — 9 пѡв, йѡвлѡн — 3-ыс унджык пѡв, а сѡдз жѡ содѡс яй да кольк вѡчѡм.

Промышленностьлѡн да транспортлѡн ѡдѡй быдмѡмкѡд да населениелѡн вѡыс-во содѡмкѡд тшѡтш пыр унджык ковмѡ сѡян-юан. Та вѡсна колѡ ѡна содтыны видз-му овмѡсса прѡдуктаяс вѡчѡм. Ѳнѡ мунѡны уджъяс Сыктывкарса птицефабрика пасьякѡдѡм кузя. Стрѡитсьѡны гырыс птицефабрикаяс Воркутаын да Интаын. Пасьякѡдсьѡны да выльыс стрѡитсьѡны тепличнѡй комбинатъяс да сѡдз водзѡ.

Республикаын ыджыд удж мунѡ капиталнѡй строительство кузя. Стрѡитсьѡны промышленнѡй предприятиеяс, олан керкаяс, школаяс, больничаяс, детскѡй учреждениеяс, театръяс, клубъяс, библиотекаяс,

столөвöйяс, магазиньяс, населениеёс бытöвöя обслуживайтан комбинатьяс да мастерскöйяс.

Экономика да культура кыптöмкөд тшöтш республикаын öдйö сөдö населениелөн лыдыс. Коми край территория вылын 1920 воö артавис 179,8 тысяча морт, 1959 воын — 815,8 тысяча морт, а öнi артависö нин öти миллионысь унджык морт. 1920 воын карса олысьяс вöлины 5400 морт, а öнi республикаса карьясын олысьяс 635,2 тысяча морт. Революцияöдзса Коми крайын вöли сöмын öти нейджыд кар Усть-Сысольск, кöнi олiсны 5400 морт. Сöветскöй власть вояс чöжөн быдмисны зэв бур öнiа карьяс — Воркута, Инта, Печора, Сосногорск, Ухта, Микунь, а республикаса столица Сыктывкарын öнi олö 113 тысячаысь унджык морт. Миян республикаын öнi 7 кар, 14 район, кар сям 35 посёлок да 157 сельскöй сöвет. Республикалөн став территория вылын хозяйственнöй да культурнöй строителствоөн областнöй партийнöй организация юрнуöдм улын веськөдлöны уджалысь йöз депутатьяслөн Сöветьяс. Миян республикаысь бöрйöма СССР-са Верховнöй Сöветö 14 депутатöс, РСФСР-са Верховнöй Сöветö — 7 депутатöс, Коми АССР-са Верховнöй Сöветö — 150 депутатöс, уджалысь йöз депутатьяслөн местнöй Сöветьясö — 8822 депутатöс.

Великöй Октябрьскöй социалистическöй революция бöрын Коми АССР-ын, кызди и став страна пасьта, мунiс збылысь культурнöй революция. Революцияöдз коми народлөн эз вöв весиг аслас письменность, йöз письыс нельöд юкөнсьыс этшаджыкыс кужлис муртса кырымпас пуктыны да лыддысьыштны. Öнi Коми АССР дорвын грамотнöй республика. Республиканын уджалöны Коми государственнöй педагогическöй да Ухтинскöй индустриальнöй институтьяс, Московскöй да Ленинградскöй институтьяслөн некымын филиал, 15 среднöй специальнöй учебнöй заведение, профессионально-техническöй образование кузя управлениелөн 29 училище, 747 общеобразовательнöй школа, на лыдын 134 среднöй, 212 восьмилетнöй. Ставыс республикаса общеобразовательнöй, специальнöй, среднöй да высшöй учебнöй заведениеясын велöдчöны 225 тысячаысь унджык морт.

Таысь кызди уна том йöз велöдчöны рытья школаясын, высшöй да среднöй специальнöй учебнöй заведениеяслөн заочнöй отделениеясын.

Республикаын öнi уджалöны 3 театр, 497 клубнöй учреждение, 434 массöвöй библиотека, 837 кинотеатр да киноустановка, 3 телецентр. Ыджыд удж мунö книгаяс, газетьяс да журнальяс лэдзöм кузя. Радио да телевидение зумыда пырöны Коми АССР-са уджалысь йöзлөн олёмö.

Сöветскöй власть воясö Коми АССР-са уджалысь йöзлөн, став странаса уджалысь йöзлөн моз жö, вуж выйöныс бурмисны олан условиясыс. Республиканын воысь-во паськалö оланiнъяс стрöйтöм. 1946 восян 1966 воöдз стрöйтöма олан керкаяс государственнöй да кооперативнöй капиталнöй вложенияс тшöт весьтö 6945 тысяча квадратнöй метр. Таысь кызди торья йöзөн стрöйтöма 19,9 тысяча керка. Тайö кад чöжнас стрöйтöма общеобразовательнöй школаяс 120,5 тысяча велöдчысь вылö, больничаяс да поликлиникаяс 4116 места вылö, детскöй учреждениеяс 31 178 места вылö. Розничнöй товарооборот сөдiс 1940 воын 39 миллион шайтсаян 1966 воын 650 миллион шайтöдз. 1966 воын вузалöма йöзыслы 1950 воын серти унджык яй 7,5 пöв, калбаснöй изделиеяс — 7 пöв, йöв да йöлысь артымьс мукöд прöдуктаяс — 9,4 пöв, сахар — 3,6 пöв, шелковöй тканьяс — 4 пöв, швейнöй изделиеяс — 8 пöв.

1913 воын став Коми край пасьта вöли сöмын 7 больнич 147 койкаөн, 7 приёмнöй покой да 37 фельдшерскöй пункт. Край территория вылын уджалiсны ставыс 14 врач. 1966 воын уджалiсны 165 больнич

11 873 койкайн. Фельдшерско-акушерской пунктьяслөн лыдыс содіс 539-өдз. Оні республикаын уджалоны 2 тысяча гөгөр врач да 8,5 тысяча средной медицинской работник. Государственной пенсия получайтоны республикаын 66 тысячаысь унджык морт.

Республикаса овмөс быдмөмкөд тшөтш быдмөны и йөзыс. Сизим вося план оломө пөртөмын активнөя участвуйтөмысь 3 тысячаысь унджык мортөс, республикаса медбур йөзөс, наградитөма Советской Союза орденъясөн да медальясөн, а 24 мортлы сетөма Социалистической Уджвйвса Геройлысь ыджыд ним.

Таво, Советской властылы 50 во тыригкежлө лөсьөдчигөн, выль вынөн паськалі социалистической ордйысьөм. Көкъямыс төлысь чөжөн лэдзөма планысь вывті промышленной продукция 15,5 миллион шайт дон, сы лыдын из шом — 139 тысяча тонна, нефть — 70 тысяча тонна, газ — 71 миллион кубометр, делөвой древесина — 237 тысяча кубометр. Сідз жө лэдзөма планысь вывті төдчымөн мында пиломатериал, фанера, мебель, цемент да уна мукөд сикас продукция.

Республикаса видз-му овмөсысь труженикъяс содтөд вөчисны да вузалисны государстволы яй 32 процент, йөв — 12 процент, вый — 31 процент вылө унджык. Успешнөя муно картопель да овощи ньөбөм.


Такөд тшөтш миян эмөсь на уна используйтөм резервъяс. Торъя предприятиеяс да колхозъяс оз на колана ног пөртны оломө не сөмын социалистической обязательствояс, но и индөм планъяс. Эмөсь на уна тырмытөмторъяс уджалысь йөзөс бытөвөя обслуживайтөмын.

Миян странаын Великой Октябрьской социалистической революциялысь нэм джынся славной юбилей пасйгөн ми долженөсь ещө ёнджыка сюртчыны Советской Союза Коммунистической партия гөгөр да кык пөв ыджыдджык вынөн босьтчыны водзө ёнмөдны миян радеитана Рөдиналысь экономической да оборонной вынйөрсө.



КОМИ МУЛӨН ВОЙВЫВ ПЕЛЬӨС.

Фото В. Льюровлөн.



Ш у д й ы л ы с ь б а л л а д а

1

Тэ помнитан, ёртэй, кыз овліс
Роч сар дырйи уджалысь морт!
Нэм мырсис, а шудыс эз волев,
Эз качөдлыв сьөлөмсө борд.

Сэк нартитіс сійөс дзик быдөн,
И вынсьөдіс нартсө закон.
Морт пөдіс, кызд чери — тыв гыдйын,
Көть пельпомнас вөліс и ён.

Но эскисны уджалысь войтыр,
Мый шондйөн дзирдөбтас му,
Сэк разалас унзіля ойбыр,
Сьөд войыс тась вешьяс, кызд ру.

Көть вөліс зэв сьөкыд, тыш бияс,
Кызд кодзувьяс, өзйисны тан.
И Ленинөн кыпөдөм пиян
Мезд-шөчділыв аددзисны бан.

2

Вампирьясөс пузьөдіс тайө,
Сьөд кыпөдчис ми вылө вын,
Мед шондисө йөткины сайө,
Россиясь вөчны би-тшын.

Эз повзыы Сөветскөй Россия
Көть враг вөліс скөр и зэв ён.

Йөз шуд вөсна вынйөра кйөн
Тшөтш тышкасис пармаса зон.

Штык миялысь вөрөг оз вунөд,—
Ми сетім эг өти урок.
И томналім му берд и сынөд,
Мед ми вылө мөдысь эз лок.

Россия, Сөветскөй Россия
Великөй и вынйөра му!
Код тэ серти ёнджык эм мирас!
Код тэ серти мича эм! Шу!!

3

Быд нация миян — тыр шуда,
И олам, кызд өти семья.
Ми — дзоридзьяс өти веж лудысь,
И мичмөдам өти страна.

И му вылас миянлы сетчө
Ю визув и джуджыд из креж.
И шуднымлөн шондй оз лэччыв,
Туй миянлысь некод оз веж.

Моторьяслөн чөвлытөм горөн
Ми водзө век йөткалам нэм.
И мичлуныс синьястө ёрө,—
Гордитчам, мый татшөм му эм!

ПЕТИС ШОНДИ

Ыджыд праздник луньясё озыр пызан сайын бур кывйён казътывлёны найос, кодъяс пуктисны ассыныс пай шуда, гажа праздник дасътомас. Коми советской литературалы туйсё восьтис Великой Октябрьской социалистической революция. Но литературалон нэм джынся туй йылысь сёрни панігён ми некыдз огё вермё колныны гарышттөг коми литературалы да литературной кывлы подув пуктысь, первой коми поэт Иван Алексеевич Куратовос, коді му вылын съод вой ыджыдалігён на, сёсыс унджык во сайын, кор съокыд вёлі съодсыс корсьны йозос, кыа петтөдз пемыдас пөдігён, пророческёя шыасьліс будущой поколенияяс дінө:

Петас, вокъяс, шонді-й тан!
Ме нин аддза — рөммö ылын...

Октябрлысь шонді югөръяссö ыджыд поэт аддзис ёна войдөр. Шонді петмысьт пö тиянлы тані пуксяс вольной олом, кутанныд лоловны кокныыда.

Поэт аслас рөднй «небыд, мича, гора» кывлысь, кодөн сёрнитлісны чой-вок да бурсылісны ай-мам, мичё съолөмөн кыліс и медводз горөдіс сыон ньөжйөнник съвыны. Сійö съолөмсянь эскис:

Тайö кылөн мукөд
Гораджыка съылас —
Сё кызь сюрс пель сэки
Уна буртор кылас!

Иван Куратовлөн кывъяс тырвийö збыльмисны. Великой Октябрь өзтис му шарлөн квайтөд юкөн весьтын, тшөтш рөднй парма весьтын югыд шонді, сылөн «муса комилы» восьтис культураö, искусствоö, литератураö паськыд туй, первой коми поэтлөн өтка гөлөс дінö сюртчисны мукөдъяс, съылөм шыыс лои гораджык. Революция бөрын первой воас жö газет лист бокъясын ассыныс поэтической гөлөс сетісны В. Савин (Нёбдіна Виттор), В. Лыткин (Илля Вась), М. Лебедев, В. Чисталёв (Тима Вень), И. Чисталёв (Жан Морөс), Н. Шахов (Сандрик Микол), Егор Колегов, А. Маегов (Варыш) да мукөд. Гашкө, налөн первой гижөдъяс эз на вöвны колана вылнаын форма боксяныс, но найö тыр гөлөсөн чуксалісны йозос повтөг тышкасьны важыслы паныд, выньяс жалиттөг восьлавны Октябрьон восьтөм туй кузя, дорйыны став выльсö, не лэдзны кысь шедөдөм шудсö.

Төварыш! Тэ кылан, кыз корö
Мича слава вылö ыджыд звөн?
Тэ кылан он, кутшөма горзö
Гөлөс муса йөзлөн, вокъяслөн?
Чеччы, төварыш, да пальөдчы,
Ассьыд вöлятö дорйыны лосьөдчы:
Лөк йөз миянö матыстчö,
Муса чужан му босьтны көсийсьö,—

революцияөн перйөм вöлясö дорйыны 1918 вося август төлысьын аслас медводдза «Гөрд звөн» кывбурын чуксалö коми советской литературалы подув пуктысь В. А. Савин. Тайö темаыс сійö поэтической творчествоын первой кадас босьтö шөр места. 1924 воын петіс поэт кывбуръяслөн первой ыджыд сборник «Сылан-лыддяныяс». Сборниклөн первой юкөныс сідзи и шусьö—«Чуксасьом»: поэт чуксалö уджалысь йөзсө сувтны революциялөн гөрд зная улö, збоя мунны враг вылö, венны сійсö.

Татшөм сямась кымын жö вöліны сійö кадся гижөдъясыс В. И. Лыткинлөн («Коми йөзлы», «Октябрь», «Революция» да мукөд), М. Н. Лебедевлөн («Вöля»), Н. Шаховлөн («Водзö»), В. Т. Чисталёвлөн («Дорччысьяс») да с. в.

Том коми литература водзө мөдөдчö гырысь өдъясөн. Котыртчалöны нардомъяс, клубъяс, лыддысян керкаяс, библиотекаяс. Рөднй кыв вылын заводитöны велөдны

начальнõй школясын. Нардомъяс да клубъяс корõны кывбуръяс, сыланкывъяс, пьеса. Школяясны колõны учебникъяс.

1920 вося декабрын котыртчõ Коми книжнõй издательство, кодӱ заводитõ лэдавны рõднõй кыв вылын книгаяс. 1921 воын петõ комиõн медводдза лыддьысян книга 2—3 класса велõдчысьяс. 1923 воын 10 000 тиражõн петõ 4—5 классъясса велõдчысьялы лыддьысян книга «Виль туйõд», кытчõ роч вылыс вуджõдõм висьтъяс-код да мойдъяскõд тшõtш пырõны М. Лебедевлõн, В. Савинлõн, В. Чисталёвлõн, В. Лыткинлõн, Е. Колеговлõн да мукõд коми гижысьяслõн кывбуръяс да посныдик висьтъяс.

Коми сиктъяслõн культурнõй олõмын пыр ыджыдджык места босътоны «Коми рытъяс». Со õти татшõм рытлõн репертуарыс: В. А. Савинлõн пьеса «Шондӱ петӱгõн дзоридз косъмис»; М. Н. Лебедевлõн оперетта «Мича ныв»; А. А. Маеговлõн «Чераньяс да гутъяс», В. И. Лыткинлõн «Арся вой Эжва вылын» кывбуръяс; М. Н. Лебедевлõн «Коми му кузя ме муна» кывбур; «Югид кодзув», «Асья кыа», «Гажаджык, коми йõз, олõй» коми сыланкывъяс...

Илля Васельõн «Мунõны», Нёбдинса Витторлõн «Меда», «Тиук» да «Зыранизация», Тима Веньлõн «Ленин гу дорын» да «Му вежандыр», М. Лебедевлõн «Цар дырся олõм», «Яг морт» да мукõд поэмаяс — тайõ нин том коми поэзиялõн 20-õд воясõ ыджыд вермõм.

Поэзиякõд тшõtш коми литератураын заводитчõ развивайтчыны драматургия. 1918 воын на В. Савин украинскõй пьесаяс подув вылын гижõ «Корасьõм», «Гудрасьõм» да «Вӱджыд мыж», сэсся первой оригинальнõй коми пьеса «Шондӱ петӱгõн дзоридз косъмис».

Кывбура-ворсанторъяс гижалõ М. Н. Лебедев. 1923 воын ассыс медводдза драмаяс «Кодӱ мыжа» да «Олыштан да муса лоас» гижõ да йõзõдõ том драматург Н. П. Попов — Жугыль.

Но тайõ вояс поэзияын моз жõ коми драматургияын нырщикалысьнас вõлӱ В. А. Савин. «Тшын», «Райын», «Инасьтõм лов», «Парма ныв», «Кулõмдинса бунт» да мукõд пьесаяс — ставсõ тайõс сийõ гижис да йõзõдис 20-õд воясõ. Эз вõвлы тõдчанаджык коми сикт, кõнӱ эськõ эз ворслыны Нёбдинса Витторлыс «Райын», «Вабергач», «Вашыр» либõ мукõд гажа пьесаяс.

Ныръясис тшõtш коми проза, но сийõ сõмын на ныръясис. Эз на позь лыддьыны тырвуйõ художественнõй гижõдъясõн В. Чисталёвлыс «Поводдя вежсьõм», «Кер пõрõдõм», «Кылõдчаныны» да мукõд натуралистическõй серпанторьясõ, В. Савинлыс медводдза очеркъясõ, И. Сажинлыс слабиник бытõвõй висьтъясõ. Чужыса прозаян медтõдчана гижõднас лоис Тима Веньлõн «Трипан Вас» висьт.

1926 вося тулысын котырчис первой коми писательскõй организация — КАПП. Тайõ жõ вося арын воспис сылõн печатнõй орган — «Ордым» журнал, код гõгõр котырчисны тшõtш виль, том писательскõй вынъяс. Кызьõд вояс помын да комынд вояс заводитчигõн кадыслы лõсялана кыпыд том задорõн да асланыс виль темаõн коми литературалõ локтисны Я. Чупров, П. Шеболкин, И. Симаков, Г. Фёдоров, И. Пыстин, И. Изъюров, П. Доронин, Е. Шахов, Н. Фролов, В. Елькин, В. Латкин, И. Вавилин, Д. Конюхов, С. Морозов, А. Размыслов, И. Осипов, Я. Рочев, В. Юхнин, неунã сёрõнджык С. Попов, Н. Дьяконов, С. Ермолин да мукõд. Буретш на пыис кодсорõ лоисны чужыса коми проза водзõ сõвмõдчысьнас. Том гижысьяс пõшти ставныс петӱсны коми сиктъясис. Гражданскõй война, сиктын культурнõй революция, видз-му овмõс õтувтõм, вõр лэдзõм, тайõ гырыс уджъяс гõгõрыс чорыд классõвõй тыш — та йылыс гижисны найõ асланыс кывбуръясын, висьтъясын, очеркъясын. Егор Шаховлõн «Вõрын», Г. Фёдоровлõн «Сиктса асыв», «Колхозница» да «Вõрса драма», И. Изъюровлõн «Тималõн бригада» да «Доменьлõн мыж», В. Юхнинлõн «Диньельса вõр-пункт» — коми литератураын медводдза гырыс прозаическõй произведениеяслõн — повестьяслõн — нимъясныс нин петкõдӱсны, мый йылыс мунис наын сёрниис, ку-тшõм удж вылын уджалысьяс вõлины тайõ гижõдъясса геройясыс.

Татшõмкодъ жõ вõлӱ серпасыс комынд воясса коми поэзияын. Тайõ жõ геройяссõ ми аддзам Н. Фроловлõн «Домна», В. Елькинлõн «Шуд вõсна», В. Латкинлõн «Вильмõдõм луньяс», да «Тундраса мойд», А. Размысловлõн «Медводдза любовь» да 30-õд воясся мукõд поэмаясыс.

Личность культõд йитчõм трагедия вылõ видзõдтõг коми литература сõвмõ ыджыд õдõн. Тõдчана восковõ вõчõ коми драматургия. Комынд вояс помын да нелямынд вояс заводитчигõн «Джуджыд запань», «Кырнышъяс», «Кулõмдинса восстание» да «Домна Каликова» пьесаяс гижõны Н. Дьяконов да С. Ермолин. Индõм пьесаясыс ыджыд успехõн муноны республиканскõй театр сцена вылын.

1938—40 воясõ В. Юхнин гижõ коми литератураын медводдза роман «Алõй лентã». Автор зильõ петкõдӱлыны коми крестьяналыс революциядзаса олõмсõ, налыс классõвõй самосознание быдмõмсõ да формируйтчõмсõ, уджалыс йõзõс озыръясõн эксплуатируйтõмлы водзсасыны заводитчõмсõ. Романса шõр геройясыс — Илья да Вера — пыр жõ лоисны том йõзлõн радейтана литературнõй геройясõн.

Гымыштӱс Великõй Отечественнõй война. Поэтъяс, прозаикъяс, драматургъяс — ставõн пыр жõ шыасисны гора гõлбõсõн. В. Елькинлõн «Ставõс фронтлы», А. Размысловлõн «Братаньяс» да «Воклы», М. Лебедевлõн, В. Латкинлõн да мукõдлõн кывбуръяс война первой лунъясынь чуксалисны тышкасны вынъяс жалиттõг, дорны победа.

Кызын писательсылы перонысо ковмис вежнэ винтовка выло. Уналы эз удайтчы бөр воны горт. Ананий Размыслов, Василий Елькин, Владимир Латкин, Яков Чупров, Иван Симаков, Иван Осипов, Александр Габов, Иван Подоров, Михаил Шестаков пунктисн юрнысо тыш мунан поляс вылын. Мукодъяс восьлалыны победной помодза, бойас костын гижисны кывбуръяс советской воинъяслон героической делояс йылысь. Тадзи война луньясо чужисны воин-победительяслон медводдза стихотворной сборникякс — И. Вавилинлон «Ни оти шаг бөр» да «Советской воин», С. Поповлон «Фронтовой туй», а талун Серафим Попов да Иван Вавилин — коми поэзиян запевалос, кодъяс войнаборса воясо комион да рочон лэдзисны поэмаяслы да кывбуръяслы уна-уна сборник.

Суровой война воясо эз овны весь и мукод коми гижысыяс. Н. Дьяконов да С. Ермолин гижисны «Война луньясо» пьеса. Тавыс кындзи Н. Дьяконов отнас гижис пьеса «Герой», В. Юхнин сетис лыддысьысыяслы Василий Кисляковлон подвиг йылысь поэтической произведение, Советской Союзас мод Герой Николай Оплеснин йылысь книга, гижис Ухтаса нефтяникякс йылысь пьеса «Озырлун ключьяс», Воркутаса угольщикяслон самоотверженной удж йылысь очеркякс. Выл гижодъяс вылын мудзылтот уджалис медя порыс коми гижыс М. Н. Лебедев. Но медя выджид вермом коми литература шедоис да паськыд туй выло петис войнаборса вояс чожон.

1946 вояс январь толпысян бара заводитис петны литературно-художественной да общественно-политической журнал, код кутис шусыны «Войвыв кодузлон». Журнал лист бокьясын оломаджык писательяскод тшотш модисны пыр унджык ассыныс гижодъяс печатайтны том гижысыяс, содис писательяслон лыдыс. А. Лыюров, В. Ширяев, Г. Юшков, А. Ванеев, В. Власов, В. Попов, М. Игнатов, И. Торопов, И. Коданев, П. Шахов, В. Леканов; А. Ларев, В. Безносиков, Л. Огнев, А. Трошев, А. Матвеев, Л. Палкин, Ю. Васютов, Б. Палкин, Н. Щукин, А. Мальцев, В. Тимин — верман омой лыддьодлыны став поэтсо, прозаиксо да драматургсо, кодъяс воисны коми литературао война борын, но талун пошти ставныслон налон гижома поэмаяс, повестьяс, пьесаяс, лэдзома оти, кык, куйм, а мукодыслон вит-квайт книгаон, кони петкодлысьсо советской морт, му вылын выль мир, выль олом строитысь.

Республикаын оти артавсао писательяс Союзас 26 член да этша выло кык сы мында литературной актив, кодъяс пиыс унаот тыврой оформитчом гижысыяс, поэзо талун-аски примитны Союзас члено.

Ыджыд воськов коми литература вочис войнаборса вояс чожон проза, поэзия, драматургия, челядылы литература да критика юкынн. Казытштам В. Юхнинлон «Алой ленталыс» переработайтом вариантсо да «Тундраса бияс» романсо да «Биа нюр» повестьсо, Г. Федоровлысь «Кыя петигон», Я. Рочевлысь «Кык друг», «Изва гызю» да «Му вежом» романъяс, И. Изьюровлысь «Миян грездса нывьяс», «Том оломой, том гажой», «Лун заводитчю асывян» да мукод повестьяс, В. Ширяевлысь «Выл поселокын» да «Борьяс вешйоны морелань», А. Лыюровлысь, И. Тороповлысь, М. Игнатовлысь, П. Шаховлысь повестьяссо. На дино содтам С. Поповлысь, И. Вавилинлысь, Г. Юшковлысь, А. Ванеевлысь, В. Поповлысь, Ф. Щербаковлысь да мукод поэтыяслы уна лыда поэмаяссо да стихотворной сборникяссю, Н. Дьяконовлысь «Свадьба приданойон» да «Сенька Лялин», В. Лекановлысь «Сиктса рытьяс», «Джуджид потшос сайын» да «Ми абу зимборьяс», Г. Юшковлысь «Сизимод председатель», «Макар Васька — сиктса зон», «Тадзи и коло», «Юля!», «Начальство», А. Ларевлысь «Льом пудорын аддзысьломьяс», Н. Поповлысь «Веж гыяс», И. Потодицинысь «Извайвса крепость» да «Тайо волі Сыктывкарын», Ф. Щербаковлысь «Домна Каликова», С. Поповлысь «Ыльыз йылын» пьесаяс, и быдман туйным миян лоо тыдалана.

Содтам на дино челядылы лыддьом выло гижом да лэдзома уна лыда книгаяссо Илля Васьлысь, Г. Юшковлысь, И. Коданевлысь, В. Власовлысь, Ю. Васютовлысь, В. Поповлысь, Л. Палкинлысь, Ю. Поповалысь, П. Образцовлысь, республикаса мукод роч поэтыяслы да прозаикяслы — В. Журавлев-Печорскийлысь, Н. Володарскийлысь, В. Гринерлысь, А. Гороянлысь да мукодъяслысь произведениеяссо.

Быд гижыс гижю медводз родной кыв вылын лыддьом могысь, но такод тшотш сийо мовпалю йоз сьоломьяс дино паськыджык туйяс йылысь. Уна национальность советской литературао туйяс — роч кыв. Войнаодз рочон петлисны Москваын ставыс куйм книжка: И. Куратов кывбуръяслон ичотик сборник, сийо кадся коми поэтыяслон кымынкю лист бока стихотворной сборник да неыджыд альманах «В парме», кытчю пырлысны важ коми мoidьяс, сьылан-бордодчанкывьяс, коми гижысыяслон кымынкю висьт да кывбур.

Модкодджык делояс талун. В. Юхнинлысь «Алой лента» да «Тундраса бияс» романяс да «Биа нюр» повесть некымыныс нин лэдзома рочон Сыктывкарын, Москваын, Саратовын, «Тундраса бияслысь» первой юконсо. вуджодома словаккой кыв выло да лэдзома Прагаын. Роч да украинской кыв выло вуджодома Я. Рочевлысь «Кык друг». Се тысяча экземпляр тиражон Сыктывкарын да 3 000 000 экземпляр тиражон Москваын роч кыв вылын лэдзома Г. Федоровлысь «Когда наступает рассвет» романсо. И. Изьюровлысь «Жизнь молодая», В. Ширяевлысь «В новом поселке» да «Олени уходят к морю», А. Лыюровлысь «Золотые руки», С. Поповлысь «Утро на Вычегде», «Сияние севера», «Крылья зари», И. Вавилинлысь «Стихи», Г. Юшковлысь «Сказание о севере», «Озорник», «Так и надо, Юля!», «Седьмой председатель», «Хлеб Ильича», А. Ванеевлысь «Сосны под солнцем», Ф. Щербаковлысь «Поет тайга», В. По-

повлысь «Медаль», И. Пыстинлысь «Грозные годы», Г. Фёдоровлысь «В тайге» да «Лес звенит», Н. Дьяконовлысь «Свадьба с приданым», В. Лекановлысь «Сельские вечера» да «Клин клином», А. Ларевлысь «Свидания у черемухи» — ставсö тайöс лэдöма роч кыв вылын, лыддьöны да видзöдöны не сöмын комияс.

Торъя ыджыд успех уси Н. Дьяконовлөн «Свадьба с приданым», В. Лекановлөн «Сельские вечера» да том драматург А. Ларевлөн «Свидания у черемухи» комедияс вылö, кодъясö петкөдлісны Сöветскöй Союза уна гирысь и песни театръясын. Таясь кындзи «Свадьба с приданым» вуджөдöма некымын кыв вылö, кытшовтіс народнöй демократия странаясса театръясöд, комедия серти вöчöма кино, авторыслы, Н. Дьяконовлы, сетöма Государственной премия. Тайö сідзи жö петкөдлö коми литератураöс паськыда признайтöм.

Онi смела нин позыö шуны, мый коми литература, мед и ичöтик шор вожөн на. пискөдчис уна национальность ыджыд сöветскöй литератураö, пунктiс сэтчö коть и неыджыд на, но ассыис пай.

Такöд тшöтш коми литература воысь-во озырмис да озырмö роч классическöй да сöветскöй литератураысь да братскöй народъяслөн литератураысь коми кыв вылö вуджөдöм произведениеясөн: А. С. Пушкинлысь поэмаяс, кывбуръяс да мойдъяс, М. Ю. Лермонтовлысь роман «Миян кадся герой», Т. Г. Шевченколысь кывбуръяс да поэмаяс, Л. Н. Толстойлысь «Хаджи Мурат», А. М. Горькийлысь «Мам», А. П. Чеховлысь висътыяс, В. В. Маяковскийлысь поэмаяс да кывбуръяс, А. Н. Толстойлысь «Нянь», М. Шолоховлысь «Лэптöм эжа», А. Новиков-Прибойлысь «Цусима», Н. Островскийлысь «Кыдзи калитчис сталь», Б. Полевойлысь «Настоящöй морт йылысь повесть», В. Катаевлысь «Полклөн пи», Г. Николаевалысь «Вундöм», С. Бабаевскийлысь «Зарни звезда кавалер», А. Твардовскийлысь, С. Михалковлысь, С. Щипачёвлысь, М. Светловлысь, Муса Джалильлысь кывбуръяс — ставсö тайöс позыö лыддьыны комиён миян библиотекаясыйсь.

Тöдчана пай пунктiсны коми литература развивайтöмö миян критикьяс да литературоведьяс А. Жежев, А. Фёдорова, А. Микушев, А. Ванеев, П. Доронин, С. Раевский да мукöд. Налөн уджъясыс литературнöй процессын босьтісны нин тöдчана места.

Ыджыд удж вöчöма фольклор чукөртöм да йöзöдöм кузя.

Литератураын 50 во — абу нин ёна ыджыд кадколаст, но кор видзöдлан бөрö кольöм туй вылас, аддзан — тайö кад чöжнас унатор вöчöма. А водзын — ещö гирысь-джык могъяс да уджъяс. Сувтöдлам син водзö кызьöд ли комынöд воясса да талунъя Коми мунымöс. Сійö тöдтöм выйöдз вежсис, бөрö кольöм видз-му овмöса окреинаысь пöри промышленно-развитöй крайö, нюжалісны туйяс, чужисны промышленностьлөн выль отрасляс — угольнöй, нефтянöй, газо-сажевöй, рöднöй парма вомён нюжöдчö медся ыджыд газопровод «Вой кыа». Кыптiсны выль карьяс, быдмисны выль йöз, коммунизм стрöитысяс, кодъяс вöзйысьöны миян выль гижöдъясö. И миян мог — найöс, му пыткысь озырлун корсысьясöс да перйысьясöс, выль гигантыяс лэптысьясöс, видз-му овмöс водзö развивайтысьясöс, наукаса, культураса деятельясöс да став мукöдъясö петкөдлыны тыр вирьяён, медым миян гижöдъясса геройяс кодьөн зi-лисны лоны быдмысь йöз.

Коркöя пемыд пармалөн пыр этшаджык кольöны пемыд пельöсьяс. Важөн збыльмисны миян литератураса ыджыд ай Иван Куратовлөн кывъясыс: шондi петiс, сійö, Октябрлөн югыд шондi, дзирдалö миян му весьтын, югдöдö да шонтö, медым ми ещö бурджыка вермим уджавны.

Октябрлөн воскөөвьяс

Нэбдинса Виттор

Мый керны?

Йөжгылён, нюкырөн пыр на ми олам,
Чепөссём водзё ми эгё на төдлө,
Виччысям пыр на ми кодсянькё «чолём»,
Аслыным шуд дерны кутчысьны полам.
Кытысь нё, бур йёзёй, бур олём төдны!
Асьнымёс пыр на ми радейтам ёна;
Ставным на видзёдам мөд вылө лёкөн,
Отиным мөднымёс ог лыддёй вокөн
[Кыз эськё конйыштны, тальыштны кокөн].
Абу мөй, вокьясёй, вокьясным дона!
Советскöй власть вылө букушон дугам:
Сысянь пö виччысьны миянлы нинём.
Ог төдö, кодарö асьным ми сுவтам.
Шатласям, быттёнөсь вöсньыдик туган,
Ог кужö овны ми уджалысь нимён.
Кылам кö «коммунист», öдийджык пышьям,
Морт пыдди найöс огö ми пунктö:
«Найö пö омöляс, сөмын морт кыша».
Огö öд аддзö ми [видзёдам дыша],
Коді бур олём да веськыд туй кутö.
Пескылтчöй, вокьясöй, кок йылö сувтöй,
Шеныштö, шыбитö лёк олём ылö!
Топыда, крепыда шуднытö кутö:
Коммунизм му вылын олас мед кувтöг,
Гöрд югөр сылөн мед кыптас пыр вылö!
Коді нö, вокьясöй, миянлы сетас,
Советскöй власть кындзи, кокниджык олём!
Вокьясöй, вокьясöй, синваыд петас,
Озыр да нартитысь юрсö кö лэптас.
Пöдтыны, бырöдны найöс колö!
Сьöкыд, дерт, вокьясöй, мырсьыны öнi:
Эбөсьяс бырöма, унатор абу.
Эновтö, вунöдö став шөгьяс öнi!
Регыд нин помася! Орьясьö сöныс
Озырлөн, разьсьö нин сылөн пеж кабыр.
Чорзёдö сьөлөмьяс, öтвылысь мунö.
Мездыны гöль йёзöс, вокьясöй, везйысь,
Медбөрья, медыджыд тыш вылö мунö!
Озыр да нартитысь му пыр мед мунö!
Царство мед лоö век уджалысь йёзлөн!

1918 во.

Мунёны

ПОЭМАЫСЬ ЮКӢН

Дзордзав жӧ, коми му, коляоз дзоридзӧн,
 Съблаоз синьясӧн, гӧрд лежнӧг цветьясӧн!
 Быдмы жӧ, парма шӧр коз,
 Кисьмы жӧ, керӧсдор оз!
 Ӧтвылысь став Совет йӧзкӧд
 Нимкодясь, кыпыда нюмьяв:
 Асывлысь лов шысӧ кылан —
 Пармаын гораа сылан.

Видзӧдлӧй: лӧзалан Сыктивным нюмьялӧ,
 Гож водзӧ луд вылӧ водӧма Эжваным.
 Видзӧдлы, став коми му,
 Шливгӧ кыз Печора ю,
 Из вомӧн чеччалӧ Изьва,
 Сӧдз вуйӧн визувтӧ Емва,
 Шуньгӧны ворсӧгтыр рама
 Мезень и Луза, и Кама.

Коми му сӧнъясӧд, енӧж лӧз ю кузя
 Пыжаяс лыд ни тшӧт кывтӧны-катӧны.
 Тильсьялӧ ӧпаснӧй шы,
 Сералӧ посныдик гы.
 Туй кузя мунӧны мортьяс,
 Мунӧны вӧлӧн и подӧн.
 Буткӧдчӧ пароход ылын.
 Тырыс йӧз пароход вылын.

Кытчӧ нӧ мунанныд, кытысянь локтанныд,
 Съӧд парма пиянясь, яла яг йылӧмьяс!¹
 Кутшӧмджык тӧянӧс мог
 Гортсьыныд нуӧ, бур вок!
 Делегат съезд вылӧ, аньяс!
 Став коми съезд вылӧ, ӧртьяс!
 Ставныд тӧ важ олӧм ӧрад!
 Камгӧй жӧ, виль олӧм дорӧй!

Кытчӧ нӧ мӧдӧдчид, том войтыр, челядьяс!
 Чукӧрӧн-чукӧрӧн тэрыба мунанныд.
 Мӧдӧдчид югдӧдны юр!
 Мунӧй жӧ, удж тайӧ бур!
 Паськӧмныд дӧмасӧсь, кӧдзыд —
 Чужӧмныд дзирдалӧ югид.
 Мунанныд сӧён и сюрсӧн
 Мунымлы перйыны бурсӧ.

Видза жӧ оланнӧй, том войтыр, виль войтыр.
 Тувсовъя асывлӧн томиник быдтасьяс.
 Быдӧн тӧ уджалысь пи.
 Югдӧгӧн быдманныд тӧ.
 Туй тӧян — саридз кодъ паськыд.
 Вынӧрныд сойясад эм-ӧ!..
 Вӧчӧй жӧ мунымлы шемӧс!

Кӧрт кодъӧсь чорыдӧсь томиник сойясныд.
 Тӧда ме — морӧсныд чукӧйӧн тыр кӧсиймӧн,
 Вӧчаннӧй вӧтъясысь збыль,
 Вежад му... петкӧдчас виль:
 Пармаын лыд ни тшӧт кутас
 Буксыны заводлӧн труба,
 Грымӧдны машина вӧрті,
 Пароход — йи море шӧрті...

Дзордзав жӧ, коми му, коляоз дзоридзӧн,
 Съблаоз синьясӧн, гӧрд лежнӧг цветьясӧн,
 Быдмы жӧ, парма шӧр коз,
 Кисьмы жӧ, керӧсдор оз!
 Ӧтвылысь став Совет йӧзкӧд
 Нимкодясь, кыпыда нюмьяв:
 Асывлысь лов шысӧ кылан —
 Пармаын гораа сылан.

1927 во.

¹ Йылӧм — потомок.

Морт олөм

Мыйла мортыд чужо!
 Мыйла сійө олө!
 Уджавнысө мыйла
 Кувтөдз сылы колө!
 Сиөма быд мортлы
 Быдмөм вылө чужны.
 Быдмынысө, вокъяс,
 Бура колө кужны.
 Ичөт дырйи кодлөн
 Вежөрыс оз югды,
 Пемыдлуныс сійөс
 Конъявны оз дугды.
 Миян вольной муын
 Быдлаын эм школа.
 Шуда сійө мортыд,
 Коді сэтчө волө.

1934 во.

Быдтор сійө кутас
 Төдны, гөгөрвоны.
 Сюсь вежөра мортөн
 Вермас сэсса лоны,
 Миян вольной мулөн
 Мичлун сылы воссяс,
 Отувъя удж вөчны
 Зіля сійө босьтэс.
 Тайө дружной уджөн
 Шуднымөс ми дорам,
 Ёнмөдам выль олөм,
 Важсясө ми ёрам.
 Огө кө ми пондөй
 Уджалөмысь повны,
 Гажаа да бура
 Ставным кутам овны!

Владимир ЛАТКИН

* * *

Ог төд ме тіян кыв,
 Испанияса вокъяс,
 Эг аддзыв тіян дона мулысь чужөмбан.
 Но тайө куим кыв
 Кыдз гым ме дінөдз локтіс:
 — No pasaran! *
 No pasaran!

Быд асыв радио
 Мем сетө вына юөр...
 Век водзө муно вежонъяслөн лыд...
 И кыдзи кызь во сайын
 Миян красной Питер —
 Дзик сідз жө сувтіс героической Мадрид.
 No pasaran!
 No pasaran!

Ми өнї төдам дон
 Ас, вольной, чужан мулысь,
 Ми гөгөрвоам — мыйла тайө тыш.
 Ми төдам, мыйла
 Ярмөм враглөн пуля,
 И штык, и бомба тіян водзын ныж.
 No pasaran!
 No pasaran!

Мед потөны снарядыяс
 Ыджыд, шуштөм шумөн,
 Мед вевттьө шонді — муөс порок тшын.
 Ті көсьяд тэчны шуд
 Ас, дона, гажа муын,
 И тайө көсийөм — медся ыджыд вын.
 No pasaran!
 No pasaran!

* Оз венны.

Ми важон тодам збыль,
Мый шудыс шедо тышкын.
Куш кийон сийос, гутос моз, он кут,
Ми кызь во сайын
Врагос дзикоэдз чышким
И волись аддзим оломыслысь шуд.
No pasaran!
No pasaran!

Кон лымья Пиринейяс,—
Дзик сидз жо паськало выль олом
всна тыш.

И сэки,—эскам ми,
Ас вирын регыд вояс
Став мирос ловнас пежалысь фашизм.
No pasaran!
No pasaran!

— Испания!
Ми ыстам тэныд чолөм!
Тэ верман! Враг тэнө оз вен!
Ми тиянкөд,
Испанияса вокьяс!
И мяян тикөд гөррдзасис став нэм.
No pasaran!
No pasaran!

Мадрид оз усь,
Испания оз сетчы!
И регыд вольной муын красной флаг,
Кызд шонди, дзирдыштас
И гажодас став нэмсө.
Оз инась сэтчө враг!
No pasaran!
No pasaran!

1937 во.

Василий ЕЛЬКИН

Ставсө фронтлы

Збой красной частьюс
Врагкөд грозной косяын
Ас мулысь дорйоны
Быд вершөктор.

Но медым врагос
Дзикоэдз чегны позис,
Быд вермысь морт,
Победа тылын дор!

Мед лун и вой
Пыр уджалисны мяян
Завод и фабрика,
И быд станок.

Вай зэвтам вынъяс,
Батьяс, мамъяс, пиян.
Та сьёкыд кадө —
Татшөм мяян мог.

Став кадсө талун
Уджлы сетам быдөн,
И сетам став,
Мый корө мяян фронт.

Од тодам ми,
Мый армия, коть кытөн,
Народкөд отув
Овлө сөмын ён.

Пыр унджык пушка
Армиялы сетам,
Пыр унджык лэдзам
Тэрыб самолёт.

И ставсө дасьтам,
Мыйөн тышө петө
И венө врагос
Армия да флот.

Быд литр горючөй
Враглысь нервсө ёнтө.
Быд тонна көрт —
Смертельной сылы яд.

И медым юргө:
— Ставсө сетам фронтлы:
И нянь, и танк.
И паськөм, и снаряд!

МЕНЫМ БЫТЬ КОЛО МУННЫ*

ПОВЕСТЬ

5

Позьё-ё сёрнитны Шахтер лун празднуйтём йылысь? Кажитчө, сэки нинём тёдчанаыс эз и вөв. Луныс сулаліс гудыр, пыйис посныдик зэр. Зэр вөснаыс и лои вөчны шойччан лунсө. Зэр вөснаыс жө праздникыс быттьё эз и волю. Тостьястө лэптыны, дерт, помкаяс сюринны. Сашаёс весиг шогөдіс. Кустьяс сайё котөртлөм бөрти сійё помаліс праздниксө нар вылын, гораа шкоргис. А Шарыгин, Носков да ме мунім «дворецө» да заводитім, Ермак да Стенька Разин йылысь сыланкывьяс сьылігтыр, картіасыны. Помнита, ме кызысь кымын лолі «дуракөн».

— Шульвлөны, кодлы картіөн оз везит, сылы везитө радейтчөмын, — ышөдіс менө Носков.

Коли некымын лун Василий Петровичлөн тыяс дорө мунөмсянь. «Ласточка» нуис телега тыр кыйсян көлуй. Илларион, кызди бөрынаас тыдовтчис, сэки збылысь вөлөма код, ылалөма да петөма водопад дорө, палаткаясыяць верст вит войвылөджык, сэсянь нин косөма лагерө. Асывнас водз на пырис мяян палаткаө да, тошсө чабраліг да муас дзоргигтыр, лөня корис не дивитны.

Ме ог төд, мыйла Василий Петрович друг муніс чери кыйны да мыйла Шарыгин лэдзис сійөс, кор

миянлы колі на нуөдны тахеометрической съёмка: өд уджыд ачыс оз эшты. Тыдалө, Носков надейтчис, мый ми удитам ставсө вөчны төв пуксытөдз.

Мунан луныслы паныдөн ми сыкөд ветлім тыяс пыр визувтысь ю дорө, нуим сэтчө кулөм да ветель. Юлөн пасьтаыс метра нель-вит. Сійё визувтіс кык вель ыджыд ты пыр. Тыö усянінсыс ми аддзим кось да кось заводитчанинас и вөйтім ветельсө, бордьяссө бересянь берегөдз нюжөдөмөн, а ляпкыджыкинас, кытчөдз бордыс эз судз, тэчим изьясысь плөтина кодьёс. Тысыс петанинас пуктім кулөм. Носков тшөктіс меным асывьяснас либө рытьяснас видзөдлывны найёс. Вот ме и видзөдлывлі да вайлі шедөм черисө кухняө, ставнымлы сөйны.

Нивелировка ме эштөді. Бөрья каднас участок вылө ветлөдлі Митдиновкөд да Петров-Сидоровкөд. Мусяёс Иван Алексеевич ыстіс тётя Шура дорө канава кодйыны, да найö уджалісны өтвылысь Саша юрнубөдм улын, а меным, кор висьталі удж эштөдөм йылысь, Шарыгин шуис:

— Илларион муніс Носковла, коді талун-аски должен локны. Око-та кө, сійө лөктөдз вайөд гижөдьястө пөрадокө. А верман и шурф да канаваяс дорө ветлыны: тэныд, десятниклы, колө жө төдны, мый сэн вөчсьө.

И Саша да ме Безымянка шор-

* Заводитчөмыс тавося 9-өд номерын.

лөн крут берег вылынсь нин. Саша кинас водзлань индö:

— Аддзан, мөдар берег бокшатис шорсяныс вывлань кыссьоны из шом пластьясы.

А ме некушом из шом пластьяс ог аддзы, сөмын лапйодла синъяс-ос. Саша казялө, мый ме ог гөгөрво, да плешкас чукуръясыс содöны.

— Турунвиж визьясыс,— бара шыасьö сийö,— кодъяс кыссьоны öта-мөдныскөд орччөн, и эмось из шом пластьясыслөн му вылө петаиньясыс. Тані четвертичнöй породаысыс зэв этша: муртса найös кокнад кодйыштан—и сасö аддзан. Тайö турунвиж визьясыс со улынджык-ось. Сэни, сідзкө, породаясыс небыдджыкось вөлөмаось да öдйөджык жугласьöмаось, а на костын сө мылькъяс кыссьоны. Сийö конгломератъяслөн да крепид песчаникъяслөн пластьясыс. Весиг быдмөгъяс сертибс позьö торйөдны: конгломерат вылас нитш кындзи пöшти нинөм и оз быдмы, а «депрессияясас», быттьö посныдик долинаясын, и кустьяс, и турун, и весиг дзоридзяс. Классическöй месторождение!

Ми лэччам мыльк йивсянь öти «депрессияö». Саша кок нырнас гудйышталö мусö:

— Со тэныд из шом!

Да, жугөдөм эжа улын сьөдөдө из шом. Абу из шом, а сы коль сьөд му. Ме чайтлі, мый из шомыс—сөмын югъялысь гырысь торъяс, а Саша петкөдліс дзик мөдтор: порошок кодь васөд сьөд му, кодөс видлалігөн нйитчөдім чуньяснымөс.

— Тайö са, коді артмө из шом пластыслөн жугласигөн да татчө сынөдыслөн веськалөм бöрын,—водзö висьталө Саша.—Медым воөдчыны бур из шомөдз, төдмавны, кызось-ө пластьясыс, колө канава либö шурф кодйыны.

Мунам пö шурф дорас да ачыл аддзан, кызди тайö вöчсьö.

Оз на коль и час джын, а ми шурф дорынсь нин. Петров-Сидоров сулалө кузьята и пасьята ногыс кык гөгөр метр пасьята ыджыд юкмөс кодь розь дорын, коді пырө мұас, да шутьялігтыр видзөдө увлань. Қиас гез. Шурф пыдбсын кылө клөнөдчөм шы: ведрө сөвтöны му

өкмыльяс. Видзөдам—сэни вөрөшитчө Горбунов. Сийö төдö: ыджыд ведрасö тырнас Петров-Сидоровлы не лэптыны, да джынйөдзсыс породаөн тыртөм бöрын горөдö:

— Лэпты!

— Сөвт тырыс,—воча шыасям ми да куйманнм кутчысям гезьяс.

— Татчө эськө Яков Павлычлысь думайтөмторсö,—сьөкыда лолалігтыр шуö Петров-Сидоров.

— Оз мешайт,—сөглашайтчө Саша.

Лэдзам шурфö Горбуновлы кайнысö пос, да сийö петö куритчыштны.

— Уліас шоньд, а тані он пöсъяв,—пöлынтьчөм ящик вылө пуксигмоз шуö Горбунов.

Матысмö ар. Рытив-вой төлыс абу нин гөжөмся кодь небыд. Сийö смелджыка нин лэбалө тундраті, радлө, мый регыд локтас татчө оз гөститны нин, а кöзяин пыдди.

— Пластөдзсыс эн на воөй?—интересуйтчө Саша.

— Оз на тай тыдав-а.—Петров-Сидоров öзтö истөг да, кияс костас төвсыс бисö дзебөмөн, матыстö Горбунов динө, медым сийö öзтас чигаркасö. Но Горбунов кватитö сийөс киöдыс:

— Энлы!

Петров-Сидоров падмө. Истөг тувйыс усьö, биыс кусö. Горбунов оз лэдз Петров-Сидоровлысь кисö. стена моз кыптö сы водзын:

— Татчө воөмсянь пыр на думайта, кытысь аддзывлі тайö рисунокъяссö. А öні быттьö гимньов паметьö лыйис. Помнитан, кökьямыс во сайын, нелямын нельөд вонас, татчаньö баржа кывтис? Али он помнит? Баржа вылас йөзыс—пуксынытö некытчө. И öтчыл кутшөмкө лунö явитчисны сэни том йөз...

Петров-Сидоров оз нин нетшкы кисö: төдö, китö нетшыштөмөн öні он мын.

— Вөлөмкө, уркаяс,—тэрмасьтөг водзö висьталө Горбунов.—Морт дас кымын. Öти кындзи ставныс тоштөмөсь, неыджыд тушааось. И давай баржа пасьята шныркысыны... öтарын—кодлыськө көлуй гусялөмаось, мөдлаын—чемодан мырд-

дьямаось. Воча сувтан — вины грёзитчоны. Ме днын дзор пёрысь пёль пукаліс. Локтісны сы дорё куимён да нопсё босьтісны, юксыштам пё... Ме гусьён пёрччи салдатскёй подковьяса сапөгьясёс да кыз тай пөвсышти отылы, мёдлы. Ме дор сувтісны мукд вөвлём фронтоникьяс. Молодчикьясыд регыд усйысисны да йөршитчисны оти пельёсё, а уска ёртныс, кылё, шуё: «Салдатьясёс да пёрысьясёс не вөрөдны!» А ме сылы: «Видлы вөрөдны мукөдьясёс — гезйөн домалам да час-мөд кежлө лэдзлам...» Регод ставныс рамнисны. Помнитан?— юаліс Горбунов, зумыша видзөдліс да солтіс:— Сьёлём эз бурмы сэки... Гашкө, өні тэ вылын кулакьясёс пёсыштыны?

— Яков Павлыч?!— збыльысь повзис Петров-Сидоров.— Да мый ті? Ме... ме... шыбиті... важөн шыбиті сійё ремеслөтө. Ме тиянөс пырысь-пыр төді, но висьтасынысё полі... Да мый ті? Онө жө кутөй косясны?! Колөкө, пидзөсьяс вылө сувтөмөн кора прөща...

— Трус!— боко бергөдчөмөн пинь пырыс сьөвзис Горбунов,— оз менсьым ков корны прөщасё, а налысь, кодьясёс өбөдитлің...

— Тырмас, Яков Павлович,— шыясис Саша.— Од важөн делөыс вөлөма. Мортыд вежсьө. Сійё, тыдалө, збыль орёдөма важыскөд.

— Дерт жө,— зарни пиньясёсө мыччөдлөмөн нюмдыштлө Петров-Сидоров, но синьясыс век на тэрыба котралөны, тыдалө, полөмыс абу на дзикөдз бырөма.

Горбунов лөньө, но надзөникөн. Первой лэдзө нямрасьөм костюм поласө, сэсыя и кибө Петров-Сидоровлысь да шуө скөра на:

— Ноко, марш уліас да пөсьөдчывлы! Сэні тэныд абу пёрысь пөлястө өбөдитөмыд. Нюжмасьтөг!

Петров-Сидоров зэв өдйө муно пос дорө да лэччө шурфө. Регод сэсян кылө киркаөн муө кучкалөм шы.

— Ми татысь тэкөд из шөмтө эг и адззөй,— шуө Саша.— Вай ветлам Фукс канава дорө. Сэні аддзан.

Мунтөдз шуа Горбуновлы:

— Яков Павлович, чертёжъястө ме сеті Носковлы. Көсйис думыштылыны.

Сійё воча гогнитыштө юрнас. Но, төдчө, сылы өні абу чертёжъясөдз: юрас мөдтор.

Ми Сашакөд мунам шор катыд и верст джын мысти кымын воам Фукс канава дорө.

Первойсө сійөс ог адззөй асьсө, сөмын кытыськө пыдысь канава бокьясас зыр бөрся зыр лэбө поро да торпыригыс. Канаваыс кузь, вомөныс вундө турунвиж «депрессиясысь» отиөс; канава помьясас тыдалөны конгломерат изьяс, а шөрас, му пытшланьыс, пөлөсөн пырө из шом пласт. Канавасө помьясянныс шөрланьыс кодйөма тшупөдьясөн, и медся джуджыдіныс метр нель кымын лоас.

Фукс, тыдалө, мусө шыблалө первой тшупөдьяс пиысь оти вылө, а сэтысь сэсыя вылөдзис. Уджалө сійө дөрөм кежсыс, көть ывлаас и вель ыркыд. Дөрөм мышкыс пөсялөмысла көтасьөма. Ловгөнөсьгырысь киясыс крепыда кутөны зыр воропөсө да новлөдлөны сійөс бөрө-водзө өткодь өдөн, тэрмасьтөг. Видзөдан сы вылө да кажитчө, быттьө сійө оз уджав, а ворсө, весиг оз кыв зыр вывсьыс муыслысь сьөктасө. Быд койыштгөн дөрөм улас зэвтчылөны да личавлөны мускулясыс.

Сашакөд недыр любуйтчам-видзөдам, ог лысьтөй торкны лөсыя да босьтөм өдсө; сөмын кор сійө дугдыштлө, медым шуйга дөрөм соснас чышкыштыны плешсө, ме шыася:

— Уджалысь йөзлы муөдз поклон!

Виччысьтөмысла сійө неуна дрөгнитыштө, сэсыя бергөдчө мяянлань.

— А-а...— нюжөдө сійө.— Атьтө бур кыв вылад.— Синьясыс дзөргөны зумыша, быттьө көсйөны шуны: локтіныньд не ас кадө, мешайтчаньд сөмын... Локтіныньд кө пө нин, мый сы дыра леганныд, онө пыр жө вөчөй, мый колө.

— Но, кызди тан, помланьө, буракө, матысмам?— юалө Саша да чеччыштө канаваө.

— Тиянлы өд тыдаланаджык,— шыасьө Фукс, лэптө канава пыдө-

сысь кирка да лём и сувтёдө стек бокас.

— Проба босьтём вылө ковмас на метр джын кымын кодйыны, пласт дортыс. Аски проба босьтам, а талун породаяссө пасьялам, медым разрез вöчны. Алёша, тэ кызди думайтан?

— Ме дасы!

Ми сыкөд заводитам гижавны быд пластлысь кызтасө да ёна-ө пöлөстчөмөн пырö му пиас, мерайтчам, пасьялам, мөлөтөн котшкөдчам, а Фукс плавгө пельпомъяс вылас курткасө. Киас тыдалө «тормозок». Сидзкө, кадсө оз жö вошты.

Первойсө гижалам канавасө дзоньнас, а сэсся ноксям из шом пласт диньн. Вөлөмкө, сы пытшкын зэв уна слöй: и породалөн посныдик слöйяс, и из шомыслөн аслас пемыдджык да югылан слöйяс.

— Сложнöй пласт,— тöдчөдө Саша.— Из шомас пöймыс уна. Көлбөм вося участок вылын, эстөн лунвылынджык, комын вит прöчент вöли. Тани, тыдалө, сы мында кымын жö. Став татчөс пластъяс пиысь медся омöлик.

— Тэ мыйөн тöдан кольбөм вося участок йывсьыс?

— Ме мөд во нин тани практика вылас, сэсся геологлы быть колö тöдны, мый тöдса нин матигөгöрас воддза уджъяс серти.

«Сложнöй» кывйыс менам юрын чужтö тешкодь мөвп: мукөд мортсө, мися, корсюрö тадзи кымын жö шулöны: некызд пö он сийöс вермы гөгöрвоны. Сидзкө, сийö сложнöй жö. А мыйла? Гашкө, характерсө оз петкөдлы да сийөн? Али ыджыд вежöрысла? Но öд мукөд дырйиыс зэв уна тöдысь морт овлө прöстөйөн, көгь збыльысьсө «сложнöй». Кызд нö тöдмавны, кодi прöстөй да кодi «сложнöй»? Али тадзи жö пасьявны морт олөмсьыс быд слöй? Мый серти позьö тöдмавны? Оз-ö йöз дiнас матыстчыны кужанлуныс ло меранас? Прöстөйяс али «сложнöйяс» дiнө, шуам, позьö сувтөдны Сашаөс да Шарыгинөс либö Носковöс да Фуксöс?

Буракö, ме ылалi, кутi философствуйтны да ог и дзик пыр гөгöрво, мыйла менö тракйöны киөд. Вөлөм-

кө, Саша корö матыстчыны рулеткаөн.

— Вугыртiн али мый?— шыасьö сийö.

Помалам да петам канаваысь. Фукс быттö тшыгъялөма уджсьыс, зiля босьтö кирка да чечыштö канаваö. Вылисянь кажитчö, быттö сийö чиныштiс, нöшта на ляпкалыштiс да сы вылө öтар-мөдарсяныс надзöник локтöны канава стенъясыс, а сийö вешталö найöс да öвтчö кирканас сидз, мый из торпыригъясыскөд тшöтш бокö лэбзьöны бикиньяс.

— Крепитны канава стенъяссö колö,— гораа шуа думъясöс,— зэв нин джуджыд...

— Абу öд медводдзаясь. Пыр тадз кодьям,— кирканас öвтчигмоз шуö сийö да дöжнасьö:— Крепитнысö нинөмөн жö дай. Весиг бедь матигөгöрас абу. Гөрбыляс йылысь да крепитчан вөр йылысь нинөм и сёрнитны. Палатка дорад эм, но Илларионлы некор вайнысö.

Ме сэсся нинөм ог шу.

— Кызсө вöчөма,— коставлөм бöрын содтö Фукс.— Крепиттөгыс нин кызкө эштöдам.

Ми мөдöдчам водзö.

— Мужикыс кодзувковт кодь уджалысь,— шуö сы йылысь Саша,— но горш пö вывти. Серамыд петö: гортас пö сакарничаас гутöс йöртлө, медым тöдны, босьтö оз кодкө сакарсö. Восьтан вевтсö сакарничаыдлысь — гутыд лэбзяс, он и тöдлы. А сийö казялö, кодкө пыралөма абу.

— Да-а,— серала ме.— Оз быдөн кужны думыштны татшөмтортö.

— А мөдарсянь кө, сылы экономитнысö быть жö: куим челядь, гөтырыс некөн оз уджав да и пöрысь мам...

Регыд мысти ми торйөдчам. Саша мунö водзö, мукөд канаваяс видзөдлыны. Сийö корö и менö аскөдыс, но меным колö видлыны кулөм да ветель. Сашалы дышөдö корнысö, менö «лодырөн» нимтыштөм бöрын бергөдчö мөдарö да, бөрвылас видзөдлытөг, ылыстчö.

— Мөдысь быть ветла!— көсийся ме.

Но Саша оз бергӧдчыв, петкӧдлӧ скӧралӧм.

Кежа шорсянь боко да мӧдӧдча тыяслань. Кок улын шуракылӧ яла, кокъясӧд лӧсьӧдчӧны кватлавны кустьяслӧн кысӧм увъясыс, вӧзйысьӧ киӧ лӧзӧдӧм чӧдлач. Но ме тэр-масыя. Регыд пета ю дорӧ да муна берег пӧлӧныс. Енэжас гӧгралӧны варышгъяс, дзонь семья, да каньяс моз нявзӧны. Бать-мамыс петкӧдӧмаӧсь пиянсӧ ылі туй водзын тренировка вылӧ. Регыд, сідзкӧ, шонид местаяслань шывгасын. Ӧнӧдз эг на и казьявлы, а туруныслӧн рӧмыс вежсыштӧма нин, едждыштӧма да и бадь коръяс пӧвстын дзор-мӧмьяс тыдалӧны... Урал рудӧдӧма жӧ.

А кӧсысӧд котӧртсы ваис важ-моз больгӧ, сӧмын ветель серти тӧдчыштӧ, мый туыштӧма ичӧтика. Сідзкӧ, арся ва туӧм заводитчӧма. Пӧлӧтинаӧ содтала изьяссьӧ, сӧсыя кела тӧдмавны, уна-ӧ черисӧ ветель пытшкас вӧтлісны святойяс — Петыр да Павел, кызди йӧзыс шулывлӧны. Разя ветель йывсӧ беды дорысь да лӧптытӧдз на зіля аддзыны гыалысь ва пыр, мый эм пытшкас, но нинӧм оз тыдав да ог нин некодӧс сӧтысь и чайт. Но век жӧ кыска ветельсӧ асланьым, ляпкыджыкинӧ, зіля лӧптыштны сынӧдас. Сійӧ сьӧкыд, ӧдва кыссьӧ, а чериыс абу. Кӧсья нин бӧр лӧдзны, но друг пытшкас болснитӧм кылӧ. Сідзкӧ, кӧть ӧти, а пырӧма. Ветель кокням-мӧ. Кыска ляпкыдинӧ помсӧ да разьӧм бӧрын сюя киӧс йиа ваас. Ветель пытшкын ваис пузьӧ. Недыр мысти перья кык налим да квайт ком, ставыс килоӧн-джынійӧнаӧсь кымын. Ме абу кыйсысь ни чери кыйысь да, дерт, кӧнкӧ, на дорысь стӧчджыка верма висьтавны чери вес йывсыс.

Юыслӧн тысьыс петанінын лӧбалӧны каляяс. А ӧтик пуксьӧма ыджыд из вылӧ да нырнас гӧнсӧ весалӧ, быттьӧкӧ кӧсий мездысьны борд-йывьясса сьӧд печатъясысыс.

Матысма. Каляяс горзігтыр лӧбӧны бокӧджык да заводитӧны бергавны сынӧдас. Югыд васысыс аддза кулӧмсӧ. Сэні кӧнсюрӧ чери югьялӧ, а кытсюрӧ тырӧма вӧйӧм турун-

ӧн да коръясӧн, кодъясӧс вайӧма визулыс. Надзӧник кыска кулӧмсӧ. Ӧти чери, мӧд, коймӧд... Дасысь унджык, и ставыс юртӧмӧсь, джынійӧдыс быттьӧ вундӧмаӧсь! Вот, сідзкӧ, мый тайӧ рӧзбойникъясыс тані вӧчӧны! Ӧбидасы ли, шуткаӧн ли мыччӧдла лӧбалысь да чивзысь каляяс-лы кулакӧс. Но налы нӧ мый? Лӧбалӧны, горзӧны, колӧкӧ, нӧшта и видӧны менӧ, мый ме эг ас кадӧ лок. Мыскала кулӧмсӧ да шыбита ю вомӧныс гезсӧ, сӧсыя вуджа кось горуvtи мӧдарас да кыска кулӧмсӧ важ местаас. Сӧмын бӧрсӧ вуджигӧн вильда да сапӧгӧй тырӧ кӧдзыд ваӧн. Весиг черисӧ чукӧрттӧдз на ӧдйӧджык пукся ыджыд из вылӧ, кытысь неважӧн вӧтлі модничайтысь каляӧс. Нямӧдыс кӧтасыӧма, да ӧдва шедӧ ӧти сапӧгӧй, муртса на кутчысыс мӧдас — кыла шаркӧдчӧм шы. Гашкӧ, пӧрччысигад аслам кӧлуйӧй шаракылӧ? Сӧсыя друг вирдыштӧ юрын: «Абу-ӧ сан?!»

Звирк бергӧдчи, и муртса эг усь из вывсысыс.

Разьӧм кизьяса фуфайкаа, гӧрдӧдӧма, ме дінын сулалӧ Муся. Важмыштӧм руд чышъяныс голяас лӧччӧма, еджгов юрси пратясыс ӧшіймаӧсь плеш вылас, мешайтӧны видзӧдныс, и сійӧ тэрмасыӧмӧн сюйыштавлӧ юрсисӧ пель саяс, но тӧлӧн летан юрсиыс оз кывзысь.

Ме первойысь на аддзи сылысь гӧгрӧсіник, небыдик том, но сӧк жӧ скӧрлунӧн ыпгьялысь чужӧмсӧ. Ныв, тыдалӧ, мыйыськӧ зӧв ӧна повзьяма да котӧртӧма: морӧсыс тшӧкыда кыпавліс, а слива рӧма вомдорьясыс восьсаӧсь. Мышку сайӧ вештӧм кияснас мыйкӧ чабралӧ. Гашкӧ, из.

Шензьӧмӧйла ме весиг вунӧді кӧмасыӧмӧс, а кор аддзи ассыым лызь кодь кузь, няйт кок лапаясӧс, лон зӧв яндзим. Бергӧдчыштӧмӧн заводиті кӧмасыны.

— Мун, колӧкӧ, тасы, а лыя ӧд изнас! — кылі Мусялысь скӧр гӧлӧссӧ.

— Мый тӧкӧд? — чуймӧмӧн юаді ме. И буретш сӧки воськов дас сайысь аддзи Черныйӧс.

Ме сувта, ӧти кокӧй кӧма, а мӧдыс — кӧмтӧм, чуймӧмӧн видзӧдла то Черный вылӧ, то Муся вылӧ. Му-

ся лэдзё из кутысь кисё да веш-
йыштё ме сайё, быттё отсёг кор-
сьё. А Черный видзёдо плеш пырыс,
синъясыс ёзйоны — дась косявлыны
коднымёскö мян пиысь. Дерт, кён-
кё, первой менё. Друг сылөн чужё-
мыс вежсьё, вом доръясас артмё зы-
вёктана нюм, а синъясыс пыр на
лэкось, лэчыдось.

Сулалам. Чёв олам. Ме весиг ог
кыв кокнам муыслысь кодзыдсё.
Сэсся Черный заводитө надзёник
кучкавны аслас сапөгёс, а Муся сулалё
йён, кыв шутөг бергөдчö да шутля-
лгытырйи тэрмасьтөг веськөдчö па-
латкаяслань.

Ми колям Мусякөд кыкөн, чёв
олам.

Медбёрын, кажитчö, меным некод
оз мешайт көмасьны. Пошкигтыр
көмала мөд сапөгёс, а Муся сулалё
бокынджык мелань мышкөн да, бу-
ракö, бөрдö: пельпомъясыс вөрзьев-
лöны. Меным абу лёсыд юасыны,
мый лои Черный да сы костын, чу-
көрта чериёс сеткаö да сөмын сэки
шуа:

— Мунам гортё али мый?

— Гортё?— бергөдчö да чуймө-
мөн юалё сійö. Бан бокъясас синва
туйяс на төдöны, а чөдлач рёма
синъясыс пемдыштöмабсь, но вос-
сьёмабсь, кызд эськө шуис Саша,
медыджыд диафрагмаөдзыс. Сэсся,
тыдалё, гөгөрвоо, мый «гортнас» ме
шуи палаткаяснымöс, да ловзыш-
тö:— Мунам... Вай ме тшöтш нуа,—
көсйö босытны киысь чери тыра
сеткасö, но ме ог сет, восьлала во-
дзынджык.

— Алексей Федорович!— кыла
бөрвысянь. Веськыда кө шуны, ме-
нө партияын Иван Алексеевичыс
кындзи некод тадзисö оз ыдждöдлы,
да и сійö сөмын палаткаын шулы-
лö. Вот öд төдмалёма жö кодсянькö
да веськыда ним-вичөн и крапкөб-
тис. Гашкө, Сашасянь? Ог вочавидз,
быттё эг кывлы, а сійö водзö сёр-
нитö:

— Мыйла нö меысь öткажитчин-
ныд? Сэки ме ачым ог төд, кызди
артмис лёкногöнсö. Татчö локтөдз
лун вөйдөр посёлокын письмө сетис-
ны. Чойсянь. Сійö тані жö, войвы-
лын, карын олö. Мужикыс сылөн
шахтаын пöгибнитёма, кык челядь

колины: нывкаыс зэв на ичöтик,
кокнас на оз ветлы, детинкаыс
ыджыдджык, куим ар тыри, сійö пö
шуö, мый папаяс аски больничаясыс
локтас... Оз на нинём гөгөрво... Сэс-
ся зэрис тшöтш, көтаси, кынмыны
кутi. А чужём сертиныд тыдалё
вöли, мый скöралінныд ме вылö. Да
өд? Ме сэки полi тайбс ставсö вись-
тавны... А меным окота вöли тiянкөд
уджавны. Быд лун канава кодйөм
да муö видзөдөм дорысь, дерт, ин-
тереснөдджык. Ме эськө ставсö öдйö
гөгөрвои, мый вöли колö вöчны: абу
дзик вежөртөм, семилегка помалi...

— Нивелировка эштöдiм нин,—
веськыда шуа. Артмө коса.

— А-а,— нуюддыштö ныв. Недыр
кад кылö сөмын турунлөн да нитш-
лөн кок улын шуракылöмыс. Сэсся
бара кыла Мусялысь гөлөссö.—
А меным танi, тiян партияын, ка-
житчö,— шуö сійö да ышловзё:—
Ок эськө, эз кө вөв эсiйö шырөм юр-
сиаыс. Татчö локтөдз ми тетя Шу-
ракөд электроразведочной партияын
уджалiм, провод да батареяяс кыс-
калiм профилыяс вивтi. Зэв ёна му-
дзам вöли: öд быд лун, гашкө, верст
комын кымын мунлывлiм. Тiян танi
көть и му кодйөм, а онджык сэтшө-
ма мудз. Гашкө, ме уджас велалi да
сiйөн кокныдджык кажитчö. Тун-
драö мунтөдз чой да сылөн мужик-
ыс шуöны вöли, кытчö пö татшөм
томнас тэ мунан, сьökылунъяс вид-
лыны али мый окота лои? Меным
окота вöли видзөдлыны тундрасö, а
сыыс кындзи и мөвпалi, мися, на-
жөвита сьöм да велөдчыны муна.
Сизим класстө ме матö вит во сайын
нин помавлi. Сэсся колхозын уджа-
лi. Чой дорö татчö мамö гөститны
да кага видзны ыстiс, а меным ды-
шөдiс кагатö видзны... Тi эн на му-
дзйö? Вай шойччыштамöй.

— Позьö недыр,— нурбыльта, лэ-
дза чери тыра нопйöс вижов-еджыд
яла вылö да куснөдла-веськөдла
дубалөм чуньясөс.

Сiйö пуксис бөкөдджык:

— Вежон-мөд бөрти расчөт бось-
та да көрт туй станцияса начальни-
кө велөдчыны муна...

— Сэки сёр нин лоö.


— Оз на. Менам вызовыс эм нин,
ме экзаменьастөг пыра, отличница

Октябріон воскресенье

НЕКЫМЫН ФОТОГРАФИЯ, КОМИ ЙӨЗ ОЛӨ-
МЫСЬ НЕКЫМЫН СЕРПАС... НО МЫЙТА НАЙӨ
ВИСЪТАЛӨНЫ! КУТШӨМ ЯСЫДА НАЙӨ УСЬ-
КӨДӨНЫ ТӨД ВЫЛАНЫМ СӨВЕТ ВЛАСТЬ
ВОЯСӨ МУНӨМ ТУЙНЫМӨС!

Видзөдлан веськыдыв снимок вылас, и гор-
шыд тасасьлө курыд гөрөдөн. А өд татшөмыс
вөвлі, татшөмкөдөн и вөвлі миян батьяслөн
челядь дырыс.

А улиас — коми вөралысьяслөн, гашкө, тшөтш
и выліса коньөр зонкаыслөн, внукьясыс. Мыйта
гажыс налөн, мыйта шудыс!





Неыджыд керкаяс, телега кӧлесаясӧн визьйӧдлӧм улича, городӧ-
вӧйлӧн пӧлӧс визя будна, шочиник ветлысь-мунысьяс... Татшӧмӧн
вӧвлӧ Усть-Сысольсклӧн шӧрыс.

Улӧ снимок вылысь тӧ аддзанныд талуныя Сыктывкарлысь Юби-
лейнӧй площадь. Джуджыд керкаяслӧн гырысь ӧшиньясӧ видзӧдчӧ гӧж-
ся лӧз енэж, онялӧ шоналӧм асфальт, небыдик тӧвру улын кышакы-
лӧны веж пуяс.





**А тайо уличаыс чужан выйын на. Абу сьокыд гогорвоны, кутшо-
мон сийо лоб, кор сяргысясны татшом жо югыд керкаяс и модар бокас.
Мыйта чужис татшом уличаыс борья воясо Сыктывкараным!**






Уна озырлун важысянь видзис ас пыткас паськыд Коми му. Но кыдзи босьтан сійѳс, кор царлѳн чиновникъяс недзвотлісны тайѳ ылі мусѳ!

Снимок вылысь ті аддзанныд тшынасьысь керка, кѳні Ф. Прядунов «пуліс» первой нефть.

Уліас Ухтаса ѳнія нефть переработайтан завод. Татчѳ, юѳд моз, дугдывтѳг ыльгѳ-визувтѳ коми мулѳн сьѳд вирыс — нефть. А татысь республина пасьталаѳ, а сідз жѳ и страналѳн Рытив-Войвылѳ мулѳ бензин, карасин, быдсяма мавтасыс да уна мукѳд-тор.

Фотояс да фоторепродукцияс
В. Вежевлѳн.



коркө вөвлі. А велөдны сөмын октябрсянь кутасны, сэтчөдз колхозын картупель босьтны ковмас, дерг... Сэтшөм окота меным колльөдны поездыяссө, и ветлөдлынысө тшөтш радейта. Сулалан, шуам, кутшөмкө станцияын, а сәтi пассажирскөй поезд мунө, йөзөс кытчөкө нуө, вагон өшишьясас чужөмъяс тыдовтчышт-лөны; тэ сулалан да сетан туй налы, а аслад сьблөмыд быттьө бөръя вагон бөрсяяс вөтчө да долыда тiпкө... О, лөсьыд!— ыджыда лолыштө ныв, нетшыштө ки тыр яла да шыбитө вывлань, зильө бөр кутны да гажаа сералө, и ме тшөтш нюммуна. Ме аддза сийөс ог нин сэтшөмөн, кутшөм сийө вөлі первойя лунъяснас да кутшөм вөлі сөмын на час джын сайын, а гажаөн, томөн, мичаөн, аддза ылын лөзалысь Уралысь гөра визьсө, и Уралыс кажитчө меным кузь, уна вагона составөн, кодi кыссьө помтөг, а Муся — станцияса начальникөн, кодi петөма колльөдны сийөс.

— Мыйла тi, Алексей Федорович, пыр чөв оланнды?— Синъясыс Мусялөн шондi кодь шоньдөсь да югыдөсь — видзөдны наө он вермы.— Век на ме вылө скөраланнды?

— Э-э... ог,— кызкө оз пыр арты менам.— Ме ичөтысянь татшөм, этша сөрнита...

— Уна, сiдзкө, мөвпаланнды? Менам мам на шулис,— сийө школаын велөдө, быдтор төдө,— мый уна сөрнитөны сөмын больгысяс, кодьяс оз радейтны мөвпавны. А ыджыд вежөра йөз пө унджыксө думнас сөрнитөны. Тi, навернө, ыджыд вежөра, да?

— Да мый тi, Муся?..— джөмдыштла нимсө шуигөн да гөрдөда сылөн татшөм юалөмсьыс.—...Кутшөм вежөр... прөстө ог төд, мый йылысь сөрнитны, кык кыв ог вермы йитны. А сiдзисө бөблань матынджык.

— Алексей Федорович, асьнытө оз ков улө пуктыны: мужчинаяслы сэтшөмторийд оз лөсьяв,— тыдалө, нюммунис Муся.

Сылөн тайө «Алексей Федоровичьясыс» менө заводитөны дөзмөдны, быттьөкө наысь серам кылө, а сыысь кызди Муся мекөд тшөтшья

либө зэв нин арөсөн ыджыд. Та вбсна шуа:

— Энй менө ыдждөдлөй, кызкө прөстөйджыка...

— А кызди нө? Гырничөн?— пыльснитө сийө.— А Лөшкаөн позь шуны?

— Давай, Лөшка кө и Лөшка,— сөгласитча ме. Паныдасям синнаным да кыкнанным сералам, и друг сийө лэдзө синъяссө, а ме видзөда Ураллань, быттьө сэтысь зия адзыны зэв коланатор, кодтөг оз позь овны ни өти здук.

Быдтор йылысь сөрнитөгад палаткаяс дорөдз туйыс дженьдаммө, да ми регыд (гашкө, меным сiдз кажитчө) воам да торийдчам. Муся менам син водзын воссис дзык мөд пөлөсөн. Гашкө и ме мөдөн жө кажитча сылы... Энлы! Ог-ө ас йылысь вывтiджык думайт? Но и мед, думайта кө, ме и аслым кажитча вежсьөмаөн, быттьө менө мыськалисны, весалисны.

Муся пырө нывбабаяслөн палаткаө, а ме пырта кухняө Гриньлы чери.

Кухняын жар. Гринь, тушанас өти ногыс и мөд ногыс пөшти өткодь, сюся на гөгралө пач дорын, а пельөсас төта Шура тазийысь өшлө көлуй, кодөе, тыдалө, муртса на пожьялөма.

— А-а, рыбац локтис,— шуө сийө.— Ой, мыйта шедөма! Кыкнад, буракө, лөсьыдджык кыйсынытө?— Синъясыс читкыраөсь, наын серам. Аддзылөма, сiдзкө, Мусякөд локтөмөс. Нывбаба, тыдалө, казялө менсьым гөрдөдөмөс, шыасьө Гринь динө:— Тэ полiн, рок пө лоө пуны, а со мыйта чери вайисны ужын кежлад.

Гринь босьтө менам кийысь чери тыра сеткасө да көв йылө өшлөм чери өкмыльсө и төдысь синмөн видзөдө. Сылы, чери кыйысьлы, завидь, мый ме вайи гырысь чери, но быттьөкө веськодя шуө:

— Гм. Чери — чери и эм. Шөрпөлөс. И налимьяс тшөтш... найөс эськө нөк пиын жаритны. Но мый абу, сийө и абу. О-о, да тайө нө мый нөшта?— син улас веськалөны чери джынъяс.— Локтигмознды закуситинныд али мый?

— Каляяс тай ъбедайтѡмаѡсь.

— Ук, сѡвесьт тѡдтѡмъяс! Кулѡм-ысь жѡритѡмаѡсь! Ладнѡ, волю час мысти кымын, ме тѡд налимъяссѡ жарита. Том налимьд бурджык пѡрысь ком дорсыд. Он верит? Пробуйтлан кѡ, ачыд ме ног шуан.

Конюшня дорын лѡдзалѡм телега, вожсѡ пуктѡма мегыр вылѡ, телега вылас брезент, конюшня пытшкысь кылѡ вѡвлѡн корсейѡдлѡм. Сидзкѡ, Илларион локтѡма нин чери кыянн-ысь. Миян палаткаын сѡрнитѡны:

— Вѡлыс шойчыштас да, эськѡ Илларионѡс посѡлокѡ колѡ ыстывны,— кылѡ Василий Петровичлѡн гѡлѡсыс.

Шарыгин паньд:

— Вѡлыс ѣна мудзѡма. Татшѡм омѡль туяд вой суас, посѡлокодзыс оз воны.

— Черыс сисьмас.

— Сидзкѡ, солав либѡ коптит.

— А сѡся шыбит? Ѳд солавны кѡ, колѡ кодзыдинын видзын, медым оз тшык, а тані кѡн кодзыд пѡгребыс? Сѡся некытчѡ и солавнысѡ. Коптитысѡ ог куж, некор на эг коптитлы — кызди ещѡ артмас. Небзытѡдзыс колѡ вѡлі ѡдйѡджык вузавны...

— Вузавны?— Иван Алексеевич чѡв олыштѡ, сѡся содтѡ:— Ме думайтѡ, тѡ тѡв кежлас дасьтысян...

— Мый нѡ ме ѡтнам сы мында нас вѡча?

— Кѡсйин тай семьятѡ корны.

— Локтасны либѡ оз на найѡ.

Неуна чѡв олѡны, сѡся бара шыасѡ Шарыгин:

— Ачыд аддзан, нинѡм оз артмы.

Ме пыра палаткаѡ. Василий Петрович тошсялѡма, киас нямралѡ кепкасѡ, мыйкѡ йылысь ѣна думайтѡ да пырсѡ оз и казав менѡ, а кор адзѡ, гажтѡминика шуѡ:

— Но, кызди тѡнад? Ставыс бур?

— Да.

— Но, а тѡ вѡлі полан. А черыс кутшѡма шедѡ? Ветельтѡ да кулѡмтѡ видлалін?

— Видлалі. Гриньлы ѡні на кило дас кымын вайн. Царскѡй ужын пѡ, шуѡ, лѡсьѡда.

— Да?— оз радпырысь шу сийѡ. Недыр чѡв олѡм бѡрын сувтѡ.— Ладнѡ, мед, сетін кѡ.

Ывлаын кыптѡ кутшѡмкѡ зык. Первойсѡ кылѡ сѡрни шы, сѡся ойзѡм ли бѡрдѡм, весиг горѡдлѡмъяс. Шыыс вочасѡн гораммѡ. «Дворец» дорын нин. Петам и ми.

Кустъяс пѡвстгѡ «дворецлань» локтѡны куимѡн. Тайѡ Саша, Горбунов да Петров-Сидоров. Найѡ вайѡны кодѡскѡ зыръясысь да плащъясысь вѡчѡм нѡсилка вылын. Саша вѡсылалѡ бокас, кутышталѡ ас вѡчѡм гамакѡ джынвайѡ водѡм мортѡс, кодѡ кадыс кадѡ, тыдалѡ, зѡркнитѡгъясѡ, ойбставлѡ.

— Терпитышт, Роман, неуна,— сылы сѡлѡм сетѡ Горбунов. Найѡ нуѡны Фуксѡс «дворец» дорѡ да пыртѡны сѡтчѡ Митдиновѡн вѡсьтѡм ѡдзѡсѡд. Саша матыстчѡ миянлань, тырѡма лолыс, пѡсялѡма:

— Иван Алексеевич, Ласточкаѡс додьявны колѡ...

— Кызд нѡ мый ськѡд тадзсѡ?— интересуйтчѡ Василий Петрович.

— Кор ми тѡкѡд, Алѡша, торйѡдчим,— мелань видзѡдлѡ Саша,— ме видзѡдлѡ канаваяс да нѡшта кыкѡс пасьялі. Кутѡ локны бѡр и аддза: Фукслѡн канаваяс шѡрланьтыс буждѡма. Дерт, эз ло сѡлѡмлы лѡсьыд. А сийѡ куйлѡ нисьѡ пукалѡ, шѡрвйѡдзыс му пиын, чукрасѡ, мусѡ кинас кодйѡ. Ме сѡк котѡрѡн шурф дорѡ, Горбуновлы да Петров-Сидоровлы горѡдѡ. Кодйим, а сылѡн пидзѡсланьтыс кокыс чегѡма да и лядвѡеяс рана, яйыс вель кузя нетшыштчѡма — кокыс ставнас вир пиын.

— Нда-а,— нюжѡдѡ Василий Петрович, а недыр мысти менѡ корѡ бо-кѡ:— Тайѡ ми тѡкѡд, Алексей, мыжаѡсь, канаваяс дорад ог ветлѡй да.

— Ме сѡк сылы висьталѡ, мися, крепитны колѡ: канаваяс джуджыд да, а сийѡ шуис, некор да нинѡмѡн пѡ и мыйта пѡ нин канаваяс кодйим, да нинѡм эз вѡвлы...

— Эз вѡвлы. Ѳнѡдз эз вѡвлы. Кѡть кызд, а ми мыжаѡсь: ѡд ми тѡкѡд тайѡ му уджъяс кузаяс кыв кутам: ме прораб, тѡ десятник. Миянлысь и юаласны. Кѡть эськѡ, шуам, ме тані и эг вѡв... У, чѡртыд! Колѡ жѡ вѡлі буретш ѡні... Да тѡ мый? Эн волнуйчы, ставыс бур лѡѡ. Не татшѡм делѡяс на овлѡны, и то ни-

чево. Вот, шуам, зэка кулõ, акт вõли гижам, и спишитасны...

— Но Фукс жõ абу зэка!— шуа сылы.

— Но Фукс эз на и кув, ловъя,— меным воча шуõ сийõ да тапкõдыштõ пельпомõ.— Чõв, Алексей! Тэ, сйдзкõ, шулин сылы, мый крепитны канавасõ колõ? Шулин?— выльысь уалõ сийõ мыйкõ йылысь думайтг.

— Дерт, шули. А мый нõ эськõ?

— Да сйдз, нинõм,— и сийõ мунõ ректытõм телега дорõ, лõсьõдыштõ брезентõсõ.

Саша да Иван Алексеевич пырõны «дворецõ», и регыд мысти эстысь петõ Илларион, мунгмозыс пасьтасьõ. Матыстчõ телегалань:

— Василий Петрович, ковмас этийõ... ректыны.

— Тэ нõ мунны кõсьян? Вõлыд жõ мудз?— Василий Петровичлõн гõлõсас кылыштõ õбида.

— Начальник тшõктис, Романõс пõ посёлкõ колõ нуны. Ме ог тõд, воам огõй, колõкõ туй вылас сувтас вõлыс, ми талун сийõс прамõя нин летõдим да.

— Мда-а,— бара нюзõдõ Носков, а сэсся зэв сьõлõмсянныс шыасьõ Илларион дорõ:— Кõtь этшаник, гашкõ, босьтан? А?

Илларион дзоргõ сы вылõ, быттьõ кõсийõ гõгõрвоны, збыльысь али оз кор Василий Петрович, сэсся надзõник õвтõ юрнас: ог пõ вермы.

— Но, ачыд тõдан. Ректы!— быттьõ гажа гõлõсõн нин командуйтõ Носков, кõtь эськõ сьõлõм вылас, буракõ, абу ёна гажа, да ачыс заводитõ разявны гесзõ телегаысь.

А нõшта час джын мысти Ласточка нуõ миян дõнысь Фуксõс.

Кольбõдõны сийõс Митдинов да Илларион, кодлõн бокас тешкодя летъялõ Шарыгинлõн сумка-плашеткаыс. Сэни документъяс, тõлысья уджалõм йылысь отчõt да рõдняяслы да тõдсяяслы миянсянь письмõяс. Ставным кольбõдам найõс палаткаостса площадка вылõ чукõртчõмõн. Танi и тётя Шура, кодi бõрдыштõма да таысь быттьõкõ неуна пõрысьмыштõма; и шийõвошыштõм Муся, кодлõн синмас морт вõсна тõждысьõм; и Гринь бõрланияс кõзыра кепкаа да еджыд партука; сийõ

шог чужõма жõ, корсюрõ партук помнас чышкышталõ плещõ; и кузь Забоев нюзõдõма голясõ да мунысьяс бõрся видзõдõ сйдз, быттьõ мылк сайсьыс кõсийõ аддзыны найõс; сьõкыда лолалõ Горбунов, ноксьõ брезент куртка кизьнас, волнуйтчõ; «дворецлõн» õдзõс курич дорõ лэдзчысьыштõма Черный да восьõм вомõн видзõдõ вõлалань. Ме чайта да, медводдзаысь на аддза сылысь чужõмсõ татшõмнас, пырся мисьтõм нюмтõгыс, а гашкõ и сорси да: меным сийõ тыдалõ сõмын боксянныс. Бокинджык, телегаысь ректõм чери тыра ящикъяс дõнын, сулалõ и оз тõд мый вõчны Василий Петрович, гашкõ, чукõртны найõс, а, гашкõ, абу лõсьыд õни ноксьыны набн. Иван Алексеевич дугдывтõг лõсьõдõ õчкисõ, а сийõ õтарõ исковтõ ныр вылас. Сашалõн мукõддырся дорысь на ёнджыка чукирõсьсьõма кымõсыс, юрисыс дзик ёж тшõtь моз нин сувтõма. А Петров-Сидоров неылõдз вõtчылис вõла бõрся да локтигмозыс быд вит-дас воськов мысти сувтавлõ: кылас кõ мыйкõ коранаõс сэтчаньысь — дась котõртны.

Урал сайсянь миянлань кысьõ пемыдыс, тõдлытõг вевттьõ быдлати. Вõла бердõ син водзыс, сõмын недыр кылõ ещõ мавттõм колесалõн дзуркнитлывлõмыс, но сэсся и сийõ лõньõ. Разõдчыны сигнал пыдди кылõ чõв-лõняс тётя Шуралõн пыдисянь ышловзьõмыс.

Кажитчõ, найõ эз зэв и радейтлыны Романõс, лыддисны сийõс горшõн, скупõн, ас выйõн олысьõн, а вот мортыскõд нелючки лои, и медводдза местõ петис морт вõсна тõждысьõмныс.

Ми огõй тэрмасõй ужнайтны, а пызан сайõ пуксьõм бõрын сёям чõв олигтыр, мискаясõ нырнымõс суйõмõн, быттьõкõ лõмторсьыс ставным мыжаõсь ёрта-ёрт водзын.

— Саша,— шыасьõ Иван Алексеевич,— тэ виччысьджык сэсся ёна пыдõсõ канаваястõ кодйõмысь, висьтав ставныслы. Қор Илларион бõр локтас, тшõкта крепитнысõ пõв помъяс татысь новлыны. Тадзи водзõ оз позь. А тиянлы, Василий Петрович, шурф дорõ частõджык ковмас ветльвны, сэни крепитан вõрыс

эм, но медым взрывчатканас остро-
жужноб вѳдичасны... Ме, дерт, Гор-
буновлы эска, но лишной син оз
мешайт.

Меным Иван Алексеевич нинѳм
оз висътав, гашкѳ, лыддѳ, мый на
пѳ сыысь тѳлкыс. Морѳсын кып-
тыштѳ ѳбида, и чечча да муна нар
вылѳ, весиг мискаясѳ ог ну кухняѳ,
кѳть эськѳ быд лун, кызди медся
том морт палаткаын, сѳйѳм бѳрын
котѳртѳдла Гриньлы.

Мед. Мед думайтасны, кызд гаж-
ныс. Дерт, ме мыжа. Кѳть и тшѳк-
тылы Фукслы крепитны, а мыйла эг
дугѳд уджсѳ? Ме жѳ, кѳть уджала
топографѳн, бумага серти десятик?
Юридическѳя кѳ видлавны, должен
видзѳдны шурф да канаваяс кодйѳм
бѳрся. Вунѳди, топографнад уджалѳ-
гѳн геофизик специальността мортѳд
вунѳди «десятник» йывсьыд! Носков
серти кѳ, ме ен кодъ куйм чужѳма.
Шульвлѳны, ен пѳ оз удит морт
олѳмысь водзвыв бырѳдны став не-
лючкияссѳ, а ме эськѳ тайѳ нелюч-
кисѳ верми ѳлѳдны. Мыйла Фукссѳ
эг заставит? Аслам слаб характер
вѳсна? Бѳрыннад ставѳн, кѳнкѳ, ве-
жѳраджыкѳсь овлѳны. Мед, кыв ку-
тѳмсьыд ог пов. Мед. Комсомолѳ
пыригѳн на шулі, мися, ог пов сѳѳ-
кылдунъяссыс. Сѳѳкылдунъяс... А
татшѳмтор йывсьыд эг и куж ду-
мыштлыны. Гашкѳ, суд лоѳ: Васи-
лий Петрович кывъясысь сѳдзи по-
зѳѳ вѳлі гѳгѳрвоны... Оз, жалитѳм
оз ков... Ме дась!.

— Кѳкѳні эс-сѳйѳ соплякыс?!—
мѳвпьясѳс торкѳ скѳр гѳлѳс. Лѳп-
тысьышта гыррдзаяс вылѳ, омѳлик
би югѳрын палаткаѳ пыранинысь ад-
дза Черныйѳс.— Вайѳй гадѳс тат-
чѳ!— мыкталѳ сѳйѳ.— Печат пукта,
сювсѳ лѳдз-дза!— кияс сылѳн пи-
щаль, а ачыс дувгѳдчѳма Шарыгин-
лань да Носковлань, кодъяс чуймѳ-
мѳн видзѳдѳны сылы вѳча.— Кѳні
эсѳйѳ... Кодѳс нывъяс ра...радейтѳ-
ны! Сѳрнитыштны колѳ!..

— Тѳ нѳ мый, Черный?— калик-
моргаликъяс нылалѳн? Али чифир
бѳрын? Мун вод да узь,— чукырт-
чыштѳ Василий Петрович.

Гѳгрѳсмѳм, син гуранъясас мурт-
са ѳшйысь синъясыс бѳръяпом ад-
дзѳны менѳ.

— Пет!— лолыштѳ сѳйѳ, пиньсѳ
герchnittѳ.— Мме тѳд ппеткѳдла!
Дорйысь колѳкѳ! На-ача-льник лок-
тис!— пѳдлѳ скѳрысла.— И Роман
пы...пыдди содта!

Надзѳникѳн кыпѳдча нар вылысь
да, гашкѳ, нинѳм думайттѳг, вѳсь-
ковта сылань.

Сѳйѳ вѳчасѳн лѳптѳ пищальсѳ ме-
нам морѳс весьтѳдз. Пищаль вомыс
дзѳрѳ ме водзын... Лыяс али оз?
Лыяс али оз?— ѳти мѳвп бергалѳ
юрын. Лыяс ѳмѳй нѳ? Аддза: пищаль
вомыс пѳшти дугдѳс дзѳрны, Черный-
лѳн синъясыс ещѳ ѳсьмысны, чужѳ-
мас вурысыс зэлавлѳ... Шыбитчыны
кок улас, уськѳдны? Ог удит.

Пружина моз чеччыштѳ Черный
динѳ Носков. Пищаль ствол помыс
качыштѳ вывлань и буретш сѳки жѳ
меланьѳ пель поткѳдана шыѳн ре-
зыштѳ би. Пач трубаѳ кучысигмоз
аддза, кызди Носков нетшыштѳ
Черный киясь пищальсѳ, а асьѳ
йѳткыштѳ ѳдзѳс сайѳ, чужйѳ... Мен-
сьым синъясѳс вевттѳѳ тшыныс,
ачым грыпкыся-уся.

6

Ар! Кутшѳм тѳ ѳся да нѳм тѳж-
дысьтѳг пыран гѳжѳмыслѳн олан-
инѳ! Кѳть яндысьыштѳн эськѳ да
дзѳбсьыштѳлѳн на Урал сайѳ вежон-
мѳд кежлѳ! Видзѳдлы вай гѳгѳр: ѳд
абу на став быдмѳгыс дасьтысьѳ-
маѳсь тѳнад локтѳгкежлѳ, оз на ты-
дав на вылын тѳнѳ виччысян пась-
кѳмыс. А тѳ турунвиж паськѳм вы-
ланьс на соддзѳн моз шыблалан
лымсѳ. А мый нѳ вѳчны байдѳгъ-
ясыслы, тѳ думысь: найѳ ѳд абу на
удитѳмаѳсь еджыд платтѳѳнысѳ
пасътавны? А кѳчъяслы, думайтан,
лѳсьыд руд ѳкмьяльяс моз куйлыны
еджыд прѳстыня вылад? Он, ньѳти
тѳ он думыштлы на йылысь, кып
тѳнад сѳлѳмыд! Нинѳм тѳнѳ оз ин-
тересуйт, сѳмын асьтѳ тѳдан. Тѳ нем
жалиттѳг талаялан медбѳръя мичѳ
сѳдз нин дженъыд гѳжѳмыслысь.

ѳти лыйѳм, и бара кык морт му-
нѳсны посѳлокѳ. Вѳтлѳсны удж вы-
лысь зѳка-пропусник Черныйѳс да
ытѳсны бѳр зонаѳ Забоевкѳд: ѳт-
нассѳ эз нин лѳдзны. Со мыйѳ ва-
йѳдѳс пищальнад дурѳмыс. А ѳд

сылы этша нин кольома, вёлөмкө, пукавнысө. Оні вермас и содтөд најөвитны, кывсяс кө. Ме вөсна кө, поэь вөлі и кольны татчө: мыйыс, мися, оз овлы код юрнад да. А Иван Алексеевич эз сетчы. Татшөмыс пө менам уджалігөн эз на вөвлы и ме пө морт виысыас юрч нылыдыс шылөдны эг велөдчывлы да вөча пө сідз, кызди пө вөчис эськө быд морт, коді кыв кутө йөзлөн олөм вөсна. Ме сэся та бөрын сылы воча нинөм эг шу.

Фукскөд нелочки бөрад сэся ме вөсна ставыс кутісны төждысьны. Быттө кутшөмкө да кутшөмкө мөг пыр суө быдөнөс мян палаткаө пыравны, а төда: менө видзөдлыны окота налы. Ме эг на сэтшөма висьмы, медым менө поэь вөлі жалитны. Воліс и Муся. Дерт, эз өтнас, а төтя Шуракөд. Ме өд, збыль вылө кө, тшөтш и сы понда куйлі нар вылын. Пукалыштісны найө кок дорын, сөрнитыштісны ёнджыкасө ас костаныс и мунісны. Петігас Муся неуна нюмдыштліс, быттө вөлі өбөдитчыштөма. Гашкө, сы понда, мый ме этша сөрниті? А веськыда кө шуны, меным сөрнитнысө сьбкыд вөлі: сөрнитны заводитлігас юрын пыр на мыйкө быттө зінгыс да потласис, и ме чөв олі, шойччи. Юр висьөм серти кө, зарядыс пишальсыс абу ёна ыліті лэбөма. Та йылысь жө висьталөны чішкасьөм юрсиөй да синкымъясөй.

Эз кө эськө вөв Василий Петрович, важөн нин ме мөдар югыдас вөлі да ветлөдлі нин сәні мөдөд сутки, райсыс медбур местаясө корсигмоз. Ичөт дырйи на кывлі пөчсаян, мый вибамасыд сөмын райө веськалоны, виысыасыс став грексө налысь ас выланыс босьтөны да. А менсым телөөс эськө дзебисны ю мөдар берегса «скала» ылө, код горулын талун кыскасьө Саша, весиг ва лым вылас видзөдтөг. Муна пө «скалалысь» арлыдсө лыддыны. Лыддыны? Сійө шуис тайөс дзик жө «книга лыддыны» моз. «Скала лыддыны»... А өд бура шуөма: «скала» бокшанын зэв лөсьыда тыдалөны му пластъясыс, быттө кодкө зэв стө-

ча тэчөма найөс өта-мөд вылас. Быд пласт — уна во чөжся чукөр-мөмтор, олөмыслөн чукөрыс. Сідзкө, не чукөр, а «олөмыслөн скала»... и Саша муніс сійөс лыддыны? Ок, кутшөма на лыйлө юрын! «Скала» сійө висьталас важся олөм йылысь, а кызди эськө вермыны лыддыны өнія олөмсө и көть өти синпөлөн видзөдлыны, кутшөм водзө лоас олөмыс... Верма ог коркө ме, кужа ог? Аллахыс төдө, шуис эськө, көнкө, Петров-Сидоров... Көні сэтшөм ключыс? Абу-ө сійө йөз ордын, найөс гөгөрвоөмын?.. Абу кокныдтор, тыдалө, тайө ключсө корсьөмыс, төрытса нормальнөй морт кө талун дась тәнө ыстыны мөдар югыдө!

Пызан сайын Иван Алексеевич. Ме куйла лөня, мөвпала. Сійө лөн: жө пукалө, но гижө: кылө перөыслөн небыдика «сьылөмыс». Ме төда нин: сійө гижө татчөс района угленосность йылысь удж. Саша шуө, тайө уджыс пө Иван Алексеевичлөн лөд диссертация пыдди. Вообщө, Шарыгин бур вежөра мужик, ёна лишнөй сөрнитны оз радейт, некод вылө оз горзы, кужө висьтавын ставсө прөстөя да гөгөрвоана, вөчө быдтор думайтөмөн да шуас кө кыв, сэся оз веж, и рабочөйяс сійөс зэв пыдди пуктөны. Войнаөдзыс на судьбаыс сійөс шыбитөма войвылө, весиг ассьөс абу юасьөма; сы бөрся тайө жө туй кузьяыс мөдөдчөма и гөтырыс да кольөма век кежлө көнкө войвывса бөрын, а өтка писө, коді война дырйыс оліс пөчыскөд оккупируйтөм местаын, война помасьөм бөрас абу адзөма. Сы пыдди адзөма мөдөс, йөзлысь писө, коді лоөма сылы пиөн и ёртөн; сійө менам татчө вөтөдз муртса удитөма мунны Ленинградө художникө велөдчыны: вөссьөма талант.

Час кык сайын кымын Илларион бөр локтіс посөлокысь да вайис письмөяс, өтикөс на пиысь Ивана Алексеевичлы. Тыдалө, пиыс гижөма: лыддис да нюмъяліс. Мый сэся шуан. Ортөсыяныс нюмъялысь запятая. А пытшакс мый? Навернө, морт.

Илларион и меным тшөтш вайис

письмө. Кызкодь, няйтчыштөм да чукрасьом конверта, адрессө гижө-ма Валя киөн. Со сийө ме водзын. Первойсы лыддьом бөрүн юрө нином эз коль да лыдда модьсы:

«Бур лун, Лёша!

Со ме квайтөд лун нин Көчпельскөй партияын и быд лун көсья гижны тэныд, но гижом пыдди сөмын думайта. Быдтор йылысь мөвпъяс волöны: и техникумным йылысь, и нывъяс йылысь, кодъяс разөдчисны отарө-мөдарө, и зонъяс йылысь, тшөтш и тэ йылысь, дерт: письмөсө гижны өд тэныд көсья. Лөсьөдча — көсья, а сэсся видзөда да, сёр нин: шойчыны колө водны, медым аскинас водзө мунны. А вын колө уна: юыс, код кузя ми катам, веськалис зэв косьтөсь, быттьө ставнас пуө. Ми кыскам пыжъяснымөс берегсяньыс гез йылын. Первойсө меным тани гажтөм вөлі, тшөтш и полі. Йөзы ставыс тош быдтөмаөсь, зумышөсь (мудзөмнысла, гашкө), оз сёрнитны, быттьө вольной свет вылас тшөтш дөзмөмаөсь. А бөрүнджык төдмаси да, вөлөмкө, ничево, прөстой йөз. Начальникон мян тани бур сьөлөма олөма морт, коркө нимавлөма кызд учёной, но мыйыськө пукавлөма. Көть сийө и олөма нин, сюся на ветлөдлө, мукөд томылы сьөкыд сы бөрся вөтлысьны. А кор аддзас интереснойджык из — дзик дас арөса детинка коль, дась йөктыны. Мусаник старик. Ми син саяс сийөс дедөөн и шуам. Ми тани ставным сөмын сизимөн, а тиян, көнкө, уна йөзсы? Лёша, а тэ тошялин жө нин? Али эн на? Тани өти зон менам локтөм бөрүн бритчис. Чужөмыс вөлі гожьылөма, а өнї тош местаыс еджыд. Серамыд пегас!.. Тэ менө вунөдин нин көнкө? Али помнитыштан на? Помнит, тэ он лысьт менө вунөдны татчөс төдтөм местаясас! Быд лун казьтыв та йылысь, пөжалуйста...»

Но, а водзөсө абу интереснө: кывъяссө абу быдлаө гижалөма, на местаын точкаяс сулалөны, быттьө Валаён синъяссыс нюмъялөны. А сэсся бара спокойнойджыка:

«...Тэнсьыд чемодантө да мыйсюрө көлуйтө ме Лукашева ордө коли. Помнитан кадръяс кузя отделсьыд

төтенькатө? Карас ветлыны кө мог суас, верман пыравны да босьтны, мый ковмас. Сийөс менө моз жө шуоны Валаён. Сийө зэв бур сьөлөма нывбаба, менө квартираө лэдзис, шуис, мый кор тундраысь локта, верма сьөкөд тшөтш и овны. А мый, позьө, дерт. Комнатаыс сьлөн абу ичөт, олө өтнас, коркө эськө верөс сайө петавлөма, да юксьөмаөсь, челядь абу. Тэ ме ордө гөсть пыдди кутан волыны, а ме гөститөда мый-өнкө чөскыдторйөн, пирөгөн ли мый ли. Радейтан пирөгьяссө?... Кор тундраысь локтам, первой рытнас жө и клубө танцы вылө... Муна мекөд? Меным сэтшөм нин окота йөктыштны, весиг шунысө ог куж! И кино эськө видзөдлыны! Тэ эн обижайтчы, но ме вунөді (ачым ог төд, кызд тайө лои), вунөді тэнад синъясслысь рөмсө...»

Водзө бара абу интереснө, тырыс точка да мый да. И сідз письмө помөдзыс. Дона Валюничкөй! Төдин кө эськө ме йылысь ставсө, кутшөмөн ме лои тайө лунъяснас, мый йылысь мөвпала, гижин эськө, көнкө, өна дженьыдджыка, өнїя письмөсьыд нельөдсө либө көкъямысөд пайсө...

Палаткаөдз кылө тшынодөм чери дук. Тайө Василий Петрович тыртө чөскыд дукнас тундрасө: сийө көсийө вөлі лөсьөдны кухня дорө черисө коптитны бөчка да, тыдалө, восьтис ассьыс фабрикасө. Сідзкө, видлыштам ас коптитөм чери. Онї, Шарыгинөн сылы вөвтө откажитөм бөрүн, Василий Петрович ветлөдлө зумыш, мыйкө пыр ноксьө, некодкөд прамөя оз сёрнит; юалам кө, Шарыгилы либө меным воча мыйкө нурбылыгас, и — ставыс. Воддза моз ачыс оз пан сёрнисө. Шарыгин да сы костті быттьөкө сьөд кань котөртис, көть Василий Петрович абу ичөт и ачыс должен гөгөрвоны, мый Фукс доймөм дырйи Шарыгин мөд ног вөчны эз вермы. Помнита, да Василий Петрович зумыш жө вөлі, кор найө Шарыгинкөд шахматөн ворсисны да кор сийө эз вермы венны Иван Алексеевичөс. Збыль өмөй нө быдтор сьөлөм дорас ийджтө? Энлө. Отчыд, кор ме удж вылысь водзджык локті, мыйкө сийө луасис бумагаяс пиын. Кажитчө, тайө вөлі

Шарыгинлөн рукописысы. Менсым пырёмос аддис, быттьок шойовошлс да тэрмасиг юалс: «Кытчö найöс пуктi, кöть ви, ог помнит. Тэ, Алексей, нарядъяссö эн босътлы?» Мый меным нарядъяссыс. Ме на йылысь ог думайт да некор ог босътлы.

— Эг,— чуймөмөн вочавидзи ме.

— Эй, ёртъяс! Көин! Эстөн кустъяе пиас!— кылö, ывлаын горзö Петров-Сидоров. Интереснö, мый сэтъс аддисны көинъясыс. Сувта кок йылö да пета. Петров-Сидоров котөрөн петö «дворецысь» да мунiгмозыс зарядитö Забоевлысь пищальсö:

— Час, ми сийöс!— Сийö ляпкöдчыштöмөн котөртö кустъяс пöвсттi. Минут дас кымын мысти мыльк сайын кылö лыйöм шы.

— Уфф! Шой дукуыс кутшöма кылö,— лыйöм бöрын сералыштö матыстчысь Василий Петрович. Регыд мысти воö Петров-Сидоров.

— Чудесаид!— шензё сийö.— Көиньд тай нö сюръяса вөлöма!

— Тэ нö мый, дурак, көрöс лыйин али мый?— стрöга сы вылö видзöдö Горбунов.

— Ме, зонмö, абу дурак. Котөрта вöли кустъяс пöвсттi да думайта, мися, тэныд, югыд синлы, петкöдла татi шодлöм. Видзöда да, көиньд друг көрö пöри... Вот и яй сюрис некымын лун кежлö!— Петров-Сидоров ветлöдлö морöсö чуртöдöмөн, герой кодъ, виж пиньясыс сiдзи и юнитлöны синтö ёрмөн.

— Тэ öд, көнкö, вöдитчан көрöс виин, сийөн эз и пышйы?— ёсьтöдлiс Горбунов.

— Чайтан, ме сы мындасö ог тöд?— эз сетчы Петров-Сидоров.— Ылалöм, дикöй көр! Стадаыс некөн матын оз тыдав... Ог жö ме кут ылöдлыны.

— Тэ эськö пырмунiгмоз пöръялан,— кинас öвтыштiс Горбунов,— но виин кө нин, мый сулалан? Кульны колö!

Илья-Валентин заводитö ноксыны көр туша дорын. Ме весиг шензя, кутшöм öдийö сылөн ставыс артмö.

— Коркö ме бойняын уджавлi,— гөгөрвоөдö сийö. Кусö кульöм бöрын

сийö кужöмөн перйö пытшкөссö, кералö яйсö да новлö кухняö. Сювьяссö гуалö муö, вирсö тыртö жö лым сора мунас. Сэсся долыда шутылялiгтыр сийö дыр мыссыö майтöгөн ю дорын.

Час на оз коль, а палаткаяс костса площадка вылö, джыннъясөн троньгиктыр, лэбовтö-воö дадюла. Көр дадь вылас бокногөн пукалö неыджид тушаа, гежöдик уска, векныдик синъяса сьöдов морт, киас кутö харей.

— Здорово,— лөнника да акцентөн шуö сийö ставнымлы.— Көр аддзин? Стада тöрыт мунiс.

— Эгö, папаша, эгö аддзывлöй,— шуö Петров-Сидоров, и чужöм сертиыс збыльысь позьö чайтны, мый сийö некутшöм көр эз аддзыв.

— Лыйöм кылö. Гашкö, тан лыйöм — яй колö?

— Эз, танi некод эз лый.— Илья быттьö и збыль оз тöд.

— Көр мунö тонö, кок туй мунö-мунö — быри. Сэсся морт мунö, татчö мунi, вир тёпкö.

— Кутшöм морт! Ми ставным танöсь вöлим! Папаша, тэ сорсин, буракö.— Петров-Сидоров видлалö дадьсö, көсийö пуксыывны. Но морт пуктö кисö сэтчö:

— Оз позь. Шуан, танi вөлöмныд, а вир нырысь петö?— Воыслөн синъясыс ешö на векняммöны, а гөлöсас тöдчö скöрмöм. Сийö индö Петров-Сидоровлөн куртка вылö, кодi öшалö «дворец» бокö сувтöдöм көрт зыр вороп вылын. Курткаыс вирöсь. Морт дözмöма, пуксьö дадь вылас, көсийö мунны, мыйкö шуалö ас ногыс, гашкö, матькö миян вылö.

Меным зэв оз кажитчы тайö ставыс да муртса ог горöд, мый Петров-Сидоров пöръясьö. Петров-Сидоров быттьö гөгөрвоö тайöс, уськөдчö вöтчыны ылысмысь дадь бöрся:

— Энлы, папаша! Сувтлы...— гөлöсас кылö каитчöм.— Көра сувтö.— Сöмын эн думайт, папаша, мый ми нарошнö,— водзö висьталö Петров-Сидоров.— Öтнас вöли йирсьö да дикöйөн чайтiм.

Найö мунöны кухня дорö да регыд бөр локтöны яй тырөн, кодöс тубыртöма көр куас. Ненец пуктö тубырсö

даддяс, кӧрталӧ, сӕсса мыйкӧ думыштӧ да бӧр разьӧ, кыскӧ ӧти кӧр задсӧ да нюмдыштигмоз мыччӧ Петров-Сидоровлы:

— На. Мӧдысь оз ков лыйӧм. Яй сӕям — чумӧ лок.

— Ладнӧ, папаша,— вочавидзӧ Илья да кутлӧ ненецлысь кисӧ.— Аттьӧ!

— Ко-о! Ко-о!— харейнас ненец зургыштӧ кӧръяслы, и найӧ регыд бердӧны син водзысь, быттьӧ эз и вӧвны...

Асывнас Забоев, кодӧ сӧмын на локтӧма посёлоксянь, меным вайӧ кык выльтор.

— Меным да тӕныд повесткаяс военкоматӧ; сысь кындзи тӕныд со и телеграмма ГРП контораын сетӧсны.— Сийӧ яндысигтыр мыччӧ меным повесткасӧ да телеграммасӧ. А мыйысь ме водзын яндысьнысӧ сылы: ӧд ми тшӧтшъяяс, и армияӧ, колӧкӧ, ӧтлаын мунам. Первой лыддӧ повесткасӧ, сӕнӧ гижӧма, мый колӧ локны призывнӧй пунктӧ медицинскӧй комиссия вылӧ. Но мый, сӧдзкӧ колӧ, служитыштам. Сӕсса босьта телеграммасӧ, сӕнӧ сысь на дженьыдджыка гижӧма: пырысьтӧм-пыр воны трестӧ. Мыйла бара? Оз-ӧ нин Фукс понда корны? Сӧдзкӧ, армия пыдди судӧ на веськалан?

— Эй, рекрутъяс, лӧсьӧдчӧй туйӧ петны,— повесткаяснымӧс лыддӧм бӧрын командуйтӧ Иван Алексеевич.— Ме тӕныд, Алексей Федорович, ӧтигор тшӧкта вӧчны.

— И ме тшӧтш. Тӧ ӧд волан на, кӧть и босьтасны армияд.— Саша листалӧ записнӧй книжкасӧ.— Пырав книжнӧй магазинӧ да ньӧб со этайӧ книгасӧ. Зӧв кузь нима... Да тӧ гиж, а то вунӧдан.

Иван Алексеевич да Василий Петрович гижӧны пызан сайын, быттьӧ ӧта-мӧдныскӧд ордйысьӧны,

сӕсса Шарыгин первойӧн мыччӧ меным:

— Посёлокын пырав ГРП контораӧ да сет геолог Славецлы — нейджды тушаа дзормыштӧм дядьӧ,— вистав, Шарыгинсянь. Ме гижышти кутшӧм сюрӧ мӧвпъяс тайӧ участок йывсысь: найӧ буритчан уджъяс вылӧ проект кӧсийӧны гижны да, гашкӧ, згӧдитчас.

Носков сетӧ жӧ письмӧ, сӕсса босьтӧ менӧ киняувтӧ да аскӧдыс нубдӧ палаткаысь:

— Тайӧс трестын Иван Ивановичлы сетан; виччысьыштлы, ме регыд,— котӧртӧ кухнялань да вайӧ тубрас.— Этйӧс тшӧтш сылы сет.

Дук сертиыс гӧгӧрвоа, мый тубрасас чери.

— Василий Петрович, а Горбуновыдлысь чертӧжъяссӧ видзӧдлинныд? Гашкӧ, меным трестын сӧрнитлыны на кузя?

— Эн тӧждысь, Алексей. Ме думыштли та йылысь да мукӧдторйыскӧд тшӧтш гиж Иван Ивановичлы письмӧас. Горбуновлысь думыштӧмторсӧ ми, навернӧ, мӧд во вӧчам. А ӧнӧ сезонсы помасӧ нин, и оз сулав лишнӧй ноп ас выланым сӧлӧдны,— шуӧ сийӧ.

Василий Петрович лӧсьыда тӧчӧ кӧптӧтӧм чери тыра ящикъяссӧ телегаӧ, да «Ласточка» небыдика вӧрзӧдчӧ места вывсысь. Илларӧн, Забоев да ме — сы бӧрся. Видзӧдлӧ нывбабаяс палатка ӧдзӧслань: мыйкӧ тыдовтчыштлис? Али кажитчис?

Сьӧлӧмӧй чеччӧ. Мый бара «пырысь-пыр воны трестӧ» кывъясас дзевласьӧ? Телега кӧлесаясыс нетшкӧны да шыблалӧны вӧсньыдика усьӧм лым сорыс няйтсӧ, кодӧ абу на ӧна кынмӧма. Нетшыштасны кӧ и менӧ тайӧ йӧз дӧнсысь, кодъяс дорӧ ме заводита нин матысьны? Код тӧдас, кытчӧ ме сӧки веськала. Тӧдны кӧ эськӧ водзвыв ставсӧ?!

Ленин Комиын

ПОЭМА

Дзор изъяс улысь сѡдзтѡ васѡ,
Кѡн дзулькѡн пуѡ кѡдзыд ключ,
Лѡз енѡж синмѡн парматасѡ
Пыр ѡтмоз дзоргыны оз мудз,
Оз лантълы луннас, вой оз узь,—
Тадз шуньгѡ менам Эжва юбй
Код тѡдѡ корсянь, кымын нѡм.
Мед пѡрысь кѡ. Но, кызд кѡтъ шуй,
И Эжва ю, рой тошка муѡй
Вир петмѡн мусаѡсь пыр мем.

Ме танѡ аддзи лунлысь сувтѡм,
Бать-мамлысь быд бур сиан час.
Ог вывтѡсь, а кута кувтѡдз
Октябрлысь лов шы кывны тась.
Тыш йѡлѡгаысь шызьѡм рас
Быд пуын видзѡ сылысь пудпас
И менсьым тѡрмѡм челядь дыр.
Ог ышнясь, ог ме тайѡ шуднас,
Мем сѡйѡ уси, кѡтъ эг пудьясь,
И сытѡг гуѡ ме ог пыр.

Пѡль позсьысь мыччысьны эз лысьтлы,
Иѡз дѡнѡ петѡм — ыджыд шог,
А менѡ, кытчѡ колѡ, ысты,
Москваѡдз муна, ог шу: «Ог!»
Со ѡнѡ на тай сулис мог.
Кызз шусьѡ, дружной вѡр пѡ мутшкѡс,
Лѡк тѡвкѡд водзсасынь пыр дась.
Тшѡтш мян олѡм ѡтув пүтшкѡм.
И Коми — СССР-лѡн пүтшпѡв,
Он найѡс немся вынѡн разь.

Дзик райѡ моз жѡ чужанѡнѡ
Бѡр лѡба талун. Ышмѡ лов.
Сѡ казътылантор мѡвпѡс синѡ:
Яр биѡ пырала — ог пов,
И вѡрысь петкѡдысь оз ков.
Мед сынѡ самолѡт сталь лоптѡн,
Важ другкѡд гажа танѡ мен.
Ми сыкѡд велѡдчим нин лоптѡг.
Сѡ майбыр! Кодыр книга ноптѡ
Оз сьѡктѡд нин весь олысь ен.

Ме тувки бокас:— Кылан, Паньѡ!
Он удит вѡрзьѡдны син лап,
Кызз воам гортѡ. Тадзсѡ шань ѡд!
А дед эз тѡдлы-й телеграф.
Вот мынтытѡмысь мустѡм штрап

Пыр вѡлѡм сѡрмытѡгджык волѡ.
Бур юѡр вѡлѡктѡ оз вудж:
Гѡль мортсьыд шудыд вѡлѡм полѡ,
Кызд кужѡ метѡг пѡ мед олѡ,
Эм сылѡн юрвыв тырыс удж.

И пѡтѡлѡксѡ чуть эг жугѡд,
Пружина этшѡн чеччи-звирк!
Став вынѡс пунктѡ — кутлѡ другѡс:
— Вот олѡм мянѡс эз чирк!
Мед Мюзик-Холлын муниѡ цирк,
А мян кыпыдджык на вѡлѡ
Нитш вольѡса, лыс вевта зал,
Народ кор веськѡдлысяс сѡлис
Да Питер карсянь вайис тѡлыс
Ѣн гым — Интернационал.

Сы бѡрын регыд воис батьѡ
Да ещѡ кодкѡ вѡлѡ мѡд.
Бать нѡль во ветлѡма салдатѡ,
Сьѡд бубуляысь ѡна сѡд.
Не мам кѡ, сѡйѡс ме эг тѡд.
Сѡзь тѡвся вой, а сѡтшѡм дженъыд!
И мыйлакѡ дзик праздник кодѡ!
Эг водлѡй некод: мам ни, ме ни,
Ѣд батькѡд воысьыс пѡ Ленин,
Став тѡльсьысь-мырсьысьяслѡн вождь.

Сы водза некор сикт эз шыав,
Эз вѡвлы сѡтшѡмыс на, эз.
А сѡки, узис на кѡтъ кыа,
Юж вывтѡ, быттьѡ дзуртысь гез,
Ми ордѡ ставнас люзьгыс грезд.
Ме чуйми: кодѡ кѡтъ эз волны,
Важ тѡдса Ленинлѡн да-й пом.
Он шу, мый эз вѡв татчѡс олысь,
Быд киасьѡмысь сылы долыд,
Кѡтъ пѡрысь киасьѡ, кѡтъ том...

Друг Паньѡ шыасис зѡв збыльысь:
— Эн лѡгась. Ставас эска тѡд.
Тшѡтш кывлѡ, батьыд кыськѡ ылысь
Сѡк вайлѡм Ленинлысь портрет...
«Портрет!» Чуть пельдѡнас эг сет.
Ок, аддзылис кѡ менѡ кодкѡ,
Эз ковмы зу вывтѡ мѡд зу!
Кѡтъ самолѡтсѡ босьт да поткѡд,—
Мый броткѡм сѡйѡ ѡтнас броткѡ,
Кор тѡдѡ нин став Коми му!

— Тэ, гашкө-й, он төд Сэбин юсө!
Ва мельница дыр вөвлі сэн.
Кулак Вась Миш сзсь васө-й мусө
Ёсь гыжъяс кутөм дзонь морт нэм,
И шулөм: этша на пө мем.
Кор батыкөд Ленин воас сэтчө,
Пос вылас сувтас, лэптас ки
Да шуас:— Гольясы ставис сетссьө,
Вир юксыяслөн шондј лэччө,
Көзяиньясыс өнј ті!

И ещө шуас:— Эськө татчө
Би сетан станция кө, бур!..
Со кутшөм ылысь сійө аддзө,
Мөд сэтшөм мывкыда оз сюр..
Ме друглань доровтыштј юр:
— Но,— шуи,— кутшөмджык портретыс!
Эм сылөн кыввор! Югыд мөвп!
Виль станциясө төдан сзтьсы!
Тэ ачуд вөвлін сэн би сетысь,
Вот босыт да-й өнј асьтө вөйп.

Тэ сійө төвсө гортад төвийн,
И, көнкө, казявліс жө син
Важ миян керка стенса пөвийсыс
Нач өти кыв: «Лыддысянін».
Сэн рытйысьліс став Сэбиндін.
А книгагысыс, чайтан, кытысь!
Дерт, Ленин вайис! Сэсса кысь!
Эз вөв на книга лыддиян вытысь,
Но өдийө котөртльвліс рытыс,
Гаж торкны некодј эз лысьт.

А өтчыд Ленин корөм батысь:
— Вот,— шуөм,— книгагыс, том морт.
Ас дорсыыд өна найөс радейт,
Сэк немса сьөкыдлун оз торк,
Дай помнит ещө татшөмтор:
Наука коркө Архимедлы
Ва пытшкын кокняммөдөм из.
Збыль! Төдөмлунтөг бур оз шедлы,
И колө сійө томлы-й дедлы,
Мед стрөитны социализм.

Ой, гольлун, гольлун! Кымын дөмас,
Гын көмын вөвлј кымын розы!
Друг Пиля Митрөй: на пө көмав!
Шнич вильбөс сетө тиюн гоз,
Эн пов пө. Новлы ассыыд моз.
Став вөльнөй светыс сюри меным!
Эз казявлы, комбедса пред,
Ме ошйыси нин тані-й сэні:
— Виль тиюн тшөктөм сетны Ленин!
Дерт, сытөг Митрөй дядь эз сет.

Лөк асыв сэсса сувтіс өтчыд.
Эз праздник вөв, а бовгис звөн.
Лым сюръя бөрся сюръя вөтчис,
А керка пытшкын бөрдмөн лөнь.
Көн Ленин! Батыөй менам көн!
Кызз кута натөг овны-вывыны!
И пыдј вежөсө — кум-кам!
— Тэ «Варшавянкатө» эн сыв нин.
Ог вермы сійөс пельөн кывны!—
Скөнбь орөдіс чард синма мам.

Тшөтш мыйкө шогаліс і Рыжко,
Дзик мырдысь юктала, оз ю..
Друг кыськө Вась Миш уси. Шыш кодь.
Көть кут да чижовкаө ну.
Ме пэдми, кыв ни джын эг шу.

А сійө тшапкис веськыд көкөс
Да тиюн пөлөс менсыым — рас!
Мөд пөвсө мыррдис, вешйис бөкө:
— Тэ,— шуө,— ловья колин, вөкө,
Чөвт енлы ыджыд пернапас.

Мый вөчан — кадыс вөлј сэтшөм,
Пыр оран выйын зэвтөм сөн,
Тэ озыръяслы дасьтан петшөр,
А тэнө — налөн бытшкө йөн.
Орлов пө татчө пырис төн,
Антанта зырсьө Коми муө,
Сибирсянь писькөдчө Колчак.
А кодкө повтөм, кылө, шуө:
— Но, мый нө! Дзезбам өти гуө,
Крест пыдди сувтөдам понтшак.

И бара врагөс корсьө мушка,
И бара воксө колльө чой,
И бара гөлөс лэптө пушка,
И бара лы-сьбөм сотө дой,—
Став парма пасьта ыпйө бой.
Тшын дукөн өвтө би гөрд знамя,
Оз өти лыйөм войын увт.
Сэ чышьян көтөдөны мамьяс,
Виль олөм, зонмө, абу тшамья,
Өн тыштөг кок йылө оз сувт...

— Да-а!— ышловзис менам өртөй,—
А Лениныс нө! Муніс бөр!
Ме сувтса сувті:— Эн во гортөдз!
Тэ висьмин! Эн кө, тадз он сөр.
Өд өти веськыд кыв оз төр!
Вай висьтав, ноко, Ленинтөгыс
Тэ эськө врагөс вермин эн!
Көн нартлы паныд пуө лөгыс,
Көн тышлөн гөрддзасыөма йөгыс,
Сэн миян Ленин. Быд здук сэн.

Кор вождыңым нуөдөма тышө,
Сэк батылы шуөм:— Воас лун!
Вот аддзылан, ог прөста ышөд,
Тан муас ружтө озырлун,
Тэ сыла ылөдз эн и мун..
Мый та ыло тэ шуан, вөкө!
Тась коркө-й корсьялам на алмаз.
Лун воас, мөдөдчас Торжокө
Машинаыстөг, аслас көкөн,
Оз кутшөмкө, а коми газ.

Эз мун. Ме аддзысьлывля ськөд.
Кор восьта ленинскөй кыз том,
Разливса чомйын быттьө кыкөн,
Нач кыкөн дженьвөдөм рытпом.
Лист бөрся лист. И вошө чом.
Тэ водзын — паськыд, югыд ывла,
Медылыс кодзувьяслөн дзирд.
А лолыд кыпөдчө век вывлань,
И сэк жө аддзылан и кывлан,
Кызз кутас аски овны мир.

Но вот и Ськтыкварным, өртъяс,
Ю пөлөн нюжөдөма сыв!
Со бара чуксалө ас ордас,
Кызз мусаыслы нюмдөм ныв.
А со и төдса площадьь выв,
А со и вождыңым миян — Ленин!
Ме шуи:— Сійө вөл-й, эм.
Тась сійө шөгсө-й лөксө веніс,
И өнј Сылөн югыд гений
Тан восьтө коммунизмысь нэм.

ВЕК ПОХОДЫН

Ыджыд тушаа тайö зонсö бура тöдiсны Усть-Вымскöй районса сиктьясын да вөр пунктъясын. Сийö уджалiс комсомол райкомын секретарöс вежысьöн, веськöдлiс том йöзлөн политической велöдчöмөн.

— Саша Одинцов воöма, сiдзкö, гажтöмчыны некор!— тадзи сийöс встречайтiсны быдлаын.

Сашалы комсомолын уджыс ёна волiс сьёлöм вылас: пыр йöз пöвстын, пыр сэнi, кöнi сьöкыд. Удж вылас сийöс ышöдiсны Павел Корчагинлөн олöмыс да подвигыясыс.

— Саша мян медся тölка да зиль, ылö мунас,— не öтчыдысь шуывлiс батысь, Семуково сиктса колхозник, вöралысь.

Ачыс Саша некор эз мöвпавлы лоны военной мортөн. Но олöмыс веськöдiс сийöс буретш военной профессия туйöд. Тайö лои 1938 вося арын, кор Александр Ивановичöс босьтiсны служитны Краснöй Армияö да индiсны велöдчыны военно-политической училищöе. Финскöй война дырйи Одинцов вöли нин политрукөн, батальонса комиссарён. Öти бой дырйи сийö кыпöдiс ассьыс батальонсö да босьтiс белофиньяслысь нель ДÖТ. Кöть танi чорыда ранитчис прöтивниклөн минаысь, но сылы сетiсны ыджыд правительственной награда — Краснöй Знамя орден. Тадзи Александр Иванович лои Краснöй Армияса боевöй политработникөн да сөсса эз нин мöвпав мöд сикас удж йылысь.

Великöй Отечественной война суис Александр Ивановичöс страналөн рытывывыв граница дорын. Тышкасис сийö чорыда, кызди и колö Краснöй Армияса комиссарлы. Но войналөн медводдза тöлысьясö вынъяс эз вöвны öткөдöсь, да ковмис бöрынтычыны.

Öтчыд Одинцовöс корисны фронтса штабö да кызди опытной фронтовиклы сетiсны эз кывкутана боевöй мөг — веськöдлыны торья отрядён, кодöс вöли мөдöдöны противниклөн тылö. Отрядас ставыс вöлины бөрйöм йöз, добровольцясыс.

Некымын вежон чöж Александр Одинцов командуйтöм улын ветлöдлiс советскöй воиньяслөн торья отряд. Став казьялöмторьяс йылысь юртiсны фронтса штабö рация пыр. Отряд бырöдiс не этша фашистöс, враглысь военной техника, босьтiс уна важной документясы. Öтилаын отряд жугöдiс весиг немецкöй дивизиялысь штаб.

Боевöй задание успешнöя олөмö пöртöм бöрын Одинцов бөр петкөдiс ассьыс отрядсö фронтлөн линия пыр. Тайö боевöй операцияссьыс Александр Ивановичöс наградитiсны Ленин орденён, сетiсны старшöй политруклысь военной звание.

Войналөн мөд воын батальоннöй комиссар Одинцов веськöдлiс специальнöй отрядён Белоруссияса вөрьясын. Гора ёртлөн [тадзи шуисны Одинцовöс] отряд йылысь велiсны быдса легендаясы. Гитлеровецьяс весиг кöсийсьлисны сетны Одинцовлөн юрысь 25 тысяча марка. Но и тайö эз отсав фашистыясы. Быттö тöвныр ветлöдлiс враглөн тылын Одинцовлөн отрядыс да öти бöрся мөдöс бырöдалiс фашистскöй гарнизоньясы, ышöдiс советскöй йöзöс мунавны партизанскöй отрядьясö да тышкасыны ас му мездöм вöсна.



Фашистской тылы Александр Иванович петис сӧмын 1943 во помын. Опытной боевой командирлы сетисны подполковниклысь военной звание. Та бӧрын Одинцов-лӧн боевой туйыс эз на помась — война чӧжыс на сийӧ веськӧдлӧс специальной отрядьясӧн.

Великой Отечественной война помасьӧм бӧрын Александр Иванович велӧдчис военной академиясын, служитӧс Дальней Востокин, рубеж сайын. Сийӧ лои ыджыд военной специалистӧн — генерал-лейтенантӧн, военачальникӧн. Сылысь морӧссӧ мич-мӧдӧны уна правительственной наградаяс.

...Водз асыв. Шондыс сӧмын на кыпӧдчис вӧртас весьтӧд. Салдатьяс шойчӧны вӧр дорын войся марш бӧрын, мудзӧсь, жугыльӧсь. Но со туй вылын петкӧдчис турнвиж газик да тӧвзис воиньяс дорӧ. Машина сувтӧс, сэтӧсь петис зумыд тушаа стройной морт, генерал Одинцов.

— Ачыс генералным воис!— нимкодясьны кутисны салдатьяс, налӧн мудзыс быттьӧ эз и вӧвлы.

— Но, зоньяс, мый жуглясьнныд!— кыпыда шыасис генерал.— Мудзинныд! Ни-ниӧм... Сьӧкыд учениеяс дырйи, кокни бойясын.

Сэсся генерал бать моз тӧждьсьӧмӧн кутис юасьны, кодӧ кызди олӧ, кодлы мый оз тырмы. Ӧд сийӧ кывкутӧ быд салдат вӧсна.

Генерал Одинцов — комсомоллӧн воспитанник, коммунистической партиалӧн быд-тас. Коми вӧралысьлӧн пи, сийӧ видзӧ советской народлысь мирной олӧмсӧ.

М. Шурганов.

УДЖЫН БЫДМӧ МОРТ

«Ёлочка» лысьтысян агрегат йылысь курсантьяс висьтавлӧсны быдторсӧ: ӧтияс — ошкисны, мӧдьяс — быд ногыс кулитисны.

— Во нин складын куйлӧ, некызд ог путьмӧй сийӧс чукӧртны,— норасис Эжва катыдса колхозысь бригадир.

— Кум часӧдз ӧти лысьтысьӧмыс нюжалӧ,— шыасис Сыктыв вожысь воӧм ӧрт.

Курсантьяс — совхозьясса да колхозьясса бригадирьяс да механизаторьяс — тӧдмасисны мӧсьясӧс лысьтӧм кузя мастер Капитолина Павловна Коданёвалӧн удж опытӧн. Ӑткымыньяс эз эскыны, мый часӧн-джыинӧн доярка отсасьысьскӧд вермӧны лысьтыны сӧ мӧс.

И со, лекция кывзӧм бӧрын, найӧ мунӧны Коми государственной сельскохозяйственной опытной станциялӧн картаӧ, конӧи уджалӧ Капитолина Коданёва.

«Ёлочка» лысьтысян площадка вылын кык секция. Быд секцияын — кӧкьямыс станок. Первой пыртӧны кӧкьямыс мӧскӧс ӧти секцияӧ. Ставсӧ водзвыв артыштӧма, мед весьшӧрӧ не воштыны ни ӧти минут. Капитолина Павловна шоныд ваӧн мыскалӧ мӧсьяслысь вӧраяссӧ. Шоныд ваис локтӧ торья шлангӧд. Оз ков и ноксыны ведраясӧн! Чышкӧдӧн мӧс вӧрасӧ косӧдӧм бӧрын пукталӧ лысьтысян стӧканьяс да включайтӧ вакуум.

Экскурсантьяс кыйкьялӧны часӧяс вылӧ, кодсюрӧ мыйкӧ пасьялӧны блокнотьясӧ.

Лысьтӧм заводитчӧмсянныс некымын минут мысти дояркалӧн отсасьысь Лидия Латкина пыртӧдӧ мукӧд мӧсьясӧс площадкалӧн мӧд секцияӧ. Пелька, тэрмасьтӧг доярка дасьтӧ лысьтӧгкежлӧ тайӧ кӧкьямыс мӧссӧ. Ӑтар секцияысь лысьтӧм мӧсьясӧс лӧ-

дзӧны площадка вылысь, стӧканьяс вуджӧдӧны мӧд секцияӧ.

Тӧждьсьӧ доярка сы вӧсна, медым мӧскыс став йӧвсӧ сетис. Видзӧдлас лысьтысян аппаратлӧн смотрӧвой контрольной трубкаӧ да мыйӧн казялас йӧв быг, дзик пыр мӧс вӧрасӧ массажируйтас.



Эскыны кутісны курсантьяс: сё дас мёс лысьтём вылө ковмис часён-джыйнёнысь неуна унджык.

— Волөй мянө да велөдыштөй дояркаясё,— кутісны корны курсантьяс мастерёс сылөн удж опытнас тодмасьём бёрын.

...Опытнөй станцияын доярканас Капитолина Павловна Коданёва уджалө 1959 восянь. Республикаын медперзайөн сійө кутіс лысьтысьны аппаратясён. А 1962 воын станцияса фермаын лосьёдісны «Ёлочка» лысьтысян площадка. Сэки Капитолина Коданёва и босьтчис сё мостө лысьтыны.

— Первойсё эз ставыс шылыда артмывлы, уна съөкылдуньяс паныдасьлісны,— казътывлө Капитолина Павловна.— Уджавны и велөдчыны тшөтш ковмис. Атьё Павеллы, пыр орччөн вөлі, пыр збодермөдіс менө.

Верөсыс сылөн, Павел Алексеевич Коданёв, тані жө уджалө, фермаса механикөн. Мосьястө лысьтөмыд Капитолиналы вөлі төдса челядь дырсяныс. Мамыслы, колхозса дояркалы, пыр отсасьлі. Но өтиор — пөдөнчаён вөдитчыны, сэтчө торья сюслун оз ков, а машинаён лысьтысьны колёны төдөмлуныяс.

Көкъямыс класс помалөм бёрын Капитолина уматорйө босьтчыліс. Уджалис теплоход вылын кассирён, вөвліс пристаньса гостиницаын дежурнөйөн, пыравліс «Пищевик» артельө. Унаысь ошкывлісны сійөс типографияын перелётчицаён уджалігөн. А верөс сайө петөм бёрын олан туйыс опытнөй станцияө вайөдіс. Тані первойсө сійө веськаліс секретарь-машинисткаө.

Состөм удж да шоныдінын. Но гөтырыслөн контораса уджыс эз во съөлөм вылас Павеллы.

— Мый төлкыс кабалаторьясын!— частө шулывліс Павел.— Босьтчыны кө уджө, медым кыкнанымлы нимкодъ сыысь вөлі, медым йөзыс ошкисны.

Висьтавлывліс станцияө вайөм вель машинаяс йылысь, лысьтысян аппаратяс йылысь.

Та йылысь жө сёрни коркө паніс и опытнөй станцияса директор Гавриил Иванович Гагиев. «Быттө сёрнитчөмаьс Павелкөд»,— мөвпыштіс Капитолина, а вочавидзис: «Пожалуй, ме муна и эм фермаад». «Ёлочкаыс» сэки эз на вөв, босьтчис лысьтыны переноснөй аппаратясён.

— Аддзөмыд тай удж!— дивитлісны Капитолинаөс өткымын пөдругаяс.— Велөдчы, бурджык, вузасысьсө либө бухгалтерө...

Том гозья удж бёрын өтлаын лыддисны книгаяс, журналъяс, корсялісны газетьясысы статьяс, көні гижисис машинасён лысьтысьсөм йылысь. Найөс ёна ышөдіс бур опытыс Ивановскөй областысь «Шуйскөй» совхозса мастерьяслөн — Социалистическөй Уджывыса Геройяслөн — Зинаида Ивановна да Дмитрий Ильич Заботиньяслөн, кодьяс кыкөн лысьтөны куимсө мөскөс.

Капитолина Павловна төждысьсө, мед мосьяс вөліны вердасаьс да здоровьёс. Видзөдө, кор кутшөм мөскөс колө лысьтыны. А Павел Алексеевич — медым бура уджаліс аппаратура. Тадзи пыр — и скөтөс төвйөдігөн, и ылі пөскөтина вылын мосьясөс ийрөдігөн. Пөскөтина вылын лосьөдөма лысьтысян площадка жө.

Животноводствоса мастер Капитолина Коданёва воысь-во шедөдө пыр вель успехъяс. 1964 воын сылысь нимсө пасйисны Коми АССР-са трудовөй славалөн книгаө. 1965 воын наградитісны «Бидз-му овмөсса отличниклөн» значокөн. Сылөн уджыс петкөдлысыс ВДНХ вылын да вөлі пасйөма Выставкалөн медальясён.

1965 воын 254 тысяча килограмм план дырйи йөвсө сійө лысьтіс матө куимсө тысяча килограмм. Мөд ногөн кө, сөмын өти воон сетіс планысь выяті 39.486 килограмм йөв. Квайт онас Капитолина Павловна йөвсө лысьтіс миллионысь унджык килограмм!

Производствоса передөвиклысь уджсө вылө доньялөны опытнөй станцияса учёной-зоотехникъяс да мукөд специалистъяс.

— Капитолина Павловна мян медбур отсасьыс,— висьталөны животноводство кузя отделса научнөй сотрудникъяс.— Наукакөд содружествөын уджалө, наукалы жө и служитө.

Фермаын уджсө помалөм бёрын Капитолина Коданёва частө кежавлө научнөй сотрудникьяслөн кабинетьясө. Сэні пуксывлө арифмометр сайө, вель лыдпасьясён серрөстө график либө таблица.

Производствоса передөвик нуөдө ыджыд общественнөй удж. Сійө — колхозьясын да совхозьясын передөвөй опыт паськөдөм кузя внештатнөй инструктор. Лыддья лекцияс курсъяс да семинаръяс вылын, кодьясөс нуөдө опытнөй станция. Ветлө сиктьясө, көні велөдө скөт видзысьясөс вель ногөн уджааны. Оні фермаясын уджалөны оз сөмын «ёлочка» лысьтысян машинаяс, но и мукөд сикас агрегатъяс. Капитолина Павловна төдө быд вель сикас лысьтысян аппарат.

КПСС-са член, Коданёва вöвлis уджалысь йöз депутатъяс Сыктывкарскöй городскöй Сöветса депутатон. Сийö чeстьон пöртis олöмö бöрйисъясъяслысь наказъяс.

Некор оз вушый Капитолина Павловна паметьсы 1966 во. Öд сэки сылы, прöстöй коми нывбабалы, сетисны Социалистическöй Уджвйвса Геройлысь звание, а сэсся и бöрйисны СССР Верховнöй Сöветса депутатон.

Социалистическöй Уджвйвса Герой Коданёва олö öти мөвпöн: водзö на бурмöдны уджсö, öнiя пятилеткаын йöвсö лысьтыны унджык кольöм сизим воон серти. Окота сылы и водзö велöдчыны, бурджыка помавны сельскохозйяственнöй техникум, бöсьтны зоотехниклысь диплом.

Дерт, ыджыд романтика дояркалөн уджын абу. Но öд сийö сэтшöм колана йöзлы! И мед сетны сы мында йöв, сямлунтö да вынъястö колö пуктыны не этшаджык, а гашкö и унджык на сiдз шуяна романтической уджъясö серти.

В. Амосов.

АРТИСТЛÖН ПОДВИГ

Коми республиканскöй театрын мунö спектакль «Между ливнями». Сэни эм сцена, көни Ленин öтнас. Сийö мөвпалö. А мөвпавнысö колö шуштöмтор йлысь: Кронштадтын, революциялөн оплотын, öни мятеж. Кызди сийö вермис лоны! Эз-ö сы вöсна, мый унджык важ матросъяс усисны гражданскöй войналөн фронтъяс вылын, а Кронштадтö, военнöй корабльяс вылö, воисны выльяс, воисны сиктъясъяс! Но, а мыйла сувтисны революцияыслы паныд тöрытья видз-му вöчысыяс! Эз-ö сы вöсна, мый продразвёрстка кутis дойдавны найöс! Оз-ö ков вежны продразвёрсткасö выль экономическöй политикай! Колö!



Татшöм мөвпö воö Ленин. Но воöмыс артмö оз кокниа — эв сьöкыд думъяс пыр. Öд колö ставсö артыштыны, мед выль ног видзöдлыны крестьянин вылö, кодöс некызд оз позь кодзöдны Сöветскöй властысь. А тайö кодзалöмыс со петкöдчис нин Кронштадтын. Сiдзкö, колö тэрмасыны.

Историяысь ми тöдам нин, кутшöма ковмис Владимир Ильичлы зильны-вермасыны, мед пöртны олöмö сувтöм могсö. Но ми тöдам и сийöс, мый Ленин венis, мый колis правөн аслас мөвпнас. Гашкö, та вöсна быттö огöджык аддзö выльсö спектакльыслөн идеясыс.

Но выльыс, шензöданаыс эм! И буретш Владимир Ильичлөн мөвпалöмас! Ми аддзам сылысь не уна читкыртыштöм синьяссö, кытөн ыджыд тöждлуныс вермö локтысь үнсö. Ми казялам, кутшöм окота сылы ышловзыны да водны шойччыны, а та пыдди сийö сöмын личлэдзыштö сойяссö, быттö найö медся ёна мудзисны, и сэк жö нöшта на зумышджык лöч чужöмыс. Ми кылам сылысь элалöм

гöлöссö, весиг виччысям ыдждöм, а гöлöсыс содтöд на элалö да ньöжмö, кызди и овлö, буракö, кор быд кив донъялöма сьöлöмөн и вежөрөн. И ми гөгөрвоам, мыйта тöждлун, уджалысь йöз вöсна тöждлун, öкмöма тайö вöсьса кымöса мортыслөн лов пыткас. И тöдлытг ыдждö мян сьöлöмным, кызди овлö быдөнкöд медся шуда здукъясас.

Абу кокни кутны видзöдысыястö «киясад», кор öтнад сцена вылас. Но сьöкыд-сыс-сьöкыд артистыдлы шедöдны чöв-лөнсьö сэк, кор оз позь нинöм вöчны, весиг кызöктыны, кор колö сöмын сёрнитны. И артыштыны позытöма нин сьöкыд, кор ворсан Ленинöс, кор тэ — Ленин, но абу трибуна вылын, абу йöз водзын, а гортад, öтнад.

И ми збылысь шудаöсь, мый мян кодь жö — коми морт, Коми театраса артист Иван Иванович Аврамов петкöдлis мянлы Ленинöс-мөвпалысьö!

Сөмын вайё уськөдамё тёд вылө нөшта өтитор. Медым ворсны Ленинёс, колө, дерт, зэв ыджыд сямлун. И та вөсна ми век пыдди пуктам сэтшөм артистъяссө, вылө доньялам найёс. Но Иван Аврамов йылысь сёрнитигөн некыдз оз позь вунөдны, мый талун, шуам, сийё ворсө коми дядьбөөс, а аскинас Ленинёс, талун сийё сёрнитө коми-өн, а аскинас сылы колө ясыда сёрнитны рочөн да ещö Ленин ног.

Абу өмөй тайё подвиг!

Ог нин кутöй лыддьöдлыны, мыйта ковмис Иван Ивановичлы уджавны роль вылас. Шуам сөмын, мый быд ворсөм водзвылын, асывсяныыс на, сылы колө дасытыны асысö рыт кежлас.

Нималысь роч драматург А. Островский шулис, мый театральнöй искусство петкөдлö нациялысь верстяммөмсö. Тайё кывъясыс бура лöсялöны и Октябрьөн мездöм коми войтырлы, кодлөн эм аслас вына да мича театр.

Комын көкъямысöд сезон уджалö профессиональнöй коми театр. А таöдз ёна водзджык на вöвлі В. Савинлөн «Сыкомтевчукыс», кодсянь и заводитчис комияслөн ыджыд искусствоö пырöмыс.

Иван Аврамов — РСФСР-са народнöй артист! Коми сиктысь петöм зонкалөн татчöдз быдмөмыс висьталö оз сөмын сылөн сямлун йылысь, но и дзоньнас миян искусство йылысь, сылөн вынйöр йылысь.

А тайё вынйöрыс сөвмис воысь воö. И быть миянлы тані ковмас казтыштны Пантелеймон Онуфриевич Мысовöс, коді медводз ворсис Комиын Ленинёс да тайөн ышöдіс асыыс сяммысь ёртыяссö босытчыны пыргырысьджык рольяс бердö.

Юбилей водзвылын Сыктывкарын бура муніс Коми АССР-са искусстволөн вöвлытöм декада. Сийё югыда петкөдліс, кутшöма кыпöдчис кольöм ветымын воён парма шөрö вошлөм коми народ.

«Искусство принадлежит народу». Ленинлөн тайё джуджыд кывъясыс тшöтш збыльмисны и Комиын. Öд медым народлөн логис искусство, сийёс колі лөсьöдны. И нимкодз миянлы öні сыысь, мый миян эм асланым искусство, кытөн бура тыдалö пайыс и Иван Иванович Аврамовлөн.

А. Юров.

НЭМСÖ ЧЕЛЯДЬКÖД

Тайё лунсяныыс коли уна-уна во нин, но сийё быттьöкө пыр на синьяс водзын. Сыктывкарса педучилище помалöм бöрын Татьяна индöны уджавны Вильгорт сиктса начальнöй школаб. И со сийё пырö аслас медводдза урок вылө.

— Видза-оланыд, челядь! Менö шуöны Татьяна Павловнаөн. Восьтöй асыыныд тетрадьяс да медвыліас гижöй: «1935 вося январь 11 лун».

Тадзи заводитчис коми нывкалөн ашшөр олөм. Том учительница сёлöмсянь босытчис велöдны Вильгортса челядьöс лыддьысьны-гижыны, артасыны, гөгөрвоны вөрвалысь мичлунсö.

Татчөс олöма учительяс регыд казялісны челядь дінö зіль нывлысь сибалöмсö, сылысь зумыд төдöмлуньяссö. И кор начальнöй школа подув вылын вöлі восьтöма семилетка, Татьяна Павловнаöс индісны витöд да квайтöд классьясö велöдны роч кыв.

Коли во, мөд, коймөд... И со Татьяна Павловналы висьталöны нимкодз юөр: сийёс шуöмаёсь мөдöдны велöдчыны Коми педагогическöй институтö.

Буретш сэтысь ме медводдзаясь аддзи тайё лөсьыд статья, серамбана нывсö, код дінö тшöкыда шыöдчывлісны сылөн ёртыясыс, кор мыйкө эз гөгөрволены лекцияяс вылын либö семинарьяс кежлö индöм книгаяс лыддьöм бöрын.

И бара кызкө зэв тэрыба котөртісны велöдчан вояс. 1941 вося июль 3 лунö сдайтöма коми кыв кузя медбөрья государственнöй экзамен, а мөд луннас нин — ылі туйö.

Эз шудаёсь вöвны тайё воыс да тайё луньясыс миян Рөдиналы, тшöтш и том учительницалы. Школаын челядьöс велöдöм кындзи, сийё нуөдіс сиктса йөз пöвстын ыджыд общественнöй удж, зэригөн и шляка усигөн колхозникьяскöд тшöтш ковмис идравны муяс вылысь нянь, картофель, овощи...

Сизим во Татьяна Павловна велөдіс роч да коми литература Леткаса среднөй школын. И эз сөмын велөд, но и тайё сьöкыд кадас вöлі среднөй школаса директорөн.

Тані уджалігөн воис фронт вывсянь шог юөр — Рёдинаёс дорйигён уси сылби радейтана верёсыс. Том нывбалалён сувтліс сьёлёмыс, лигышмунлісны киясыс. Но Татьяна Павловна эз сетчы шогыслы, веніс сійёс радейтана уджён, велёдчысыяс дінё ещё ыджыдджык мелілунон.



Тані жё Т. П. Беляева оломын лои ещё ёти тёдчанатор: сійёс примитісны коммунистическёй партияса членё.

1947 воын Татьяна Павловна Беляеваёс вуджодёны уджавны Коми АССР-са просвещение кузя министерствоё инспекторён. Тайё кадё сійё сетё ыджыд отсёг сиктса учительяслы, торйён нин томьяслы, кодьяслён оз на тырмы опытыс да кужанлуныс. Сэки сійё шоча воывліс весиг гортас. Со сёмын на воис командировкаыс, гижис отчёт, олыштіс вежон-мёд и бара нин колё петны ылі туйё.

Сэссия Татьяна Павловнаёс индёны Сыктывкарса 14 номера восьмилетнёй школаё директорён, а 1962 восянь ёнөдз сійё веськөдлө Сыктывкарса 7 номера восьмилетнёй школаён.

...Ми пукалам Татьяна Павловнакөд сылён кабинетын, казътывлам институтын велёдчан кадсё, тёдсаясёс. Но миянөс тшөкыда торкалёны — вөлөмкө, школаса директорыс уналён гажыс бырөма, сы дінё унаёс мог суёма.

— Позьё, Татьяна Павловна! — мыччө өдзөсөд юрсө том нывбаба.

Тайё старшөй пионервожатөй Роза Гордиевская. Сійё юөртё директорлы, мыйта чукөртісны челядь металлолом, да корё отсавны судзөдны машинаяс. Да сёмын ёмой та йылыс колё советуйтчыны директоркөд! Ёд матысмё комсомоллөн чужан лун, медбур 60 велёдчыс лөсьөдчөны пырны ВЛКСМ радьясё. А мыйта индөма вөчны да вөчөма нин Великөй Октябрлыс 50 вося юбилей пасйөм могысы! Школаын лөсьөдчөны примитны медбур октябрияёс пионерьясё, чукөртөма нин став коланаторсё, медым ыджыд праздник кежлө восьтыны боевөй да трудөвөй слава кузя комната, уна содтөд материальяс чукөртөма Ленинскөй комнатаё да сідз водзё. И дерт жё нин, праздник кежлө челядь зіля дасьтөны концертнөй программа.

Сёрнитанторйыс ээв уна. И Татьяна Павловналөн пыр эм бур воча кыв.

Ёткымын вопросьясё школаса директор решайтё пыр жё, мөдьяс йылыс сійё пасьялө пызанвывса календарё. И весиг бокөвөй мортлы пыр жё снимё шыбитчө, кутшөм бура Татьяна Павловна төдө да кутшөм ёна радейтө ассыес уджсё.

Сёмын на петіс старшөй пионервожатөй — бара нин пырбөны выль йөз.

— Тайё миян завуч Алексей Васильевич Тюфяков да партийнөй организацияса секретарь Галина Ильинична, Юркина, — төдмөдө пырысыяскөд Татьяна Павловна.

И налён бара заводитчө удж йылыс сёрни: воис кад пасьявны предварительнөй оценкаяс, аски нин колё нуөдны производственнөй совещание, выль пөв выдлавын методическөй удж кузя план, нуөдны восяса урокьяс да вөчны мукөд уджыяс.

Колё пасйыны, мый Татьяна Павловна нуөдө сідз жё ыджыд общественнөй удж. Сійё гороноса общественнөй инспектор, «Знание» общество советса член.

Татьяна Павловналы колё ыджыд аттё висътавны и кызд бур мамы, коді ётнас быдтіс да воспитайтіс куим челядьёс. Ёні сылөн челядьыс, кызди шуласны, ас кок йылынось нин: кыкөн помалісны институтьяс да уджалёны специальность серти. Медічөтыс велёдчө Архангельскөй медицинскөй институтын.

Татьяна Павловна Беляевалыс бур уджсё унаыс пасйылісны Почётнөй грамотаясөн. Сійёс водзынджык нин наградитлісны «За доблестный труд» да «За трудовое отличие» медальясён, «Отличник народного просвещения» значокөн, сылы сетөма Коми АССР-са Заслуженнөй учительяслыс почётнөй ним. А кольөм во челядьёс воспитайтөмын да велөдөмын гырыс заслугаясыс правительсто сетіс Татьяна Павловналы медся ыджыд награда — Ленин орден.

Н. Тимусев.

ВЫЛЬ КЫВБУРЪЯС

* * *

Тайӧ луныс аслам менам, аслам
Сідз жӧ, кызди аслам Сӧвет му,
Кодлысь ыджыд нимлунсӧ ме пасъя,
Кызди ассъым, мый кӧть сӧсся шу.

Сы вӧсна, мый выльмӧм мулӧн пиӧн
Лыддысья. И бурджык ним оз ков.
Сы вӧсна, мый лӧксӧ сотысь биӧн
Тыртис сійӧ тшӧтш и менсьым лов.

Революциялы одаяс оз ковны.
Сійӧ ачыс вӧчис сэтшӧмтор,
Мый оз дугдысьӧлӧмъясӧ койны
Югыдсӧ. Оз ланьтлы сӧстӧм гор.

Чужан луныс менам Сӧвет властълӧн —
Йӧз олӧмас медся ыджыд пас.
Тайӧ луныс сы вӧсна и аслам,
Мый быд честной мортлы сійӧ — ас.

* * *

И лунъяс кольӧны, и тӧлысьяс, и вояс.
Оз бурдны сӧмын сӧлӧмысь ваз дойяс.

Мый вӧвлі, сійӧс кадыс нуис ылӧ,
А сӧлӧм ставсӧ помнитӧ и кылӧ.

Кӧть миянӧс и лӧкыс эз коль пайтӧг,
Ми няргыны, ми чукрасьны ог чайтӧй.

А сӧмын тӧдам — бурсӧ водзӧ нуны.
А сӧмын тӧдам — йӧз шуд вӧсна пуны.

И медым кадыс муӧ аслас ӧдӧн,—
Мед сӧмын водзӧ дойяссӧ ог тӧдӧй!

* * *

Реактивнойяс гримгӧны. Сяльгӧны
поръяс.
Шувгӧ пожӧм. Оз ланьт революция шы.

Ставсö сьöлөмөн кылам ми. Ставсö ми
доръям.
Ставсö видзам, эз пöдты мед лёкыслөн
гы;

Медым аския лун вöсна эз нин босът
полөм,
Нәмъяс пуктисны вын. Абу сыысь мем шог.
Меным сетöма меддона шуд,
кодöс шуöны Олөм.
Коркö та ыджда уджйöзсö мынтыла ог?

* * *

Ме öнi быттьö торьялöма сыысь,
Ас Кыдзкаp сиктысь. Öнi — карса морт.
И сöмын оз вун мамлөн шоньд сывйыс.
Да дед гу весьтын асья кья борд,

Да сиктсöветным вылын öвтчысь
флагыс,
Код йиджтöма землякъяслысь пöсь вир,
Да сиктысь муртса вешйыштöм веж
ягыс,
Көн лэбачлөн да зверлөн ашпöр мир,

Да рытгорувнас балалайка шыыс,
Кор ньылөм петтöдз ворсö Никанор,
Да выльöн панөм керкаясыс, мыйысь
И водзö вылö надея оз ор.

Зэв унатор на лыддьöдлыны сюрас,
Но тöлкыс абу да и лоö дыр.
И Кыдзкаp сикттöг эм зэв уна бурыс,
Но Рöдинайö сыттöг абу тыр.

* * *

Ми этшаджык горзыны кутим
Да велöдны öта-мöдöс,
Ми, тöдöмысь, успаньвыв пуксим,
Кызд мянöс веськөдö кад.
Ми абу, дерт, няргысьяс лыдысь,
Ми абу и дузьялысь рöдысь,
Но мусаджык быдсöнтö ловлы,
Кор ас костын ыдждалö лад.
Ог, ковтöг ог нетшкысьöй öнi
Да ыршасьтöг, мый колö, вöчам.
А пытшкöсад веськодълун чинö,
И тöждысьöм сöмын оз чин, —
Мед помнитны сийöс, мый вöвлi,
Мед талунсö донъявны стöча,
Мед аскиö видзöдны сюся,
Кор осьса и сьöлөм, и син.

Шудыс усьлөма на меным

Эз тайö олöмыс кө волю,
А коли важыс... Эськө сэк
Ме, гашкө, эг и олысь лолы
Да весиг арöсөдз эг олышт,
А, гашкө-й, төлысьөдзыс эг.

Эз уна коль на, гашкө, луныс,
А ме нин эшти, эг нин ов.
И шуисны сэк: «Мытөн мунис».
Ли: «Енмыс босьтис талысь лов».

А эг кө кув да коли олан,
Ме куті шегйөн корсьны гаж.
И эг и төдлы немся школа,
Куш — сюра сөт» да «Отче наш».

А школа сикт кодьыс кө кевмис,
Мед ныв-зон велөдчисны сэн,
То гижис эськө Пуришкевич*,
Мый нинөм грамотасьыс мен.

И быдмигкості босьтчи уджө
Да пөттөдз узьлөм эг нин төд.
И со нин нопйөн вөлөк вуджа
Уралысь корсьны кынөмпөт.

А сэсся армияö сюри,
Сэн менө песисны, кыздз няр.
И көнкө пункті шудтөм юрөс,
А мыйла — төдіс сөмын царь.

...Но шудыс усьлөма на меным,—
Эг кывлы нартитөмлысь вез.
Россия-муын чужис Ленин
Да чужтөдз перйис меным мезд!

* Царскöй чиновник.

Батькөд сёрни

Талун, батьö, меным комын нель нин —
Буретш сымда, мыйта вöлі тэн,
Кор войналон саток йыла моллыс
Морöскудтö бытшкис тэнсьыд — дзен.

Талун ёртъяс ыдждöдлöны менö —
Бытьтö-й колö радлыны лунтыр.
Сöмын тай со шогыс мыйкö венö:
Синмös куня, тэнö аддза пыр.

Кызди усин, мый медбөръяысь шуин —
Тайös, батьö, немтор ме ог тöд.
Ставсö сьорсьыд аскöдыд тэ нуин.
Öнi ачыд лоин кызди вöt.

Гашкö-й, думсьыд ыджыд питö сэки
Морös бердад топöдлин бур здук.
Кызди овны — бөръя индöд сетин,
Сэссия-й ставыс воши — слук ни дук...

Талун, батьö, тшötшъяös ми лоим,
Öнi тэкöд двöйни кодьös ми.
Талун бытьтö ме ордö тэ воин,
Шуин: «Висьтась, кызди олан, пи».

Гожом шöрын сэк тай мунин гортись,
«Аръявылыс, шуин, локта бөр...»
Батьö, батьö, муса вокöй, ёртöй,
Войнаыд тай абу вöлөм... вөр...

Нуин челядь дырнымös тэ сьорсьыд,
Мамöнымлы колин ки тыр шег.
Сийö, коньör, вынсьыс вывти пессис,
Кытчöдз ачыс сартас моз эз чег.

Миянлы сэк вöля колис овны —
Котрав, ислав — дугдöмтö он тöд.
Ставыс эськö тырмис ичöt ловлы,
Перйыны кө эз ков кынөмпöt.

Сэссия-й мийö, энтьөм-айтөм позтыр,
Му выв пасьта разалим шур-шар.
Чужанінным, гажа муса гортным,
Сисьмис öтнас уна тулыс-ар.

Тодса ягыяс, тэнад важ чӧс туйыд
Миянлысь оз кывлыны нин гор.
Гожся лунӧ, кор тай вӧлӧк уян,
Горшнымӧс оз веськӧд Паля шор.

Юны васӧ ковмис мукӧд шорысь,
Чӧжис вынӧс лавкаса йӧз нянь.
Гажтӧмыс жӧ тасасьліс кӧ горшӧ,
Такӧдлывліс эз ас кывъя ань.

Чорыд йӧзлӧн ыкшасьӧм да видчӧм
Кузьдӧдлісны менсьым уна вой.
Скӧрмӧм вылысь — мича кӧть зэв мисьтӧм —
Йӧзлы ме и ачым вӧчлі дой...

Но тэ, батьӧ, нормыны тай пондін?
Муса вокӧй, бӧр вай кыпӧд юр.
Морӧснымӧс винанас вай шонтам —
Олӧм миян абу на дзик дур.

Ставӧн быдмим, крепаммисны бордъяс,
Уджын некод оз корсь вуджӧр сай.
И кӧть быдӧн торъя тальӧ ордым —
Олӧмыслы сетӧ колан пай.

Ӧти перйӧ му пытшкысь «сьӧд зарни»,
Мӧдлӧн нимыс — «тӧждысьысь парторг»,
Коймӧд лэптис, гашкӧ, быдса кар нин,
Ме со пані гоз-мӧд гижӧдтор.

Тадзи, вокӧ... Олӧм мунӧ водзӧ,
Сӧвмӧ тшӧтш и миян рӧдлӧн вуж,
Тэныд эськӧ нимкодясьны позис,
Эн кӧ шудтӧм кодзув улын чуж...

Кызь миллион тшӧтш водіс тэӧд, батьӧ!
Быттӧ висьысь — виртӧммыліс му.
Но ми сэки эгӧ воштӧй садьӧс —
Дасьтім тэнӧ виысьяслы гу.

Сэсся-й тшыг да курыд синва сорӧн
Бурдӧдалім мулысь доймӧм бан.
Сьӧкыд уджӧн тырӧм кызь во бӧрын
Важсьыс зумыд лои миян стан.

Пызан вылын шӧрӧм эз ло вӧсни,
Лыдтӧм биӧн венам арся вой,
Весиг, батьӧ, — эскы кӧть эн эскы —
Тӧлысь вылӧдз нюжӧдім нин сой.

...Сӧмын менам дойыс век оз быр на,
Кыдзи тӧвся Сыктыв вылысь ры:
Кодкӧ ӧмӧй кылас тэ моз бура
Менам сьӧлӧм вӧрзьӧмлысь быд шы!

ЛЭБӢНЫ ЮСЬЯС

Кыа весьтӧдыс лэбӧны юсьяс,
Мыла сьылӧмыс сьӧрсьыныс век.
Меным ылыс вой дум вылӧ усис,
Сӧмын юсьяс эз лэбавны сэк.

Ленинград весьтын кельыдлӧз войяс,
Кар — окопьясӧн вӧнясьӧм скӧнь...
Сымда Му вылас чӧжсис сэк дойыс,
Мый и ӧнӧдз на лолам эз лӧнь.

Менам друг вӧлі раминик мортӧн,
Сӧстӧм думъяса устӧм салдат.
«Ӧні ытшкӧны,— шулывліс,— гортын,
Лӧня лымъялӧ льӧм пуа сад.

Лежнӧг дзоридзьяс вощьӧны юлыын...
Ёна ёді сэк кутчысьӧ... збыль»...

...Друглысь олӧмсӧ ордіс пуля,—
Ленинград дорын ӧнӧдз эм мыльк.

Тшӧтшъя — дзоридзьяс...

Кымын сэк усис!

Мыйта вӧчтӧгыс колис буртор!

...Вояс вомӧныс лэбӧны юсьяс,

Налӧн сьылӧмыс мыла и нор.

МАЙ, 1945-ӧд...

Атака!

И враг пондіс усйысьны,
Но эз ланьт — резіс свинечӧн воча.

Со кодьяскӧ миянысь усисны,

А ротаным — котӧрӧн водзӧ.

Москва дорсянь Одер ю дорӧдзыс

Туй — быдсяма: радлуна, доя.

Но лӧглун кӧ татчӧдз нин вайӧдіс,

Мед нуас и медбӧръя бояс!

А сэн сэсся — вермӧм да долыдлун,

И гортсакӧд пукалӧм орччӧн.

Нель во эгӧ кокниа лолыштлӧй,

А, сідзкӧ,— Победалань — водзӧ!

ЛЕНИН

Некод тадзи сёлөмөдз эз во на:
Сыкөд — уджө, туйө, сыкөд — гортө.
Мортыс сийө миянлы меддона,
Шуам сийөс велөдысьөн, ёртөн.

Оласногыс сылөн — торья мера,
Сылөн бийн морьснымөс пестам.
Мый ми өні олөманым керам,
Ленин водзын — Сөвесть водзын сөстөм.



Виктор НАПАЛКОВ

МЕДВОДДЗА УЧИТЕЛЬНИЦАЛЫ

Өнөдз помнита томиник статья;
Мича гөлөса, вөсньыдик, шань.
Синкым вылөдзыд сьөд юрси пратьяс...
А со талун тэ — олөма ань.

Нывьяс-зонкаяс тэ вылө дзоргим —
Комын морт, визув квайтымын син.
Дзик быд празникө козьнавлім дзоридз,
Медым сёлөмсьыд би кинь эз чин.

Сэки олөмыс жебиник вөлі:
Война уналысь мырддис сэк шуд.
А тэ ышөдлін миянлысь сёлөм,
Көть и абулы — абу и суд.

Миян сёлөмө нэм кежлө колян,
Шань учитель и меддона ёрт.
Гижис кывбурсө тэнад жө школьник,
Йөзлы бур вөчны велөдөм морт.



„ВОЙВЫВ КЫА“ ВӨЧЫСЬЯС

Таво тулыс меным ковмыліс писательской могъясон волены Москваб. Уджъяс кером-вочом борын петі Горький нима улица выло, рытя столицаон нимколясигмоз восьлалі-каий площадь дорөдз, коні сулалё А. С. Пушкинлы памятник.

Быд волігон радейта пукалыштны веж кустъяса скверын, видзөдны ыджыд поэтлон мыйкө йылысь думыштчөм чужөм выло, казтывны сылысь сьблөмө век кежлө кольөм мича гижөдъяссө. Помнита, серамбана мойдъяс сертияс медводз велөдчылі гөгөрвоны художественной кывлысь мичлунсө. И өні на век гаж петлө видзөдлыны пушкинской «магической кристалл» пыр, ырситны-чөсмасыны сылөн сөдз да югыд кыв визлачысь.

Тадзи мөвпалі сы дорын. Рытыс шоныд, лөнь, майской. Рөмдыны нин лөсьөдчө. Паныдөн фонтан резьб, багралө уна рөмөн. Лөсьыда ыркөдлыштө сы дорсянь. Гөгөрыс челядъяс тельөдчөны-котралөны. А фонтан сайын водзынджык «Известия» газет редакциялөн каменной короминаыс зымвидзө. Юрйылас светөвөй реклама ворсөдчө. Уна рөма кывъяс чужөны, котөртөны, бырөны, вильысь чужөны.

Пукала, лыддя кинокартинаяс йылысь юөртөм, кутшөм поводдя аски лоө Москваны, мукөд сэтшөмтор. И друг лыддя: «Газопровод Коми АССР — Центр! Лыддьөй газетъяс...»

Чуймышті, шензышти. Мый тайб?

Аски асыв вості «Правда». Збылысь эм юөртөм: СССР-са Министръяслөн Сбвет шөдма стрөитны мяня республикасянь центрланьб ыджыд газбөвй магистраль.

Газсө геологияс аддзөмабсь. Печора вожысь, ылі Вуктыл ю дорысь. Сьөд парма да зыбуч нюръяс волъяссьөны сәні. Но газыс уна дзөбсясь мутьшкас. Сы кындзи газоконденсат сюрөма. Зөв бур бензин сыысь артмө. Геологияс чайтөм серти, газыс 200 миллиард кубометрысь не этша. Көть эськө пятилетка планын абу вөлі артыштөма тайб газопроводсө, Сбветской правительство лыддис коланаөн пыр жө заводитны вөчны. Газыд өні век ёнджыка колө народной овмөслы. Сійө медся донтөм ломтас заводъяслы, фабрикаяслы, ко-

лана сырө химической промышленностылы.

Вуктылас газ пөшти 2000 километрөн матынджык центрөдз тюменской газысь. Кор на лоө нюжөдөма Тюменьысь газопровод, нель во ковмас вичысьны. Сы вөсна Правительство и шуис өдйөдджык заводитны вөчны газопровод Вуктыл — Ухта — Череповец — Торжок. Тадзнад во мысти нин поэяс сетны Череповеца металлургической заводлы Вуктылысь аддзөм газ, а сәсся и московской да ленинградской промышленностылы. Бөрннас, кор Тюменьысь газопровод матысмас, сы дорө йитасны и мянлысь войвывса магистраль.

Миян республикати газопровод нюжалас 324 километр кузъта. Во помөдз на арталөны эштөдны газопровод Вуктыл — Ухта костын 1020 миллиметра трубаясысь да конденсаторовод 529 миллиметра трубаясысь. Сійө сувтас 50 миллион шайт дон кымын. Уджъясыс муноны нин. Вөчисны сө километр кузъта нин. Гырысь нюръяс да ольяс кольөдөны төв кежлө. Кор көдздыс кынтас нюръяссө, сәки эштөдасны вөчтөм местаяссө, йитласны өтпомся.

Заводитисны вөчны магистральной газопровод и Ухта — Котлас участок вылын. Сійөс нюжөдөны гырысь көрт трубаясысь. Диаметрыс налөн 1220 миллиметр. Морт төрмөн. Миркодяс татшөм ыджыд газопроводыс абу на пө. Миян войвылын медводзсысь лоө вөчөма сэтшөмсө.

Войвывса магистральной газопроводлөн став кузътаыс лоө 1380 километр. А вөчны сійөс ковмас зөв дженьыд кадөн, өти во чөжөн. Со өд кутшөм шензөдана уджъяс вөчсьөны мяня нэмб!

Сьөд вөр шөрө вөшөм Вуктыл йылысь төрыт на некод оз вөлі төд. Сбмын сюзъяс буавлісны тані да йөрасе кузь нюръяс буджигөн болскөдчисны ён кокъяснанас. А талун пөшти быд лун, быд номерын республиканской газетъяссысь лыддян Вуктыл йылысь, радио сёрнитө и. Весиг кино нин вөчөмабсь, регыд петкөдлыны кутасны. Сэтшөма кутіс нивавны Вуктыл.

Гөжөмнас гажа июльской лунө республикаса столицанын, Сыктывкарын, чукөрт-

чыліс партия Коми обкомлөн пленум. Сэни сёрнитисны газопровод вёжчон кузя могъяс да уджъяс йыльсы. Пленум шуис став республикаон стрóитны газопроводсö, став вын пуктыны да эштöдны тайö ыджыд стройкасö ас кадö. Локтан во помö нин Вуктылса газ колö вайöдны Рыбинскö, а 1969 во первой джыгнö — Торжокö. Могъяс ыджыд и абу кокни. Мöдысьджык войвывса газсö арталöма сетны тшöтш и Прибалтикаö да Белоруссияö.

Тадзи мян син волзын Коми АССР-ын чужö вьль ыджыд газвöй индустрия. Матысса воясö нин республика сетас государственвоы уна донтöм ломтас да технологической сырьё. Пятилетка помö природной газсö мян арталöны судзöдны 8—10 миллиард кубометр. Газ конденсатсö 1970 воын лöч чукöртöма да мöдöдöма химической да бензинöвöй заводъяслы 2—2,5 миллион тонна.

Пленум трибуна вывяснэ сэки тшöтш сёрнитис газосварщик Козлов, висьталис, кутшöм сёлöмьсы уджалöны трасса вьлын рабочейяс. Сийö висьталис, мый найö корöны вьль газвöй магистральсö нимтыны «Войвыв кыаён». Налыс корöмсö мөмöдисны. И öни паськыда нин тöдöны тайö мича нимнас сийöс и мян республикаын и мукöдлаын.

НЕФТЯНИКЪЯСЛÖН КАРЫН

Гаж петис ветлыны, тöдмасыны «Войвыв кыа» стрóитысьяскöд, видзöдлыны, кызди найö олоны да уджалöны, мысыама йöз сэтшöм удажа бергöдöны коми пармаын некор на адзъявлытöм тайö уджсö.

Шондiа сентябрьскöй луно поэт Серафим Поповкöд Сыктывкарса аэропортсыяни микыпöдчим сынöдö да час мысти вöлим нин Ухтаынöсь.

Часысь неуна дырджык и лэбим, а поведъяс тöдчымöн вежсис. Сыктывкарын мича, гожъя лун вöли, а танi ывлаыс букуш, кымрасьö, арся зэр пычкысьö. Войвылыд вильыш вöлöма.

Ухтаса аэропортö матыстчигöн ме видзöдi син водзö паськöдчöм ыджыд промышленной карлөн панорама вьлö да думөн казтыли важсö.

Ук-ва... Чиб-ю... Лёка неважөн на танi шувгылис черён сötлытöм вөр. Татчöсса вöралысьяс висьталöны, кызди коркö, во комынъяс сайны, найö кытшлавлöмабсь Чиб-ю дорса чöс туйясöд, сёлä-дозмөр кыйлöмабсь, дöбелки уна ур печлавлöмабсь дрöббиктыяссь.

Гражданской война вöли ыпъялö на, а В. И. Ленин мөвпалис да тöждысис нин öдйöдджык петкöдны страначымöс разрухасы, вöчны сийöс ёнөн да озырöн. Документъяс висьталöны: Владимир Ильич 1920 воö вартлöма Архангельскö телеграмма, тшöктылöма корсны да тöдмавны ухтаса нефть йыльсы материалъяс. Колины вояс, ачыс сийö эз ло, но партия эз вунöд сылысь тшöктöмсö. Мукöд йöз водзö нудисны, мый йыльсы мөвпавлис да тöждысьлис Ильич. Комыны во сайны партия мöдö-

дис грозненской мастер И. И. Косолапкинсö буритны Ухтаын медводдза скважина.

Бура помнита косньöдик чужöма, паськыдкыд тошка, лабутнöя сёрнитысь тайö войвывса пионерсö. Видзöдны быттьö нинöм торъя синмö шыбитчанаыс сьлөн абу, морт — морт и эм, не этшабс сэтшöм-кодсьö адзъявлылан. Сöмьн сёлöмьсы сьлөн вöлöма ыджыд да пöсь. Ас йывсысыс колис бур казтылöм. Ухтаын сы нимөн шубöма медгажа уличасö.

Кывзан вöли сылысь висьталöмсö, кызди коркö найö пискöдчöмабсь Чиб-юö, кызди юяс кузя шнягаясөн, нюръяс да тиль вөр пыр воськов бёрсы воськов локтöмабсь, кыскöмабсь буритчан көлуй, трубаяс, мукöд коланатор, да ышлов босьтö. Уна нужа да тужа лэптылысны найö, медводдза йöз, войвывысы сьöд зарни корсысыя. Весиг прамöй юрсюяниныс налөн эз вöв. Лэптисны вышкаяс, буритисны скважинаяс, вочасөн овмöдчисны.

А öни Ухтыясыс гырысь каменной керкаяс, асфальтөн эжөм уличаяс, ТЭЦ тшынасьö. Ыджыд веж стадион шевкнитчöма паськыда. Телебашня небесалань чургöдчöма. Уджалö танi нефтеперегонной завод, мукöд промышленной предприятияяс гөгöрыс пуксялöмабсь, школаяс, горной техникум. Неважөн вөссис индустриальной институт. Визув да кыпыд олöмөн олö войвывса кар.

Карса олысыяс любöпырысь сёрнитöны асланыс «Черемушки» йылысь: гырысь каменной керкаяс, магазинъяс, культурно-бытöвöй да медицинской учрежденияс. Сэтсы жö мянлыны индисны Ухтаса территориальной геологической управление. Газопровод трасса вьлö петтöдз колö вöли первой сёрнитыштыны геологъяскöд.

Вöлөмкö, му пытшысь озырлун корсьöны да перйöны зэв уна морт. Ухтаса геологической управление ас котырысы арталöдас тысяча сайö уджалысьсö, на пыысь комиыс 750 морт. Унджыкыс рочыяс, сэсыя украинецъяс, белорусъяс да мукöд национальностыяс. Унаöн ветлöны ылын бокуны, вильылаыс корсьöны нефть да газ, буритöны разведочной скважинаяс. Унаöн уджалöны нефтяной промыселъяс вылын. Эмбсь налөн асланыс учёнöйяс, инженеръяс, наукаысса кандидатъяс да аспирантъяс, кодыяс лöсьöдчöны лоны учёнöйясн.

Тöдмасим ми и войвывса учёнöй-ветеранкöд, Ухтаса геологической управлениеысь начальникöс научной удж кузя вежысь, геолого-минералогической наукаяс кузя доктор А. Я. Кремскöд. Сылы доза нин уна арлыдыс. Бур ногөн, позьö нин эськö пенсия вьлö петны, но оз на көсий шойччыны. Верма на пö да, шуб. Кöть и эзысьбн моз пызыштöма юрöс, но уджалö уна, ыджыд научной да педагогической уджыясөн бергöдлö, индустриальной институтын лыддьö лекцияяс, народной университетөн веськöдлö, радио кузя выступайтö, гижö книгаяс, статьяяс, тыр олөмөн олö. Ськöд сёрнитны кокни, мортыс варов, мелi, бур. И синьясыс вежрабсь, мелiбсь. Бур сёлöма йöзлысь адзъявлан сэтшöм синьястö.

Быдса рыт пукалім, кывзім сылысь Вуктыл йылысь висьталомсб. Карта-схема вылысь учёной петкөдліс миянлы вуктылса газ куйланінсб. Кузьтаыс пö сылөн 70 километр кымын, а газ тыра пластыслөн кызтаыс километр судта.

— Озыр, ёна озыр дзор Вуктылым!— чуньна гогёрыс нубдö-индö ыджид учёной.— И кутшөм бур газыс сэн! Öти кубометр газын эм 600 кубической сантиметр газолін. Уникальной качестваыс серти Вуктыл Советской Союзын сулалö мөд местаын.

Вуктыл йылысь А. Я. Кремс висьталё сідз, бытты мөйд кывзан: во-мөдөн сыбд вөр шөрын быдмас выль посёлок — Вуктыл. Тайё лөб вөрса неыджид кар. Эм пö нин генеральной план. Кыпгасын керкаяс, котельной, электростанция, сборной пункт да мукдö головной сооружениеяс. Лёбны, дерт, и больничка, гостиница, столбвой, магазиняс. Öнi нин Вуктылын уджалёны уна сюрс морт: строительяс, буровикьяс, трактористьяс, вышкомонтажникьяс. Бур уджиас танi медя нималö мастер Апостан А. И. Сийö буритöма республикаын медяс джуджид скважина, 4013 метр джуджадас.

— Ухтага геологической Управление водзö сувтөдöма ыджид мөг: 1971-өд во заводичкежлö дасыны Вуктылын да сы гогёртасын природной газлыс запасьясö 220 миллиард кубометр мында,— висьталё А. Я. Кремс.— Разведочной уджыс ёна паськалöны. Газбö кутасын корсыны орчча Мишка-пармаыс, Печора кар гогёртасыс да тшөтш Большеземельской тундраыс.

ПЕРЕДНЬОЙ КРАЙ

Миян машина чожа котөртö асфальтөн эжөм туй кузя. Бөрö колисны Ухта, Сосногорск. Туй кутам Улыс Одесö, 103-өд километрö, конi уджалö 6-өд строительной управлениеыс Б. С. Крутьколөн бригада. Сэтчö ветлыны миянөс чуйдөдс строительной отрядлөн начальник П. С. Казаков. Асынас ми сийбс удитим суны аслас кабинетас на. Сёрнитөм-керөм бөрүн сийö висьталёс:

— Медя кокниа тi воанныд миян знатной сварщик Крутько участкаб. Мукдлаб ещё сьбкыд веськавны либö он адзылöй сийбс, мый окотитаньыд. Кытчөдз верманьыд, мунаындыд легкөвөйөн, а водзö артгягач вылö соланьыд. Сийö конкө сэн жö уджалö. Гашкб, подөн на ковмас ветлөдлыштны. Сэнi өд абу Невской проспект, а передной крайнын миян.

Ачыс П. С. Казаков — неямын кык арбаса морт, сёрнитö гораа, сьбдов юрсиа, тэрыб вбраса. Помавлөма Куйбышевской нефтяной институт. Сы бөрүн, со, сизимөд во нин ветлөдлө, кызди ачыс шуö, «кблесаяс вылын» öти стройкасынь мөдö. Балхаш карын стрөитлөма водопровод, сы бөрүн нефтепровод «Дружба», сясэя газопровод Средной Азия — Центр. Уджавлөма проарбөн, мастерөн, участкаса начальникөн.

А öнi веськөдлө быдса строительной управлениөн. Заводитис Волга дорын да помалис Дон вылын. Миян республикаб тавофевральын локтис строительяс пиыс медводдза мортөн. Удитис нин эштöдны Тэбук — Ухта нефтепровод, сы бөрүн заводитис уджавны Вуктыл — Ухта трасса вылын. Кабинетсыс сийбс шоча и сулан. Сы веськөдлөм улын некымын участок, ставыс разi-пельынбс, быдлаб колö син, медуджыяс здук кежлö эз сувтлыны.

Уджалан луныс сьлөн заводичкө квайт час асылын квартираас телефонной звонкасынь. А помасьб коркө сёрөн рытнас, дас час бөрүн. Мукдö дырын и вой шөрөдз нюжалö. Овмөсыс сьлөн ыджид, а уджыс вчан графикыс нюжмасыны озлэдз.

— График серти,— висьгавлис сийö мияны,— Вуктыл — Ухта газопровод да конденсатопровод миянлы колö эштöдны тавося декабр 28-өд лун кежлö. Но ми кбсйысим Советской государствены 50 во тыригкежлö на помавны. Оз кö падмөд миянбс генеральной подрядчик, асыным кбсйсысьбмнымбс пöртам олөмб.

Лун войдөр ми волим жö генеральной подрядчик ордö, П. А. Соловьев штабö. Сийö веськөдлө 2-өд СУ коллективөн. Налөн мөгныс — кодыны траншея, весавны да изолируйтны сваритөм трубасы, сясэя лэдзын траншеяб да тыртны. Коммунист Соловьевлөн коллектив тшөтш жö зильö уджавны график ветыртөмөн, на сайын озсув. Колö шуны, став строительяс уджалёны öтвылысь, дружибя, график ветыртөмөн.

Ухтаыс петим — кымөртыс сайыс шондi вөлi мыччасьб, а кутим воны Улыс Одесö — лым чөлавны кутис.

— Мөдөдчим гожөмын, а воам төлын. Со өд кутшөм тиян войвылыд! — шмонитөмөн сёрнитö миянкөд тшөтш муныс Яблуковский Л. А., начальниклөн отсасысыс. Сийö конкыдик плаца, куш юра, дөрөм юрйылыс жан восья. Велалөма, тыдлаб, ывла вылын пыр овны да оз пов кыномысь, көтэ эськө ачыс и абу нин том.


— Сувтламö здук кежлö Улыс Одесө посёлкө. Танi миян база. Сварчикьяс, механизаторьяс олөны вагоньясын. Луннас трасса вылынбс, а узны да шойчыны татчö волөны машинасыөн. Колö видзөдлыны оланянысö,— гогөрвоөдис Леонид Андреевич да тшөктис шоферлы кежны шоссе вылысь посёлкө.

Улыс Одес. Веськыда шуа: ме эг виччысь сийбс адззыны татшөмөн. Чайгi омөлик вөрса посёлок кодыөн, а вөбөма быдса неыджид кар. Олөны сэнi Тэбукса нефтепрөмыслөвөй управлениеын уджалыяс: нефтяникьяс, строительяс, механизаторьяс. Сизим тысяча морт. Керкаяс гырысьбс, каменнойбс. Уличасьб асфальтируйтöма, джодж кодь шыльыдсь. Эм средной школа, коммунальной пывсан, здравпункт, зэв бур столбвой. Посёлкөсö газифицируйтöма, эм водопровод. Керка ветгыяс вылын телеантеннаяс. Öти кыйбөн, карын кодь.


Тбдчö, посёлкын олөны механизаторьяс. Тракторьяс, кылб, мулалбны, гызымтö-тэрмасьб кытчөкö артгягач.

ВУКТЫЛСА ГАЗЛЫ ТУЙ


Коми художник С. Холопов неважён вет-
лис «Войвыв кыя» вӧчысьяс дінӧ. Сэтысь
сійӧ вайис уна серпас газопровод нӱжӧ-
дысьяслӧн удж да олӧм йылысь. Нӛльӧс
на пысь ми сетам тайӧ лист бокас.




Йитӧны «плетьяс»



Печора пидӧсӧд муӧ татӧ туйыс



Вагонъясысь посёлок



Пармалӧн выль «вӧнь»

Пырим столёвой: югид, сёгём, гаж. Менюын сёмга, шницель, котлет. И доньясыс абу гырысьёс. Овощной рагу сулалё 10 ур, суп — 15 ур. Шайт джын вылө позьё чёскыда и пёгёса сёйны.

Гаж петё тані гарыштны татшөм эпизод йылъсь. Кор ми пуксим пызан сайё нурьясьны, столёвойё варовитгыр пырысны нывьяс. Уджалан комбинезонлөсь, юрнысё конкыдик чышьяньясөн көртыштөма. Удж вывьян локтөмаёсь.

— Кодьяс нё найё? — юалам.

— Штукатурьяс, малярьяс, каменщицьяс, — гөгөрвөдис Яблуковский. — Найё öнi сэтшөмбөсь, а видзөдлөй рыгнас клубысь: модной прическаяс, вөччасны-пасьтасясны, коканыс капрон чулки, лакөвойё туфли — дзик принцессаяс кодьёсь. Мый налы: нажөвитөны бура, вермөны пасьтасясны!

— Чөвлө! — дэйтгытис Серафим Попов. — Тайё жё стихлы тема! — Пыр жё эновтис паньсё да кутчысыс авторучка... «Войвыв кодзув» лыддысьсысьяс помнитөны, дерт, воддза номерысь сылысь выль кывбур «Пармаса принцесса». Тадзи чужис тайё кывбурыс сёлөн. Улыс Одесса нывьяс-строительяс вөрзёдисны поэтлысь сёлөмсө, ышөдисны гижны.

Дивөкодь тайё вөрса посёлөксё ми эновтём жалпырысь. «Регыд и Вуктыл татшөмөн жё лө!» — думыштi ас кежам машинаё пуксиги.

Асфальт регыд помасис, машина кежис лөйсөм нйит вөрса туй вылө. Гуранысь гуранö, тёпканысь тёпканö сдизи и шыбла-лө машинанымс. Сидылам, буксуйтыштам да бара водзё мунам.

Дум вылө усины война луньяс, фронтөвой туйяс. Ышловизгомоз гораз гарыштi төдса сьыланкывлысь кывьясё:

— Эх, дорожка, фронтовая!..

Яблуковский нюммуныштис:

— Тайөтö мый на, водзынджык «медса бурыс»...

Збыль, мыйкө дыра кыссим-муним да сөсся дзикөдз сидим. А кёйылөм арттыгач оз тыдав.

— Мый нö, другьяс, кутам виччысьны тан сийсö али ас кокөн мөдөдчам? — юалис мянлысь Леонид Андреевич мыжа морт моз.

— Водзö! — шуми ставөн да мөдөдчим резинөвой сапөгьясөн лойны кизьөр нйитсö.

Миянлы дольд: важ бөрын бара на пармайн нимкодысам. Арся вөр аслыс ног мича. Пуяс кузьбөсь, тшем сулалёны. Козьяс век öткөдө вежөсь, а кыздыяс зарни корьяс гылөдөны муö. Увтасьясын, шор пөлөн, лөм да пельсё баситчөмаёсь гөрд рөмөн, вөччөм невестаяс кодьбөсь. Нитш пытшкын пув розьяс дзебсаясьöны чим гөрдбөсь, вомад вөзйысьöны. Но накөд нокусьыны некор. Чеччалам вутшкысь вутшкө, келам нйит гураньяс вомбөн, мунам водзö, пыр водзö паськыд прөсекти. Восьлалам и шензям: кызди татшөм лөк туйөдсы вермөны кыскавны көрт трубаясё сварщикьяс-лы? Трубаясё йитлөма некымынөсь помся, плетьён тан шуёны. Сьöктагяс сэтшөм плетъяслөн 9 тонна, а кузьягяс комын метр. Кыскалөны ён машинасьөн, 70 кило-

метр ылнасянь, Сосновкасянь, көни йитлөны найсö.

А со и асьныс трубовозьясыс тыдовтисны водзын. Груз тырөн вөччөмаёсь рейс да бөр тыртөг нин локтөны.

Арттыгач сдизи и эз паныдасы мянлы. Көнкö пö водзын километр дас сайын уджалö. Яблуковский бергөдис öти трубо-воз, пуксялим-меститчим, кодi кызди кужис, да машинаөн бара водзö мөдөдчим.

Ён машина ружтö да кыссьö нйит прөсекти. Көть и тыртөг, а зөв сьöкыда муно. Сэтшөм лөк туйыс, мый мукөдлаас көлеса-ясыс бердлөны кизьөр нйит пытшкас. Шофёр, кепкаа том морт, шамырчөма баранкаö да синсö оз чөвтлы туй вылысь, полö сибдөмысь. Төдмасим ськөд: Кирушин И. Д., Курскöй областысь ачыс. Гөтыра, нель челядь быдтö. Куимыс школаөн нин котралөны. Гөтырыс тач жö, нефте-сборной складын уджалö.

— Кызди нö татшөм туйөдсы верманнуд кыскавны сы сьöкта трубаясё? — юалам сылысь.

— А мян велалөма нин. Машина ён, кыскö, сөмын ачюд эн вуграв. Ошибитчин — сидим, пукав, эн элясь... Дерт, сьöкыд, да öд колö. Кёйысым эштöдны газопровод — эштöдам! — баранкасö бергөдлгө-моз сёрнитис сийö. — Дерт, сьöкыд удж мян. Рытнад кыяс, пельпомьяс висьöны. Зато ваан плетьтö места вылөдз да сьлө-мыд радлө!

— А уна-ö нажөвитаннуд тайё удж вылас?

— Воддза төлысьнас 350 шайт босьги. Позьö уджавны, төлкыд да сымид кө эм. Но öд и уджыс мян аддзанныд кутшөм! Оз быд шофёр на и кутчысь тайё туйөд кыскасыны...

Кымын водзö, сымын лөкмö туйыс, позьö кө сдизи шуны лөйсөм, гөрөм прөсексö. Мукөдлаас вот-вот, чайтан, сидам, но шофёр төдö ассыс уджсö. Машинаыс ружтас, ружтас да бара на петас нйит капканысь, водзö мөдөдчö.

Воим перевалочной пунктöдз. Трубо-возьяс сөмын татчөдз вермөны кыскавны трубаясё. Кузь көрт плетъяссыс нюжвидзöны унакодь, виччысьöны, кор ён гусеничной тракторьяс водзö нуасны найсö. Водзын паськыд да кузь нюръяс вольсаясьöны. Кытчөдз оз кынты, трубовозьяс-лы не мунны на кузя.

Арттыгач век абу, да мөдөдчим ещö на водзö Кирушкин трубовозөн газопровод пөлөн. Танi эштөдөмаёсь нин сийсö, му пытшкө суйөмаёсь да оз тыдав. Мөдар туй бокас конденсатопровод эрдын нюжвидзö. Сийсö сёрнджык кёйсöны эштөдны да суйны му пытшкө.

Муним ещö километр дас да вöлисти воим Крутько бригада уджаланинөдз.

Төдмасим участкас начальник Г. С. Сысоевкөд, бригадир Б. С. Крутькокөд.

Крутько, код йылъсь уна буртор висьтавлисны мянлыс Ухтаын а, белорус, кузь вöсни тушаа, лөз беретa, кучик гача, кузь гөленя резина сапөгa, этша сёрниа морт. Сёрнитыштис мянкөд да мунис ас-лас өртъясыс отсасыны. Найö буретш выль

плеть лёсьдочёны стыкуйтны газопровод помё. Бригадирлөн синмыс зэв колё сәні.

Сысоев ошканапырьс сёрнитё аслас бригадир йылысь:

— Сылён некор бракуд абу, бура төдө ассыс уджсё. «Дружба» нефтепровод вылын уджаліс дыр, Тура — Пермь газопровод стрөйтис. Тані нин эштөдіс Тэбук — Джьер, сы бёрын Тэбук — Ухта нефтепроводьяс. Цехкомса юралысь. Дисциплинасо бригадаас пунктма бура, кызысьёны сылысь. Бригадаыс комплексной: 4 сварщик, свармашинаса 2 дизелист, трубоукладчик, машинаса 2 машинист, сәсса ачыс...

Ми видзөдім, кызди дась кодіём траншея дорын трубоукладчик машина отсөгөн йитисны газопровод помё выль плеть, сәсса сварщик Сергеок кучысис электродьясё да заводитіс сваривайтны первой вурьсөн. Сякнитіс син ёран би, видзөднытө он вермы.

Бригадир да дизелистяс кучысисны выль плеть дасьтыны, водзлань вуджисны. — Уна-ө нё најөвитөны тайё удж вылас? — юалим Сысоевлысь.

— Мыйда вөчасны, сы мыда и босьтасны! — висталис сійё. — Сварщикьяс төлысьнас босьтөны 500 шайт гөгөр, а дизелистяс этшаджык, нель сё кымын.

— Оз на и өткодя босьтны?

— А ті видзөдлөй сварщикьяслысь уджсё! — Сысоев нүдїс миянөс бөрвылын уджалысь кык сварщик дінө. Найё дзикөдз вылө нин сваривайтөны стыкьясёсө ещө кык вурьсөн. Син ёран биыс чужөмьясёсө сайдөмабьс щитокьясөн, кыаныс электродьяс кутөны да дзужөдчөны. Öтиыс өтарладорсянь стыксө сваривайтө, мөдыс мөдарсянь. Ми видзөдім, кызди мөдарса сварщикыс гатш водөмөн уджалө, удворсяныс сваривайтө.

— Адзанныд — ва пытшкын, гатш куйлө. Мөд ног он вөч, — гөгөрвөдїс участкаса начальник. — Тадзи сваривайтны колө ёна кужны, металлыс мед эз вияв. Ва пытшад куйлыны абу зэв любө, дерт. Гожөмнад шоньд да ладнө, а өні?.. Ставныс найё зарни кияса войтыр, рабочөй класс! Медбур сварчикьяс, высшөй класс!

— Да, налөн удж — быдлуныя подвиг! — вежавидзөмөн шуыштїс кодкө миян пиысь.

Сварчикьяс бөрвөвт локтөны выль сикас машинас. Найё мича весалөны көрт труба, эжөны сійөс изоляционной лентаөн, и трубоукладчикьяс лэдзөны дасьтөм газопроводсө траншеяө. Бульдозер тыртө муөн. Тадзи уджалөны тані, переднөй крайын.

Сёрөн нин, пемдыны заводитігөн ми прөщайтчим Крутько бригадаса войтыркөд да бөр гортлань мөдөдчим. Ас костын дыр на сёрнитм на йылысь. Видзөдны — прөстөй йөз, а вөчөны героической удж. Сөмын сәтшөм сюсь, кужысь йөзлы пөкөритчө войвывса зумыш, дзор парма.

Вертолет МИ-1 нөжмыдика кыпөдчис Ухтаса аэропортусь да мөдөдчис сыны Печоралань курсөн. Пассажирскөй кабинанын ми кыкөн, унджыксө оз и босьт тайё аппаратыс.

Ухтаын дай Сыктывкарын на миянлы не өтчыдысь гаравлісны Печора юдорса ичөтик сикт йылысь. Буретш сәні лёсьдочөны вуджөдны газопроводсө Печора ю пыдөсгї. Уджыс пө тайё зэв ыджыд да дона, миллион кымын шайт пө сувтас. Не волыны сәтчө — унатор воштыны.

Улітї лёбысь вертолётсянь арся парма-вөр вылө видзөдїгмоз думөн лёсьдочи дыр мысти бара на адззысьлыны матушка Печоракөд. Сы бердын ме чужлї, быдмылї, эг этша ком вугравлы челядь дырйи. Тайё вөлі важөн нин, ёна важөн, кор Коми муын ни көрт туйыс на эз вөв, ни самолётьяс да вертолётьяс эз лэбавны. Печора сәки олїс лөнь, гажтөм патриархальной олөмөн на.

Помнита, төлын миян вөлбсьт кузя тшыг көиньяс котравлісны, поньясөс джагөдлывлїсны кильчө помьясысь. Помнита Дарук Пашөс, зумгыр, важ, быттө нитшявны нин заводитөм старикөс. Сійө олїс миян керка мышкын, важ пывсянын. Сійөс ляддылысны мыйлакө лёк мортөн, мутияскөд ноксысьсөн. Сы йылысь К. Ф. Жаков на коркө быдсяма страксө гижліс. Уна быдсяма шеваас, вакулас да омөляс веритлісны сәкитө сьөд-пемыд йөз.

Талуныя Печора дзик мөдкодь — томмөма, выльмөма. Сы йылысь выль сыланкывтяс сьылоны. Вөр, нефть, газ, пушнина, чери. Мыйта озырлун Печора өні сетө мортлы бур вылө! Аския луныс сылөн ещө на тырдылө да мичаджык.

А со и ачыс Печора — паськыд эзысь вөнө поткөдөма пармасө да котөртө вой морелань.

Вертолёт кытшовтчис да каля моз ляпкөдчис-пуксис.

Кымынкө важинки керка, бокынөс найё. Ме төді: тайё важ Печора на. Кызди бөрыннас төдмалї, и олысьыс кольөма сөмын кымынкө пөрыс морт. Мукөдөс эновтөмаөс, мунөмабьс Дутовой, мөкөдла.

Миян вертолёт пуксис берегдорса эрд шөрө, көні пыдїджыкын, вөр дорас топөдчөмөн, сулалисны дас кык краситөм вагон. Тані — Ленинградса управлениеысь 6-өд экспедиционной отрядса 7-өд группалөн походной лагерныс. Олөны подводникьяс — сїдз жуөны вапйтшса гирысь технической сооруженияс вөчысь йөзс. Локтисны найё май төлысьын, комынөн: инженерьяс, водолазьяс, сварчикьяс, бульдозеристьяс, экскаваторчикьяс, радиораф. Лыд серти кө, отрядыс абу ыджыд, но сьөрсыныс найё вайисны уна ён машинасыс, техника. Витөд төлысь нин подводникьяс штурмуйтөны паськыд да визув Печора ю.

Вертолёт дінө локтис начальник И. Я. Танклевский. Сійө нүдїс миянөс аслас «кабинетө» — вагонпытшса неыджыд вежөсө. кодлөн кузьятыс квайт воськов, пасьятыс нель.

Воча сулалысь кык пызан да гоз-мод табу-
ретка — став мейельсь сылбн.

— Дзескыдджык эськё да, но эн диви-
тэй!— гора гёлбсён сёрнитіс Иосиф Яковле-
вич.— Ме тані шоча и овла, ёнджыкасё
производство вылын бергавны лоб. Гач
нирты ог радейт!

Вовлём флотской офицер, сійё абу на
воштёма воинской выправкасё. Коснбодик
джджыд тушаа, гора гёлбса, сёрнитё —
быттё командаяс сеталё. Уна ветлём-му-
нём морт төдчё. Отечественнй война сійё
заводтёма курсантн Севастопольн да
помалёма старшой офицерён Берлинын.
Служитёма бронекатерн дивизионнын. И
Берлин штурмуитны отсалёма аслас катеръ-
яс вывсаы биён. Фашистъяс виисны сы-
лысь батъсё, мамсё, воксё. Семьяс ёні
Ленинградны: гётыр, кык пи. Ыдждл пиыс
флотын жё служитё. Гётыряс уджалё тех-
никён трасса вылын жё кёнкё Ленинград
дорын.

Уна во нин Иосиф Яковлевич вёчалё ва-
ува инженернй сооружениеяс. Стрбитіс
«Дружба» нефтепровод, Среднй Азия —
Центр газопровод. Днепр, Сожь, Волхов,
Припят, Десна да уна мукдё тырсь и по-
ни юяс штурмуитліс. И пыр дюперьяс: тадз
шубны тані ва увтё вудждан трубаясё.
Дзормыштны нин заводитём сьод юрсиа,
лёсьыд чужёма коммунист Танклевский и
мирнй удж вылын чувствуйтё асьсё фронт
вылын моз. Уджык сылбн сэтшём, оз позь
мёд ногсё. Шутка ёмй, шуам, вуджданы
Печора вомён нель вожён кыссысь сталь-
нй трубаяс. Но кывзыштам, мый та йы-
лысь ачыс висяталё:

— Печора юлбн пасъаыс тані 900 метр
саяс, а ластасё да берегдорса подхоясьсё
кё артавны, вудждчан участокн нюжа-
лё 3.200 метрёлз. Уджык зэв уна. Артыш-
тёй асьныд: колё ю вомён вудждны кык
труба газопровод да кык труба конденсато-
провод. Мыйла та мында? Кыяс лоб ре-
зерв. Кыткё кё друг торкяса кутшёмкё
вож, ва увсьыд зэв сьёкыд дай дыр лоб
дзонътавын. Сы вёсна и резервийсёс вё-
чёны. Срок: локтан вося мартын эштёдны
ёти гоз газопроводсё да конденсатопро-
водсё, а августын — мод гозсё. Но ми артыш-
тём да кёйсысим юбилей кежлё на вудждо-
ны ёти газопровод визь, а конденсатопро-
вод — виль во кежлё. Коллектив мян
дружнй, уджалёны ставыс зёля, и надейт-
чам соцюзательствоннымёс портны олёмё.
Миян эм асланым партийнй организация,
бур коммунисты: Фролов Виктор — зем-
снарядса командир, Жук Алексей — маши-
нист-трубоукладчик, мукдёяс. Коммунистъ-
яс петкёллёны уджын пример, водзынсь да
медкывкутана участокъяс вылын сулалёны.
Дай сварщикъяс, водолазыяс, бульдозе-
ристъяс — ставныс уджалёны сьёлёмсяны-
ыс. Ог элясь, коллектив бур, войтырлён
выдждл опыт. Накод позьё штурмуитны и
не татшём юяс!

Вагоньсы ми бёр петім ывлаё, Печора бе-
рег дорё. Паськыда гёгор тудалё и визу-
тысь юяс, и мёдлапёса кызя кыссян лыа-
ыс, пушкыртан-быдман бадьяс, ойдлан пе-
чорскй видзьяс, веж вёр. Тані и сынёдыс

кутшёмкё чёскыд, вёр-ва кёрон йиджты-
сьёма.

Отар и модар берегас gryмакылёны-
уджалёны машинаяс. Таладорас, джджыд
кыр йылын, эскаватор ТЭ-3 кодйысьё. Мё-
дарас муракулёны тракторъяс, бульдозеръ-
яс. Ю шёрын кодйысьё земснаряд.

Ми локтём экскаваторщик А. Борисов дё-
ррё, сёрнитё сьёкд воим. Комын кык арёса
том морт, ремесленнй училище помавлёма,
сы бёрын удитёма нин уна сё тысяча кубо-
метр му перйины, пуктылтыны. Тшётш и
«Дружба» отсалёма вёчны, и газопровод
Среднй Азия — Центр.

— Сэнитё, ок и пось вёлі. Луннас неля-
мын градус кыр, веськыда сотё! — лабунёя
сёрнитё сійё.— Луннас вёлі шойччам, а вой-
нас муркёдчам-уджалам. Тані майбыр
уджавнётё, ыркд да лёсьыд. Кык тёлъсьё-
ён перйи 24 тысяча кубометр му, нель
траншея кодйи, кык нормаён лун вёчи. Но,
и нажёвиті буракодъ, тёлъсьынас 400 да 500
шайт. Менам уджяса тані помасёдыс нин,
Изва ю вомён вуджны сёсыс муна. А сы
бёрын Ухта — Котлас — Торжок трасса вы-
лё. Сэні, висьталёны, 22 ва вомён ковмас
на вуджны.

Гажаа буткёдчысь катер вудждёис мян-
ёс модар берегё. Сэні бульдозерьясён шы-
льдём му вылын куйлёны, синнад омёля
судзан — сы кузя трубаяс, дюперьяс. Оти-
сё, тысяча метр кузътаёс, дасъёмабсь нин
ва улё лэдзны: радиографон видлалёмабсь
сварка местаясё, 70 атмосфера давление
улын вёчёмабсь опрессовка, эжёмабсь ас-
лыснога изоляционнй материалён, вывтёс
пёвьясён на кышёмабсь, та вёлё сьёкыд
кёрт кытшьяс пысавлёмабсь, быттё ба-
гатырлысь чуньсё чункытгалёмабсь.

— Мед оз кыпты дюперыс, кор кутам ва-
ас лэдзны земснарядн кодйём траншеяё,—
гёгорвоёліс мянлы отрядса начальник.—
Кыдзи кутам та кузясё кыскыны-лэдзны ва-
ас? Дас трубоукладчик босътасны «сой йы-
ланьыс» дай мёдёдчасны валань. А модар-
сяныыс вына лебёдка кутас кыскыны ю
вомён нюждём стальнй трёсён. Трёссё тру-
ба помас лоб йитёма. А воас вадлз да кох-
ниа нин мёдёдчас шлювдыны. Кор пуктам
трубасё ва пидёсса траншеяё, сэк эсйё по-
ковьяснас личкам,— индїс Иосиф Яковле-
вич лыа вылын неылын куйлысь бетоннй
глыбаяс вёлё.— Быдёллён сьёктаыс 600 ки-
лограмм. Тадзсё колё, мед трубаяс эз вёр-
зыы некор, эз кыпты. Та бёрын земснаряд
бёр тыртас траншеяё. Сійё земснарядыс
кутас виль вожлы траншея орчён кодйы-
ны, перйём мунас тыртны важ траншеяё.
Отшётш кык кёчёс лыям, кык ёлйё удж-
ным мунас мян. Быдлаё колё юр! — шути-
тёмён нин шуис инженер.

Рытнас, кор уджалан лун помасис да ста-
выс чукёртчисны лагерё, ми волім ёти-мёд
вагонё, сёрнитім сварщикъяскёд, водо-
лазыяскёд. Вагонъясын шоньд, электриче-
ство ёзйё. Столбёйын ужнайтём бёрын ме-
ханизаторъяс шойччисны: кодкё лыддысыс,
кодкё шахматасыс, кодкё мусаысын письмё
гжис. Ставыс зэв толка, шань йёз.

Водолаз Анатолий Кэзлов, вовлём стар-
шина-фронтвик, коді не ётчидысь нин лэч-

чыліс Печора пыдсё видласьны да земснарядлөн гидравлическэй фрезалы отсалём могось не ётчыдысь весаліс сы туй шёрысьгырьсь изьяс, нёлъ тысяча час нин олёма ас нэмнас ва улын. Уджавлёма ЭПРОН-ын, вёйём суднояс лэпталёма море пыдёсысь. Радейтё ассыс сьёкыд, но колана профессиясё, окотаысь висьталё, кызди-мый да кёнъсын уджавлёма, мыйяс лолывлёма ськёд.

Федя Бутенков ськёд жё вагонын узьлө орчча койка вылын — высшэй класса жё водолаз, варов зэв, культурнэй морт, радейтё лыддысьны, шахматасьны. Пыр мыйкё варовитё да сералё, кызд шуласны, вомыс оз поддасьлы.

А вот сварщик Василий Федоров мёдджык оласнога: рам да лёнь, зон чукёрысь синмад оз шыбитчы, быттьё абу сійё. Но узж вылас сы кодъ зільыс этша.

— Вёчас кё нин — вёчас кыз колё! — сы йылысь висьтавліс миянлы начальникыс. А коркё вёлёма чернорабочёйён. Велёдчёма, зильёма и ёні высшэй класса сварщик. Радиограф некор на абу бракуйтлёма сылысь уджсё. Ваууса газопроводьяс вёчнытё сэтшёмьяс и колёны.

Вагонас ми сійёс суим: буретш вёлі пиуысь мичаник кёр фигура шыльёдё-мольёдё. Ачыс вёчёма. Вёлёмкё, пуысь вундавын-вёчасьны мортыд радейтё. И масляной краскаясён кужё рисуйтчыны. Но тайё уджыс сылён прёт кадса, шойчём пыдди.

Луннас на, кор ми кытшовтчим вагоньяс-

ті, казялім: некод нинём оз игнав, оз дзёб, ставыс восьса. Отилаысь аддзылім спидола, мёдлаын кыин новлан часі бшало; колуй, паськём, деньга — ставыс эрдын, игантём.

— Онё и полёй вошёмьсы? — юалам налысь.

— Миян пёвстын некод кузь кнаыс абу. Огё жё кутёй ёта-мёдысь дзёбны. Кутшём нё сійё олём? — шуёны найё.

Вот тадзи олёны да уджалёны подводникьяс...

Вертолётён бёр сэтсысь лэбзигён дыр видзёдім ылымысь вагоньяс вылө, и сьёлём вылын вёлі сэтшём, быттьё янсалім важён нин тёдса зэв бур войтыркёд.

* * *

...Печора! Кутшёма тэ вежсьёмыд, майбырёй!

Коркё, гижны заводичигён на, ме печатайтлі «Ордым» журналын висьттор «Опёньлөн вёт». Томиник Опёнь нёровтчё ытшкём бёрын шойччыны Печора берег дорё да унмовсьё. Аддзё зэв мича вёт: Печора пёлён тшынасьёны заводьяс, фабрикаяс, кёрт туй кузя котёртё поезд... Сэки тайё вёлі сёмын на вёт, дерт. А талун видзёдлөй! Мыйыс эз збыльмы сы вётесь! Но шуам веськыда: Опёнь эз куж сэх вётасьны «Войвыв кыя» йылысь. Тайё талунья мича-мича мойд, кодёс чужтис Октябрь, миян сэтшём визув да гора сёветскёй олём!

100

ИЗЪВАСА СЪЫЛЫСЬЯС.

Фото В. Вежевлён.



АРКАША

Поэмаысь юкөн

Сувтлы, пиук,
Кывзы сьыланногос,
Сьыланногыс
Абу нин зэв выль.
Ёль дор пожом
Дзормис тайо шогон,
Век на мойдө
Вир кисьтана збыль.

Өні мый.
А сәктө зэв он элясь,
Ни эз сьывсьыв,
Кызди колипкай.
Верстьо йөзкөд
Отыв сәксә челядь
Ыджыд косьо
Пуктис ассьыс пай...

Дзоргис төлысь
Паськыд вөрлөн эрдө,
Лайкыд ванас
Унзиль төв эз дур.
Кодкө пуксис
Ёль дор пожом бердө,
Увлань лэдзис
Пашкыртчөм сьод юр.

Синва чышкас,
Ырөстас да бара...
Бытьо из
Сы морөс пытшкын эм.
Ворсан кодзув
Тиралис зэв яра,
Надзмыд войыс
Кывтис, кызди нэм.

Ой, Аркаша,
Мый нө тэкөд лоис,
Мыйла мусмис
Гажтөм валон кыр?

Ыпъян шогыс
Долыд гажтө сёйис,
Гы моз кывтис
Зарни оландыр.

Дона батытө
Гартисны кыз чептөн.
Мурчкөм вомсьыс
Кыв ни джын эз письт.
Сидз и кулі —
Штыкьяс йылө ләптөм,
Кувсис грездын
Первой коммунист.

Уджач мамтө
Ошкылісны грездын:
Зэв пө авья,
Төлка тайо ань.
Шогысь, лөгысь,
Вермис кө, пыр мездис,
Эз вөв сиктын
Мөд морт сы кодь шань.

Локтис еджыд,
Бурлунсө эз артышт,
Сувтса синнас
Зверь кодь вөлі дзик,
Муса мамлы
Пищаль көртөн вартис,
Мыйла шуис:
Тшөтш пө большевик!

...Рад Аркаша
Мунны шоньд гортас,
Муса гортсө
Босьтис еджыд штаб.
Лысва йирмөг
Кынтис өтка мортөс,
Шоньд лолыс
Кутчысис, эз ляб.

Козьяс сайті,
Ёльдор бужод пөлөн,
Еджыд унтер,
Чангыльтөма ус,
Ньөжйөнникөн
Рөдтө ворон вөлөн,
Тшын моз пуркйө
Кельыд мир туй бус.

Кустөм лөглун
Букаш синнас ликтө,
Порсь кодь тшөгөн
Өзйө чужөмбан.
Мунө сййө
Орчча Озьяг сиктө,
Кытысь шедөм
Лыйсысь партизан.

Но со унтер
Юны татчө сувтис.
Лэччис горув,
Кывзысьшитис сутш.
Кыссис зонка
Лажгөс козьяс увтис...
Враглы мышкас
Вувзысис, кызд кутш.

Джуджыд йирас
Ваис ыз-базмунис,
Өдйө разсис
Быгья гылөн сер.

Гартов змейөн
Пескыльтчис да сунис,
Пемыд йирө
Вошис офицер.

Из моз зонка
Личкө век, оз сетчы,
Жмитны тшөктө
Лөглөн бытшкан дой.
Чангыль уска
Ва пыдөсө лэччис,
И Аркаша
Быйкнитис, кызд мой.

Дыр на дзоргис
Веж шөвк эжөд вылын,
Век оз эскысь:
Артмис, кызди вөт.
Югзис эжөр.
Ньыв пу кышакылис.
Төвйыв варыш
Қорсис кынөмпөт.

Дойдис мөвпсө
Враглөн револьверыс:
«Судзода вот...
Ковмылас на мем».
И Аркаша
Вошис, кызди чери.
Петис. Киас
Қорсянторйыс эм.

ТШӨТШ ТӨДЛА УДЖЛЫСЬ КӨР

Төв швачкө өшинь тасө
Да кызлысь нетшкө кор.
Сикт весьтө өшйө асыв,
Сэк ловзьö уджлөн гор.
Со трактор шы нин кылө,
Комбайн со вартө нянь.
Удж шыыс юргө ылөдз
И рытөдз оз нин ланьт.
Ме велөдчыны муна,
Ме ог на варт ни гөр.
Но воас сййө луныс —
Тшөтш төдла уджлысь көр.

ВАНЮК ВӨЧӨ ЧОМ

Мөлөт Ванюк кыин
Ворсö: «тук-тук-тук».
Пон чом вөчө сййө,
Эз на ланьтлы здук.
Ноксьöмыслы лө,
Гашкө, коймөд час.
Тувъявны на колө
Нöшта көрт тув дас.
Пырас чомйö регыд
Ваньлөн муса друг.
Налысь йитөд некод
Та бöрын оз дзуг.

Серамлы—туй

Ветымын во тыри Сöветскöй властьлы. Нимкодясьöны Му шарвывса став бур войтырыс. А нимкодясигөн кыдзи нö шмониттөг да серавтөг! Гажа нюмтөг да долыд серавтөг оз овлы ни öти праздник.

Дерт, серамыд овлö уна сикас. Эм скöр серам, кодi мыжтö оз кöсьы прöститны, эм и нимкодь, вильыш шмонитöм. Морт мунö шудлунлань, та вöсна серамыс пыр ёнджыка колö. И окота шуны:

— Туйсö — серамлы!

Гижöм коми сатира чужи Иван Куратовлөн перö улын на. Но коми дядь, пачöр дорас шонтысиг, сартаса билөн трачкöдчöм улын, векысянь мойдлис челядыслы Пера-багатыр да Бурань йылысь. И дöра гача да кöтиа зонкаясис сылөн кыпыд мөвпнаныс збоя нöйтисны вөрөгъясöс, серавлисны налөн слаблун вылын да нимкодясисны удал геройяснас. Сатиравыд öд оз сöмын серавлы омольсö, но и эбöс сетö бурыслы, вильысьлы, водзö тувчалысьыслы.

Сатиралы уна нас важöн нин бырины. Нёбдинса Виттор да Михаил Лебедев ёся серавлисны, шуам, кулакъяс вылын да тайөн отсалисны бырöдны сиктса вир юысьясö. Но тырмöны на тай мукöд сикас азымъясис, кодъяс, кыдзи шулис Райкин, кыйöдöны асьыныс няньсö мавтны тэнад выйөн. И медся горша сэтшöмъясис суйöны кырымъяснысö государство зептö.

— Миян государство озыр,— шпыннёлöны найö.— Сё-мöдтö кö не-тшыштам, оз гöльмы!

Мукöд дырйи татшöмъяс дiнас прокурор оз вермы сибöдчыны, уликаясыс пö оз тырмыны. А сатиравыд мöрчывлö. Бур йöзыс кутасны тöдны жуликтö, ёнджыка видзчысьны сыысь, дугдöны сибöдны государственной эмбур дiнас.

Быд сикас дивöбыс на овлö свет вылас. Вайöдам танi кык шмонитана сернастор. Бытгö и содтышталöма висътъясас, шмонитигөн сытөг оз позь, а подулыс налөн — абу небылица.

Т Ö Л К А М Ö В П

Газетысь лыдди: öти мортлы ыджыдкодь премия сетöмаöсь бур рационализаторскöй мөвп вöзйöмысь.

А менам буретш деньгаöй эз вöв. Зептöй куш, нинöм оз зияля-зёля ни кыша-кашакыв. Мыйкö эськö сэтшöмсö мөвпыштни жö!

Аттö, мый нö эськö? Юрö тай нö немтор оз во.

— Эврика!— горöдi сэсся öти важ грек моз (нимсö сылысь вунöдi). Котöртi совхозса директор дiнö.— Михаил Павлович, ме дыр нин мырси öти рационализация вылын. И талун решитi сийöс!

— Молодеч!— шуис директор-ыд.— А ме эг и кужлы мөвпыштны, мый тэ, Маегов, рационализатор. Зэв чорыда тэнö мьсыковтлім кыдзи прогульщикöс, а тэ, вөлөмкө, прамой морт. Мун аслад предложенинад техник Чувьюров дінö, сійö миян бризалö.

Төвзи техник дінад:

— Вот менам выль мөвплөн сьөв-мөсыс. Колö быд дояркалы сетны велөдөм понйöс.

— Мыйла?— чуймис техникыд.

— Понйыс кутас сулавны лысытысигөн мөс дінас да оз сет скөтинаыслы вөрзыны. Сэки мөскыд пөдөнчаас оз чужйй дай унджык йөвсö лысытас чөла сулалігас. Ме арталі да, таыса экономическөй эффектис лоас сө шайт кымын.

Чувьюровыд гольснитис-пуктис щөті вылас сө шайттö.

— Сэсся мөд выгөда лөö. Ласей стөрөжөс позяс мездыны. Сы мында понъясыд өд оз нин лэдзны бөкөвөйтö фермаад войнас! Таыса экономияыс онас лөö... стөрөжлы квайтымын шайтөн төлыс мынтам... сизимсө кызь шайт, сідзкө, онас.

— Но өд сійö и войса скөтник,

Ласейыс,— шуис техникыд.— Куйөд петкөдлө.

— Куйөдтö петкөдны понъясыд оз вермыны али мый? Войвылын тай нö понъяс вылас гөняйтлөны! Додь лөсьөдны, велөдны барбосьяссö да ещö кутшөма на кутасны куйөдтö кыскавны!

Техникыд, буракö, эз зэв эскы. Сэки ме мөдар боксянь сы вылө уськөдчи:

— А выль водзмөстчөмыс мый сулалө. Став свет пасытаыс кывсяс, кыдзи ми понъясөс сувтөдін видз-му овмөслы пөльза вылө. Диссертацияс кутасны миян йылыс гижны, телевидениеö снимайтны.

Чувьюровыд сералыштис да вочавидзис:

— Абу на бура подулалөмыд асыыд мөвптö, но босьтам тэнсыд рацпредложениетö. Некод на өнөдз ни өти мөвп эз вай, да көть мыйкө өні папкаын лөыштас. Экономиясө нө уна-ө пасьям?

— Унджык пасйы, унджык!

— Но, шуам, тысяча шайт. Поводной экономия. Тэныд воыштас и.

— Воыштас кө, бур. Мед сөмын регыдджык сетасны-а! Бара на мыйкө татшөмтö мөвпышта.

Ж Ö Н И К Ч Ö В О Л Ö

Телеграмма эз во.

— Мыйла, мыйла эз ысты öтветсö?— öшиньö дугдывтөг дзоргиг, мөвпаліс Августа.— Сө зөлөтөйөй, мыйла тэ чөв олан? Сьöлбөм косытысьöй, кутшөм помка вöсна нө телеграммаыд өнөдз абу?

Августалөн мамыс сэтшөм скөра вöрис инпөлас, мый чугунъясыс да гырничьясыс нора зия-зелякылісны.

— Быд гача вылө ыштан!— ропкис пöрысыс.— Свадьба вылө гөстьясөс нин корим, а жöникыд век абу. Згинитіс! Дзөбсис тэыс, полөкалөыс! Ок, лөсышта вот пель бокад!

— Мамö, ме нө мыйыс мыжа?

— Код төдас, кодныд мыжа! Шышөс тай, буракö, корсьөмыд-а.

Сэтшөм шышьясыс быд пурисын шөйтöны! Чукля Ивö вөлі корасьö, да сы сайö, небось, эн мун, öкаяннөй ныв!

А өд кутшөм лөсыда ставыс заводитчис. Кино вылын Августа адзысис сэтшөм шөвк кудриа юрсиа Димакод. Синъясыс Дималөн дзик итальянскөй артистлөн кодьöс, коді тай век ворсö любитчысьöс. Но артистыд зэв мудер, а Димаыд кажитчис бая кодь честнөйөн, пöрьясны кужтөмөн.

Төвзисны радейтчан лунъяс, тувсов зэр моз дженыда, и öтчыд Дима шуис, нывлыс кисö шамыртөмөн:

— Меным колö ветлыны мамöлыс юавны. Сылөн тшөктытөг ме оз лысыт гөтраснытö. Ме век вөлі

пöслук пiөн. Ме тэныд ыста теле-
грамма стöч куим лун мысти. Гижа
сöмын куим кыв: «Радейта, сёсыь
окала». Кор воас татшöм юöрыс,
сидзкö, ставыс лючки-ладнö.

Августа лэбзис гортас да тэрма-
сöмөн кутис свадьба кежлö лöсьöд-
чыны. Куим лун мысти воас теле-
грамма, а сэсыя и ачыс Димаыс
мыччыяс. Августалөн мамыс пуис-
пöжалис сё сикас вöлöга. Невеста-
ыс ачыс вöзыйысис жö удж вывсыс
да эз эштывлы весиг водлынысö.
Коді свадьбуйтліс, ачыс гөгөрвоё,
мыйта ноксöмыс тайö лунъясас.

Куим лун коли, а телеграмма —
абу. Нельöд лун, витöд лун — юөр
абу. О, кöні тэ, Димаöй? Збыль
öмöй нö вунöдін? Со öд, мужичöй-
ясыд кутшöмбсь. Некодлы жö нин
оз позь эскыны. Пөръявны и кыйö-
дöны важ чиганъяс моз. А, гашкö,
мыйкö сыкöд лои?

— Эз на öд пон сёй,— скöра
шыасис Августалөн мамыс.— Лои
кö öд кутшöмкö ускöттьö, юёртисны
эскö! Злыдни тэнад другыд, вот
мый!

Августалөн быри став терпеннö-
ыс, арся пипу кор моз кельдöдис.
И öтчыд котöртіс почта вылö.

Унзіль синъяса кыз нывбаба
дышеника юаліс:

— Телеграмма? Эз на кö волы-а.

— А, гашкö, воліс? Видзöдлöй,

пöжалуйста! Сьöлöмöй потö, юөр
виччыся!

— Виччысян кö, видлам колö-
кö,— нывбабаыд перйис пызан йөр-
сысь бумага чукөр.— Вывті дырсö
эскö огö жö куйлöдöй да теле-
граммаястö. Гөгөрвоам жö öд. Кы-
дзи нö фамилиеыд?

Августа висьталіс.

Нывбаба лукйысыштис бумаж-
каяс пиас да перйис öтиöс:

— Со тай эм. Дзик прöста и ыз-
ган, нервтö он видз.

Августа кватитис бланксö да
сатшыкысис синъяснас сэтчö. «Ра-
дейта, сёсыь окала, регыд воа. Ди-
ма». Со öд, зарни кывъясыс!

Кор неуна сьöлöмыс лаймалыш-
тіс, эз нин кут кыйöдны вом пырыс
чеччыштны, Августа шуис:

— Куим лун сайын нин воöма
телеграммаыс. Мыйла та дыра куй-
лöдінныд?

Почтаса нывбаба кыпöдліс сы
вылö быгалöм синъяссö да воча-
видзис:

— А тэ эн горзы. Ми — грамот-
нöй йöз да гөгөрвоам, кутшöм теле-
грамма колö пыр нуны, а кутшöмöс
позьö куйлöдыштны. Гижöма кö:
«Тётяыд куліс, дзик пыр лок дзеб-
ны», ми эскö пыр жö и вайим. По-
койникыд дыр оз кут виччысьны.
А тэнад мый сэні? «Радейта, сёсыь
окала». Мед кöть и кыксёсыь. Уди-
тас на!

ШОНДИА ОКТЯБРЬ СОЛНЕЧНЫЙ ОКТЯБРЬ

Кывъясис А. Ванеевлөн.

Музыкаыс В. Мастеницалөн.

Октябрь! Октябрь!
Тэ быдёнös козыналін шудён...
И кося ме тодны, Октябрь,
Дас сизимöd воас сэк кутшөм
Тан, Комиын, сулаліс ар?

Сэк, гашкө, тан дөжнасис-зэрис,
А, гашкө, и ыдждаліс төв.
Но эскыны некыдз, ме некыдз ог вермы,
Мый энэжын шонді эз вöv,
Мый энэжын шонді эз вöv.

Шонді! Шонді!
Од сэки важ Му вылын ломзис
Пöсь лов шыа шуда Выль нэм!
И быдторсö аддзэывыльш шонді
Эз саймовтчы—
Эскыссьö мем.

Яр шонділөн нюмдöмысь арын,
Кыдз тулысын, гажмисны йöз,
И лоис сэк менам, сэк менам сьöd Парма
И югыд, и тöдчымөн лöз,
И югыд, и тöдчымөн лöз.

Октябрь! Октябрь!
Октябрь! Людям счастье принес он.
И знать бы хотел я сейчас,
Какая в семнадцатом осень
Была в Сыктывкаре у нас.

Быть может, дождливым был Север,
Быть может, пришли холода,
Но все же я твердо, я твердо уверен,
Что солнце светило тогда,
Что солнце светило тогда.

Солнце! Солнце!
Всего постоянный свидетель,
В горячие дни Октября
Оно не могло не заметить,
Что счастья восходит заря.

Осеннее солнце всеяло
В сердца вешней силы прибой.
И мрачная Парма вдруг стала, вдруг стала
Веселой и голубой,
Веселой и голубой.

ЫДЖЫД НАГРАДАӨН

Великой Октябрьской социалистической революцияын, гражданской войнаын да 1917—1922 воясын Советской власть вöсна тышын активнöя участвуйтöмысь Великой Октябрлы 50 во тырöмкөд йитöдын СССР-са Верховной Советлөн Президиум 1967 во октябрь 28 лунся Указөн наградитіс Красной Звезда орденөн Николай Павлович Поповöс (Жугыльöс), тöдса коми гижысьöс.

Сійö жö лунся мөд Указөн СССР-са Верховной Советлөн Президиум наградитіс «Знак Почёта» орденөн Яков Митрофанович Рочевöс, нималысь коми гижысьöс,— советской литература сөвмөдöмын да уджалысь йöзöс коммунистической воспитайтöмын ыджыд заслугаясь.

Сьöлөмянь чолөмалам ассыным матыс ёртгясынымöс, Николай Павловичöс да Яков Митрофановичöс, сиамамы бур дзоньвидзалун да выль вермөмясь гижан уджаныс!

Коми АССР-са писательяс союзлөн правление да
«Войвыв кодзув» журналлөн редколлегия

Техн. редактор И. Оплеснин.

Адрес редакции: г. Сыктывкар, ул. Советская, 13.

Слано в набор 23/X-1967 г. Подп. к печати 10/XI-1967 г. 70 × 108^{1/16}. Печ. листов 4.
Приведенных печ. листов 5,48. Тираж 3889 экз. Ц02097. Заказ № 5874. Цена 15 коп.

г. Сыктывкар, Республиканская типография Управления по печати
при Совете Министров Коми АССР

ШОНДИА ОКТЯБРЬ СОЛНЕЧНЫЙ ОКТЯБРЬ

Кывьясыс А. Ванеевлөн.

Музыкасыс В. Мастеницалөн.

Марш о́дён
В темпе марша

Голос

Октябрь! Октябрь! тэ
Октябрь! Октябрь! Ок-

бы-дö-нöс козьна-лин шу-дён И косья ме тöдны, Ок-тябрь, дас
тябрь! Людям счастье при-нёс он. И знать бы хо-тел я сей-час, ка-

си-зи-мöд во-ас сэк кутшöм тан, Ко-ми-ын, сула-лис ар? Сэк,
ка-я в семна́дца-том о-сень бы-ла в Сыктывка-ре у нас. быть

гаш-кö, тан дöжна-сис-зэ-рис, а гаш-кö, и вы́жда-лис төв, но
мо-жет, дожди-вым был се-вер, быть мо-жет, пришли хо-ло-да, но

эс-кы-ны не-кыда, ме не-кыдз ог вер-мы, мый е-нэ-жын шон-дi эз
все-же я твер-до, я твердо у-ве-рен, что солнце све-ти-ло тог-

вöв, мый е-нэ-жын шон-дi эз вöв.
да, что солнце све-ти-ло тог-да!

„ВОЙВЫВ КОДЗУВ“

БЫД ТӐЛЫССЯ КОМИ ЖУРНАЛ

Карын и медылі сиктын, вӧр лэдзанинын и газ корсянінын уна сюрс морт судзӧдӧны да лыддьӧны сійӧс. Вильӧн чужӧм бурджык коми гижӧдъяс медводз петӧны «Войвыв кодзув» журналын.

Нелямын ныкӧд во кутас воны журнал коми лыддысьысьяслы. Найӧ бара аддзасны сзсь кывбуръяс да висътьяс, повестьяс да пьесаяс, критическӧй да публицистическӧй статьяяс, важ да талунъя олӧм йылысь пасйӧдъяс, серамбана гижӧдъяс. Быд номерын лӧӧ и челядьлы юкӧн.

Ассьыныс выль гижӧдъяс локтан 1968-ӧд воын йӧзӧдасны журналын: Илля Вась, Николай Попов (Жугыль), Геннадий Федоров, Николай Дьяконов, Яков Рочев, Иван Изъюров, Серафим Попов, Иван Вавилин, Федор Щербаков, Сергей Морозов, Александр Лыюров, Василий Леканов, Александр Ларев, Владимир Ширяев, Иван Торопов, Михаил Игнатов, Иван Коданев, Петр Шахов, Леонид Палкин, Геннадий Юшков, Владимир Попов, Альберт Ванеев, Василий Власов, Юрий Васютов, Александр Вежев, Анна Федорова, Степан Раевский, Анатолий Микушев, Дмитрий Конюхов, Вера Латышева, Александр Матвеев, Алексей Тимушев, Владимир Безносигов, Леонид Огнев, Егор Рочев, Николай Щукин да унаӧн мукӧд.

Во кезлӧ журнал вылӧ гижсян доныс 1 шайт 80 кӧп., во джын кезлӧ — 90 кӧп., кум тӧлысь кезлӧ — 45 кӧп.

СУДЗӐДӐЙ ДА ЛЫДДӐЙ „ВОЙВЫВ КОДЗУВ“ ЖУРНАЛ!